

Namo tassa bhagavato arahato sammāsambuddhassa

Vinayapiṭake

Parivāra-aṭṭhakathā

Soḷasamahāvāro

Paññattivāraṇṇanā

Visuddhaparivārassa, parivāroti sāsane;
Dhammakkhandhasarīrassa, khandhakānaṃ anantarā.

Saṅgahaṃ yo samāruḷho, tassa pubbāgataṃ nayaṃ;
Hitvā dāni karissāmi, anuttānatthavaṇṇanaṃ.

1. Tattha **yaṃ tena bhagavatā...pe... paññattanti** ādinayappavattāya tāva pucchāya ayaṃ saṅkhepattho – yo so bhagavā sāsanaṃ ciraṭṭhitikathaṃ dhammasenāpatinā saddhammagāravabahuṃānavegasamussitaṃ añjaliṃ sirasmiṃ patiṭṭhāpetvā yācito dasa atthavase paṭicca vinayapaññattiṃ paññapesi, tena bhagavatā tassa tassa sikkhāpadassa paññattikālaṃ jānatā, tassā tassā sikkhāpadapaññattiyā dasa atthavase passatā; apica pubbenivāsādīhi jānatā, dibbena cakkhunā passatā, tīhi vijjāhi chahi vā pana abhiññāhi jānatā, sabbattha appaṭihatena samantacakkhunā passatā, sabbadhammajānanasamatthāya paññāya jānatā, sabbasattānaṃ cakkhuvisayātītāni tirokuṭṭādīgatāni cāpi rūpāni atīvisuddhena maṃsacakkhunā ca passatā, attahitasādhikāya samādhipadaṭṭhānāya paṭivedhapaññāya jānatā, parahitasādhikāya karuṇāpadaṭṭhānāya desanāpaññāya passatā, arahatā sammāsambuddhena “yaṃ paṭhamaṃ pārājikaṃ paññattaṃ, taṃ kattha paññattaṃ, kaṃ ārabba paññattaṃ, kismiṃ vatthusmiṃ paññattaṃ, atthi tattha paññatti...pe... kenābhata”nti.

2. Pucchāvissajjane pana “**yaṃ tena bhagavatā jānatā passatā arahatā sammāsambuddhena paṭhamaṃ pārājika**”nti idaṃ kevalaṃ pucchāya āgatassa ādīpadassa paccuddharaṇamattameva, “**kattha paññattanti vesāliya paññattaṃ; kaṃ ārabbhāti sudinnaṃ kalandaputtaṃ ārabbhā**”ti evamādinā pana nayena punapi ettha ekekaṃ padaṃ pucchitvāva vissajjitaṃ. **Ekā paññattī** “yo pana bhikkhu methunaṃ dhammaṃ paṭiseveyya pārājiko hoti asaṃvāso”ti ayaṃ ekā paññatti. **Dve anupaññattiyoti** “antamaso tiracchānagatāyapī”ti ca, “sikkhaṃ apaccakkhāyā”ti ca makkaṭivajjiputtakavatthūnaṃ vasena vuttā – imā dve anupaññattiyo. Ettāvata “atthi tattha paññatti anupaññatti anuppannapaññatti”ti imissā pucchāya dve koṭṭhāsā vissajjitā honti. Tatiyaṃ vissajjetaṃ pana “**anuppannapaññatti tasmim natthī**”ti vuttaṃ. Ayañhi **anuppannapaññatti** nāma anuppanne dose paññattā; sā aṭṭhagarudhammavasena bhikkhunīnaṃyeva āgatā, aññatra natthi. Tasmā vuttaṃ “anuppannapaññatti tasmim natthī”ti. **Sabbatthapaññattī** majjhimadesa ceva paccantimajanapadesu ca sabbatthapaññatti. Vinayadharapañcamena gaṇena “upasampadā, guṇaṅguṇūpāhanā, dhuvanahānaṃ, cammattharaṇa”nti imāni hi cattāri sikkhāpadāni majjhimadeseyeva paññatti. Ettheva etehi āpatti hoti, na paccantimajanapadesu. Sesāni sabbāneva sabbatthapaññatti nāma.

Sādhāraṇapaññattī bhikkhūnañceva bhikkhunīnañca sādhāraṇapaññatti; suddhabhikkhūnameva hi suddhabhikkhunīnaṃ vā paññattaṃ sikkhāpadaṃ **asādhāraṇapaññatti** nāma hoti. Idaṃ pana bhikkhuṃ ārabba uppanne vatthusmiṃ “yā pana bhikkhunī chandaso methunaṃ dhammaṃ paṭiseveyya, antamaso tiracchānagatenapi pārājikā hoti asaṃvāsā”ti bhikkhunīnampi paññattaṃ, vinītakathāmatameva hi tasmaṃ natthi, sikkhāpadaṃ pana atthi, tena vuttaṃ “sādhāraṇapaññatti”ti.

Ubhatopaññattiyampi eseva nayo. Byañjanamattameva hi ettha nānaṃ, bhikkhūnaṃ bhikkhunānaṃ sādharmaṇattā **sādhāraṇapaññatti**, ubhinnaṃ paññattattā **ubhatopaññattī**. Atthe pana bhedo natthi.

Nidānogadhanti “yassa siyā āpatti so āvikareyyā”ti ettha sabbāpattīnaṃ anupaviṭṭhattā **nidānogadham**; nidāne anupaviṭṭhanti attho. **Dutiya uddesenā**ti nidānogadham nidānapariyāpannaṃ samānaṃ “tatrime cattāro pārājikā dhammā”tiādinaṃ dutiyeneva uddesena uddesaṃ āgacchati. **Catunnaṃ vipattīnanti** sīlavipattīādinaṃ. Paṭhamā hi dve āpattikkhandhā sīlavipatti nāma, avasesā pañca ācāravipatti nāma. Micchādīṭṭhi ca antaggāhikadīṭṭhi ca dīṭṭhivipatti nāma, ājīvahetu paññattāni cha sikkhāpadāni ājīvavipatti nāma. Iti imāsaṃ catunnaṃ vipattīnaṃ idaṃ pārājikaṃ sīlavipatti nāma hoti.

Ekena samuṭṭhānenāti dvaṅgikena ekena samuṭṭhānena. Ettha hi cittaṃ aṅgaṃ hoti, kāyena pana āpattiṃ āpajjati. Tena vuttaṃ “kāyato ca cittaṃ ca samuṭṭhātī”ti. **Dvīhi samathehi sammatī** “āpannosi”ti sammukhā pucchiyamāno “āma āpannomhī”ti paṭijjānāti, tāvadeva bhaṇḍanakalahaviggahā vūpasantā honti, sakkā ca hoti taṃ puggalaṃ apanetvā uposatho vā pavāraṇā vā kātuṃ. Iti sammukhāvinayena ca paṭiññātakaraṇena cāti dvīhi samathehi sammatī, na ca tappaccayā koci upaddavo hoti. Yaṃ pana upari paññattivagge “na katamena samathena sammatī”ti vuttaṃ, taṃ samathaṃ otāretvā anāpatti kātuṃ na sakkāti imamatthaṃ sandhāya vuttaṃ.

Paññatti vinayoti “yo pana bhikkhū”tiādinaṃ nayena vuttamātikā paññatti vinayoti attho. **Vibhattī**ti padabhājanaṃ vuccati; **vibhattī** hi vibhaṅgassevetam nāmaṃ. **Asamvaroti** vītikkamo. **Samvaroti** avītikkamo. **Yesam vattatī**ti yesam vinayapiṭakaṅca aṭṭhakathā ca sabbā paguṇāti attho. **Te dhārentī**ti te etaṃ paṭhamapārājikaṃ pālito ca atthato ca dhārenti; na hi sakkā sabbaṃ vinayapiṭakaṃ ajānantena etassa attho jānituntī. **Kenābhatanti** idaṃ paṭhamapārājikaṃ pālivasena ca atthavasena ca yāva ajjatanakālaṃ kena ānītanti. **Paramparābhatanti** paramparāya ānītam.

3. Idāni yāya paramparāya ānītam, taṃ dassetuṃ “**upāli dāsako cevā**”tiādinaṃ nayena porāṇakehi mahātherehi gāthāyo ṭhapitā. Tattha yaṃ vattabbaṃ, taṃ nidānavañṇanāyameva vuttaṃ. Iminā nayena dutyapārājikādīpucchāvissajjanesuṃ vinicchayo veditabboti.

Mahāvibhaṅge paññattivāravañṇanā niṭṭhitā.

Katāpattivārādivaṇṇanā

157. Ito paraṃ “methunaṃ dhammaṃ paṭisevanto kati āpattiyo āpajjātī”ti ādippabhedo **katāpattivāro**, “methunaṃ dhammaṃ paṭisevantassa āpattiyo catunnaṃ vipattīnaṃ kati vipattiyo bhajantī”ti ādippabhedo **vipattivāro**, “methunaṃ dhammaṃ paṭisevantassa āpattiyo sattannaṃ āpattikkhandhānaṃ katihi āpattikkhandhehi saṅgahitā”ti ādippabhedo **saṅgahavāro**, “methunaṃ dhammaṃ paṭisevantassa āpattiyo channaṃ āpattisamuṭṭhānānaṃ katihi samuṭṭhānehi samuṭṭhahantī”ti ādippabhedo **samuṭṭhānavāro**, “methunaṃ dhammaṃ paṭisevantassa āpattiyo catunnaṃ adhikaraṇānaṃ katamaṃ adhikaraṇa”nti ādippabhedo **adhikaraṇavāro**, “methunaṃ dhammaṃ paṭisevantassa āpattiyo sattannaṃ samathānaṃ katihi samathehi sammantī”ti ādippabhedo **samathavāro**, tadanantaro **samuccayavāro** cāti ime satta vārā uttānatthā eva.

188. Tato paraṃ “methunaṃ dhammaṃ paṭisevanapaccayā pārājikaṃ kattha paññatta”ntiādinaṃ nayena puna paccayavasena eko **paññattivāro**, tassa vasena purimasadisā eva katāpattivārādayo satta vārāti evaṃ aparepi aṭṭha vārā vuttā, tepi uttānatthā eva. Iti ime aṭṭha, purimā aṭṭhāti mahāvibhaṅge soḷasa vārā dassitā. Tato paraṃ teneva nayena bhikkhunivibhaṅgepi soḷasa vārā āgatāti evamime ubhatovibhaṅge dvattimsa vārā pālīnayeneva veditabbā. Na hettha kiñci pubbe avinicchitam nāma atthi.

Mahāvibhaṅge ca bhikkhuni vibhaṅge ca

Soḷasamahāvāraṇṇanā niṭṭhitā.

Samuṭṭhānasīsavaṇṇanā

257. Tadanantarāya pana samuṭṭhānakathāya **anattā iti nicchayāti** anattā iti nicchitā.

Sabhāgadhammānanti aniccākārādīhi sabhāgānaṃ saṅkhatadhammānaṃ. **Nāmamattaṃ na nāyatīti** nāmamattampi na paññāyati. **Dukkhaḥāninti** dukkhaghātaṇaṃ. **Khandhakā yā ca mātīkāti** khandhakā yā ca mātīkāti attho. Ayameva vā pāṭho. **Samuṭṭhānaṃ niyato katanti** samuṭṭhānaṃ niyatokataṃ niyatokataṃ; niyatasamuṭṭhānanti attho. Etena bhūtārocana corivuṭṭhāpana ananuññātasikkhāpadattayassa saṅgaho paccetabbo. Etāneva hi tīṇi sikkhāpadāni niyatasamuṭṭhānāni, aññehi saddhiṃ asambhinnasamuṭṭhānāni.

Sambhedam nidānañcaññanti aññampi sambhedañca nidānañca. Tattha sambhedavacanena samuṭṭhānasambhedassa gahaṇaṃ paccetabbaṃ, tāni hi tīṇi sikkhāpadāni ṭhapetvā sesāni sambhinnasamuṭṭhānāni. Nidānavacanena sikkhāpadānaṃ paññattidesasaṅkhātaṃ nidānaṃ paccetabbaṃ. **Sutte dissanti uparīti** sikkhāpadānaṃ samuṭṭhānaniyamo sambhedo nidānanti imāni tīṇi suttamhi eva dissanti; paññāyantīti attho. Tattha “ekena samuṭṭhānena samuṭṭhāti, kāyato ca cittato cā” tiādimhi tāva purimanaye samuṭṭhānaniyamo ca sambhedo ca dissanti. Itaraṃ pana nidānaṃ nāma –

“Vesāliyā rājagahe, sāvattiyā ca ālavī;
Kosambiyā ca sakkesu, bhaggesu ceva paññattā” ti.

Evam upari dissati, parato āgate sutte dissatīti veditabbaṃ.

“**Vibhaṅge dvīsū**” ti gāthāya ayamatto – yaṃ sikkhāpadaṃ dvīsū vibhaṅgesu paññattaṃ uposathadivase bhikkhū ca bhikkhuniyo ca uddisanti, tassa yathāñāyaṃ samuṭṭhānaṃ pavakkhāmi, taṃ me suṇāthāti.

Sañcarittānubhāsanañcāti sañcarittañca samanubhāsanañca. **Atirekañca cīvaranti** atirekacīvaraṃ; kathinanti attho. **Lomāni padasodhammoti** eḷakalomāni ca padasodhammo ca. **Bhūtaṃ samvidhānena cāti** bhūtārocanañca samvidahitvā addhānappaṭipajjanañca. **Theyadesanā coriṃ cāti** theyasattho ca chattapānissa agilānassa dhammadesanā ca corivuṭṭhāpanañca. **Ananuññātāya terasāti** mātāpītusāmikehi ananuññātāya saddhiṃ imāni terasa samuṭṭhānāni honti. **Sadisā idha dissareti** idha ubhatovibhaṅge etesu terasasu samuṭṭhānasīsesu ekekasmim aññānipi sadisāni samuṭṭhānāni dissanti.

Paṭhamapārājikasamuṭṭhānavāṇṇanā

258. Idāni tāni dassetuṃ “**methunaṃ sukkasaṃsaggo**” tiādi vuttaṃ. Tattha **methunanti** idaṃ tāva paṭhamapārājikaṃ nāma ekaṃ samuṭṭhānasīsaṃ, sesāni tena sadisāni. Tattha **sukkasamsaggoti** sukkavissatṭhi ceva kāyasaṃsaggo ca. **Aniyatā paṭhamikāti** paṭhamaṃ aniyatasikkhāpadaṃ. **Pubbūpaparipācitāti** “jānaṃ pubbūpagataṃ bhikkhu” nti sikkhāpadañca bhikkhuniparipācitapiṇḍapātasikkhāpadañca. **Raho bhikkhuniyā sahāti** bhikkhuniyā saddhiṃ raho nisajjasikkhāpadañca.

Sabhojane raho dve cāti sabhojane kule anupakhajjanisajjasikkhāpadañca dve rahonisajjasikkhāpadāni ca. **Āṅguli udake hasanti** āṅgulipatodakañca udake hasadhammasikkhāpadañca. **Pahāre uggire cevāti** pahāradānasikkhāpadañca

talasattikauggiraṇasikkhāpadaṇca. **Tepaññāsā ca sekhiyāti** parimaṇḍalanivāsanādīni khuddakavaṇṇanāvāsāne vuttāni tepaññāsā sekhiyasikkhāpadāni ca.

Adhakkhagāmāvassutāti bhikkhunīnaṃ adhakkhakasikkhāpadaṇca gāmantaragamanāṃ avassutā avassutassa hatthato khādanīyabhojanīyaggahaṇasikkhāpadaṇca. **Talamatṭhaṇca suddhikāti** talaghātakaṃ jatumatṭhaṃ udakasuddhikādiyanaṇca. **Vassaṃvuṭṭhā ca ovādanti** vassaṃvuṭṭhā chappañcayojanāni sikkhāpadaṇca ovādāya agamanasikkhāpadaṇca. **Nānubandhe pavattininti** yā pana bhikkhunī vuṭṭhāpitaṃ pavattiniṃ dve vassāni nānubandheyyāti vuttasikkhāpadaṃ.

Ime sikkhāti imā sikkhāyo; liṅgavipariyāyo kato. **Kāyamānasikā katāti** kāyacittasamuṭṭhānā katā.

Dutiyapārājikasamuṭṭhānavāṇṇanā

259. Adinnanti idaṃ tāva adinnādānanti vā dutiyapārājikanti vā ekaṃ samuṭṭhānasīsaṃ, sesāni tena sadisāni. Tattha **viggahuttarīti** manussaviggahauttarimanussadhammasikkhāpadāni. **Duṭṭhullā attakāminanti** duṭṭhullavācāattakāmapāricariyasikkhāpadāni. **Amūlā aññabhāgiyāti** dve duṭṭhadosasikkhāpadāni. **Aniyatā dutiyikāti** dutiyaṃ aniyatasikkhāpadaṃ.

Acchinde pariṇāmaneti sāmaṃ cīvaraṃ datvā acchindanaṇca saṅghikalābhassa attano pariṇāmanaṇca. **Musā omasapesuṇāti** musāvādo ca omasavādo ca bhikkhupesunṇāṇca. **Duṭṭhullā pathavīkhaṇeti** duṭṭhullāpattiārocanaṇca pathavīkhaṇaṇca. **Bhūtaṃ aññāya ujjhāpeti** bhūtagāmaaññāvādakaujjhāpanakasikkhāpadāni.

Nikkaḍḍhanaṃ siṅcanaṇcāti vihārato nikkaḍḍhanaṇca udakena tiṇādisiṅcanaṇca. **Āmisahetu bhuttāvīti** “āmisahetu bhikkhuniyo ovadanti”ti sikkhāpadaṇca, bhuttāviṃ anarittena khādanīyādīnā pavāraṇasikkhāpadaṇca. **Ehi anādari bhimsāti** “ehāvuso gāmaṃ vā”ti sikkhāpadaṇca, anādariyaṇca bhikkhubhimsāpanakaṇca. **Apanidhe ca jvīvanti** pattādīnaṃ apandhānasikkhāpadaṇca, sañcicca paṇaṃ jvīvitāvoropanaṇca.

Jānaṃ sappāṇakaṃ kammanti jānaṃ sappāṇakaudakasikkhāpadaṇca punakammāya ukkoṭanaṇca. **Ūnasaṃvāsanāsanāti** ūnavīsativassasikkhāpadaṇca ukkhittakena saddhiṃ saṃvāsasikkhāpadaṇca nāsitakasāmaṇerasambhogasikkhāpadaṇca. **Sahadhammikaṃ vilekhāti** sahadhammikaṃ vuccamānasikkhāpadaṇca, vilekhāya saṃvattantīti āgatasikkhāpadaṇca. **Moho amūlakena cāti** mohanake pācittiyasikkhāpadaṇca, amūlakena saṅghādisesena anuddhamṣanasikkhāpadaṇca.

Kukkucaṃ dhammikaṃ cīvaraṃ datvāti kukkucaupadahanaṇca, dhammikānaṃ kammānaṃ chandaṃ datvā khīyanaṇca, cīvaraṃ datvā khīyanaṇca. **Pariṇāmeyya puggaleti** saṅghikaṃ lābhaṃ puggalassa pariṇāmanasikkhāpadaṃ. **Kim te akālaṃ acchindetī** “kim te ayye eso purisapuggalo karissati”ti āgatasikkhāpadaṇca, “akālacīvaraṃ kālacīvara”nti adhiṭṭhahitvā bhājanasikkhāpadaṇca, bhikkhuniyā saddhiṃ cīvaraṃ parivattetvā acchindanasikkhāpadaṇca. **Duggahī nirayena cāti** duggahitena duppadhāritena paraṃ ujjhāpanasikkhāpadaṇca, nirayena vā brahmacariyena vā abhisapanasikkhāpadaṇca.

Gaṇaṃ vibhaṅga dubbalanti “gaṇassa cīvaralābhaṃ antarāyaṃ kareyyā”ti ca “dhammikaṃ cīvaravibhaṅgaṃ paṭibāheyyā”ti ca “dubbalacīvarapaccāsāya cīvarakālasamayaṃ atikkāmeyyā”ti ca vuttasikkhāpadāni. **Kathinā phāsu passayanti** “dhammikaṃ kathinuddhāraṃ paṭibāheyya, bhikkhuniyā sañcicca aphāsuṃ kareyya, bhikkhuniyā upassayaṃ datvā kupitā anattamanā nikkaḍḍheyya vā”ti vuttasikkhāpadāni. **Akkosacaṇḍī maccharīti** “bhikkhuṃ akkoseyya vā paribhāseyya vā, caṇḍikatā gaṇaṃ paribhāseyya, kule maccharinī assā”ti vuttasikkhāpadāni. **Gabbhiniṇca pāyantiyāti** “gabbhiniṃ vuṭṭhāpeyya, pāyantiṃ vuṭṭhāpeyyā”ti vuttasikkhāpadāni.

Dvevassam sikkhā saṅghenāti “dve vassāni chasu dhammesu asikkhitasikkham sikkhamānaṃ vuṭṭhāpeyya, sikkhitasikkham sikkhamānaṃ saṅghena asammatam vuṭṭhāpeyyā”ti vuttasikkhāpadāni. **Tayo ceva gihigatāti** ūnavādasavassam gihigatam, paripuṇṇadvādasavassam gihigatam “dve vassāni chasu dhammesu asikkhitasikkham dve vassāni sikkhitasikkham saṅghena asammatā”nti vuttasikkhāpadāni. **Kumāribhūtā tissoti** “ūnavāsativassam kumāribhūta”ntiadinā nayena vuttā tisso. **Ūnavādasasammatāti** “ūnavādasavassā vuṭṭhāpeyya, paripuṇṇadvādasavassā saṅghena asammatā vuṭṭhāpeyyā”ti vuttasikkhāpadadvayaṃ.

Alam tāva sokāvāsanti “alam tāva te ayye vuṭṭhāpitenā”ti ca, “caṇḍim sokāvāsam sikkhamānaṃ vuṭṭhāpeyyā”ti ca vuttasikkhāpadadvayaṃ. **Chandā anuvassā ca dveti** “pārivāsikachandadānena sikkhamānaṃ vuṭṭhāpeyya, anuvassam vuṭṭhāpeyya, ekam vassam dve vuṭṭhāpeyyā”ti vuttasikkhāpadattayaṃ. **Samuṭṭhānā tikā katāti** tikasamuṭṭhānā katā.

Saṅcarittasamuṭṭhānavāṇṇanā

260. Saṅcarī kuṭi vihāroti saṅcaritam saññācīkāya kuṭikaraṇam mahallakavihārarāṇaṇca. **Dhovanaṇca paṭiggahoti** aññātikāya bhikkhuniyā purāṇacīvaradhovāpanaṇca cīvarapaṭiggahaṇaṇca. **Viññattuttari abhihaṭṭhanti** aññātakam gahapatiṃ cīvaraviññāpanam tatuttarisādiyanasikkhāpadaṇca. **Ubhinnaṃ dūtakena cāti** “cīvaracetāpannam upakkhaṭam hoti”ti āgatasikkhāpadadvayaṇca dūtena cīvaracetāpannapahitasikkhāpadaṇca.

Kosiyā suddhadvebhāgā, chabbassāni nisīdananti “kosiyamissakam santhata”ntiadinā pañca sikkhāpadāni. **Riñcanti rūpikā cevāti** vibhaṅge “riñcanti uddesa”nti āgataṃ eḷakalomadhovāpanam rūpiyappaṭiggahaṇasikkhāpadaṇca. **Ubho nānappakārakāti** rūpiyasamvohārayavikkayasikkhāpadadvayaṃ.

Ūnabandhanavassikāti ūnapañcabandhanapattasikkhāpadaṇca vassikasāṭikasikkhāpadaṇca. **Suttam vikappanena cāti** suttam viññāpetvā cīvaravāyāpanaṇca tantavāye upasaṅkamitvā cīvare vikappāpajjanaṇca. **Dvāradānasibbāni cāti** yāva dvāraḷakosā aggaḷaṭṭhapanāya, “aññātikāya bhikkhuniyā cīvaram dadeyya, cīvaram sibbeyyā”ti vuttasikkhāpadattayaṃ. **Pūvapaccayajoti cāti** pūvehi vā manthehi vā abhihaṭṭhum pavāraṇāsikkhāpadaṃ cātumāsapaccayappavāraṇājotisamādahanasikkhāpadāni ca.

Ratanaṃ sūci mañco ca, tūlam nisīdanakaṇḍu ca, vassikā ca sugatenāti ratanasikkhāpadaṇceva sūciḷharasikkhāpadādiṇi ca satta sikkhāpadāni. **Viññatti aññaṃ cetāpanā, dve saṅghikā mahājanikā, dve puggalalahukā garūti** “yā pana bhikkhunī aññaṃ viññāpetvā aññaṃ viññāpeyyā”tiadinā nava sikkhāpadāni. **Dve vighāsā sāṭikā cāti** “uccāram vā passāvam vā saṅkāram vā vighāsam vā tirokuṭṭe vā tiroḷākāre vā chaḍḍeyya vā chaḍḍāpeyya vā, harite chaḍḍeyya vā chaḍḍāpeyya vā”ti evaṃ vuttāni dve vighāsasikkhāpadāni ca udakasāṭikāsikkhāpadaṇca. **Samaṇacīvarena cāti** “samaṇacīvaram dadeyyā”ti idametam sandhāya vuttam.

Samanubhāsanāsamuṭṭhānavāṇṇanā

261. Bhedānuvattadubbacadūsaduṭṭhulladiṭṭhi cāti saṅghabhedānuvattakadubbacakuladūsakaduṭṭhullappaṭicchādanadiṭṭhiappaṭinissajjanasikkhāpadāni. **Chandaṃ ujjagghikā dve cāti** chandaṃ adatvā gamanasikkhāpadaṃ ujjagghikāya antaraghare gamananisīdanasikkhāpadadvayaṇca. **Dve ca saddāti** “appasaddo antaraghare gamissāmi, nisīdissāmī”ti sikkhāpadadvayaṇca. **Na byāhareti** “na sakabaḷena mukhena byāharissāmī”ti sikkhāpadaṃ.

Chamā nīcāsane ṭhānaṃ, pacchato uppathena cāti chamāyaṃ nisīditvā, nīce āsane nisīditvā;

ṭhitena nisinnassa, pacchato gacchantena purato gacchantassa, uppathena gacchantena pathena gacchantassa dhammadesanāsikkhāpadāni. **Vajjānuvattigahaṇāti** vajjappaṭicchādanauakhattānuvattakahatthaggaṇādisaṅkhātāni tīṇi pārājikāni. **Osāre paccācikkhanāti** “anapaloketvā kārakasaṅghaṃ anaññāya gaṇassa chandaṃ osāreyyā”ti ca “buddhaṃ paccakkhāmī”ti ca vuttasikkhāpadadvayaṃ.

Kismiṃ saṃsaṭṭhā dve vadhīti “kismiñcideva adhikaraṇe paccākatā”ti ca “bhikkhuniyo paneva saṃsaṭṭhā viharantī”ti ca “yā pana bhikkhunī evaṃ vadeyya saṃsaṭṭhāva ayye tumhe viharathā”ti ca “attānaṃ vadhivā vadhivā rodeyyā”ti ca vuttasikkhāpadāni. **Visibbe dukkhitāya cāti** “bhikkhuniyā cīvaraṃ visibbetvā vā visibbāpetvā vā”ti ca “dukkhitaṃ sahaṅgīni”nti ca vuttasikkhāpadadvayaṃ. **Puna saṃsaṭṭhā na vūpasameti** “saṃsaṭṭhā vihareyya gahapatinā vā gahapatiputtana vā”ti evaṃ puna vuttasaṃsaṭṭhasikkhāpadañca “ehayye, imaṃ adhikaraṇaṃ vūpasamehī”ti vuccamānā, “sādhū”ti paṭissuṇitvā “sā pacchā anantarāyikīni neva vūpasammeyyā”ti vuttasikkhāpadañca. **Ārāmañca pavāraṇāti** “jānaṃ sabhikkhukaṃ ārāmaṃ anāpucchā paviseyyā”ti ca “ubhato saṅghe tīhi ṭhānehi na pavāreyyā”ti ca vuttasikkhāpadadvayaṃ.

Anvaddhaṃ sahaṅgīniṃ dveti “anvaddhamāsaṃ bhikkhuniyā bhikkhusaṅghato dve dhammā paccāsīsitaṭṭhā”ti vuttasikkhāpadañca, “sahaṅgīniṃ vuṭṭhāpetvā dve vassāni neva anuggaṇheyya, sahaṅgīniṃ vuṭṭhāpetvā neva vūpakāseyyā”ti vuttasikkhāpadadvayañca. **Cīvaraṃ anubandhanāti** “sace me tvaṃ, ayye, cīvaraṃ dassasi, evāhaṃ taṃ vuṭṭhāpessāmī”ti ca “sace maṃ tvaṃ, ayye, dve vassāni anubandhissasi, evāhaṃ taṃ vuṭṭhāpessāmī”ti ca vuttasikkhāpadadvayaṃ.

Kathinasamuṭṭhānavāṇṇanā

262. Ubbhataṃ kathinaṃ tīṇi “niṭṭhitacīvarasmim bhikkhunā ubbhataṃ kathinaṃ”ti vuttāni āditova tīṇi sikkhāpadāni. **Paṭhamam pattaḥesajjanti** “dasāhaparamaṃ atirekapatto”ti vuttaṃ paṭhamapattasikkhāpadañca “paṭisāyanīyāni bhesajjāni”ti vuttasikkhāpadañca. **Accekañcāpi sāsaṅkanti** accekacīvarasikkhāpadañca tadanantameva sāsaṅkasikkhāpadañca. **Pakkamantena vā duveti** “taṃ pakkamanto neva uddhareyyā”ti bhūtagāmaṃ vuttasikkhāpadadvayaṃ.

Upassayaṃ paramparāti “bhikkhunupassayaṃ gantvā bhikkhuniyo ovadeyyā”ti ca “paramparabhojane pācittiya”nti ca vuttasikkhāpadadvayaṃ. **Anatirittam nimantanāti** “anatirittam khādanīyaṃ vā bhojanīyaṃ vā”ti ca “nimantito sabhato samāno”ti ca vuttasikkhāpadadvayaṃ. **Vikappam rañño vikāleti** “sāmaṃ cīvaraṃ vikappetvā”ti ca “rañño khattiyassā”ti ca “vikāle gāmaṃ paviseyyā”ti ca vuttasikkhāpadattayaṃ. **Vosāsāraññakena cāti** “vosāsamānarūpā ṭhitā”ti ca “tathārūpesu āraññakesu senāsanesu pubbe appaṭisaṃvidita”nti ca vuttasikkhāpadadvayaṃ.

Ussayā sannicayañcāti “ussayavādikā”ti ca “pattasannicayaṃ kareyyā”ti ca vuttasikkhāpadadvayaṃ. **Pure pacchā vikāle cāti** “yā pana bhikkhunī purebhattam kulāni upasaṅkamtivā”ti ca, “pacchābhattam kulāni upasaṅkamtivā”ti ca, “vikāle kulāni upasaṅkamtivā”ti ca vuttasikkhāpadattayaṃ. **Pañcāhikā saṅkamanāti** “pañcāhikā saṅghāṭicāraṃ atikkameyyā”ti ca “cīvarasaṅkamanīyaṃ dhāreyyā”ti ca vuttasikkhāpadadvayaṃ. **Dvepi āvasathena cāti** “āvasathacīvaraṃ anissajjitvā paribhuñjeyya, āvasatham anissajjitvā cārikaṃ pakkameyyā”ti ca evaṃ āvasathena saddhiṃ vuttasikkhāpadāni ca dve.

Pasākhe āsane cevāti “pasākhe jātam gaṇḍam vā”ti ca “bhikkhussa purato anāpucchā āsane nisīdeyyā”ti ca vuttasikkhāpadadvayaṃ.

Elakalomasamuṭṭhānavāṇṇanā

263. Elakalomā dve seyyāti elakalomasikkhāpadañceva dve ca sahaseyyasikkhāpadāni. **Āhacca**

piṇḍabhojananti āhaccapādakasikkhāpadañca āvasathapiṇḍabhojanasikkhāpadañca.

Gaṇavikālasannidhīti gaṇabhojanavikālabhojanasannidhikārasikkhāpadattayaṃ. **Dantaponena celakāti** dantaponasikkhāpadañca acelakasikkhāpadañca. **Uyyuttam senam uyyodhīti** “uyyuttam senam dassanāya gaccheyya, senāya vaseyya, uyyodhikam vā...pe... anīkadassanam vā gaccheyyā”ti vuttasikkhāpadattayaṃ. **Surā orena nhāyanāti** surāpānasikkhāpadañca orenaddhamāsanahānasikkhāpadañca. **Dubbanne dve desanikāti** “tiṇṇam dubbaṇṇakaraṇāna”nti vuttasikkhāpadañca vuttāvasesapāṭidesanīyadvayañca. **Lasuṇupatiṭṭhe naccanāti** lasuṇasikkhāpadam, “bhikkhussa bhuñjantassa pānīyena vā vidhūpanena vā upatiṭṭheyyā”ti vuttasikkhāpadam, “naccam vā gītam vā vāditaṃ vā dassanāya gaccheyyā”ti vuttasikkhāpadañca. Ito param pāliṃ virajjhivā likhanti. Yathā pana attham vaṇṇayissāma; evamettha anukkamo veditabbo.

Nhānamattharaṇam seyyāti “naggā nahāyeyya, ekattharaṇapāvuraṇā tuvaṭṭeyyūṃ, ekamañce tuvaṭṭeyyū”nti vuttasikkhāpadattayaṃ. **Antoraṭṭhe tathā bahūti** “antoraṭṭhe sāsāṅkasammate, tiroraṭṭhe sāsāṅkasammate”ti vuttasikkhāpadadvayaṃ. **Antovassam cittāgāranti** “antovassam cārikam pakkameyya, rājāgāram vā cittāgāram vā...pe... pokkharāṇiṃ vā dassanāya gaccheyyā”ti ca vuttasikkhāpadadvayaṃ. **Āsandiṃ suttakantanāti** “āsandiṃ vā pallaṅkam vā paribhuñjeyya, suttam kanteyyā”ti vuttasikkhāpadadvayaṃ.

Veyyāvaccam sahatthā cāti “gihiveyyāvaccam kareyya, agārikassa vā paribbājakassa vā paribbājikāya vā sahatthā khādanīyaṃ vā bhojanīyaṃ vā dadeyyā”ti vuttasikkhāpadadvayaṃ. **Abhikkhukāvāseṇa cāti** “abhikkhuke āvāse vassam vaseyyā”ti idametaṃ sandhāya vuttam. **Chattam yānañca saṅghāṇinti** “chattupāhanam dhāreyya, yānena yāyeyya, saṅghāṇiṃ dhāreyyā”ti vuttasikkhāpadattayaṃ. **Alaṅkāragandhavāsītanti** “itthālaṅkāram dhāreyya, gandhacūṇṇakena nahāyeyya, vāsītakena piññākenā nahāyeyyā”ti vuttasikkhāpadattayaṃ. **Bhikkhunītiādīnā** “bhikkhuniyā ummaddāpeyyā”tiādīni cattāri sikkhāpadāni vuttāni. **Asāṅkaccikā āpattīti** “asāṅkaccikā gāmaṃ paviseyya pācittiya”nti evaṃ vuttaāpatti ca. **Cattārīsā catuttarīti** etāni sabbānīpi catucattālīsa sikkhāpadāni vuttāni.

Kāyena na vācācittena, kāyacittena na vācatoti kāyena ceva kāyacittena ca samuṭṭhahanti; na vācācittena na vācatoti attho. **Dvisamuṭṭhānikā sabbe, samā eḷakalomikāti** idam uttānatthameva.

Padasodhammasamuṭṭhānavaṇṇanā

264. Padaññatra asammatāti “padaso dhammaṃ, mātugāmassa uttarichappañcavācāhi dhammaṃ deseyya, aññatra viññunā purisaviggahena, asammato bhikkhuniyo ovadeyyā”ti vuttasikkhāpadattayaṃ. **Tathā atthaṅgatenā cāti** “atthaṅgate sūriye ovadeyyā”ti idametaṃ sandhāya vuttam. **Tiracchānavijjā dveti** “tiracchānavijjā pariyāpuṇeyya, vāceyyā”ti evaṃ vuttasikkhāpadadvayaṃ. **Anokāso ca pucchanāti** “anokāsakataṃ bhikkhuṃ pañhaṃ puccheyyā”ti idametaṃ sandhāya vuttam.

Addhānasamuṭṭhānavaṇṇanā

265. Addhānanāvam paṇītanti “bhikkhuniyā saddhiṃ saṃvidhāya ekaddhānamaggam paṭipajjeyya, ekaṃ nāvaṃ abhiruheyya, paṇītabhojanāni agilāno attano atthāya viññāpetvā bhuñjeyyā”ti vuttasikkhāpadattayaṃ. **Mātugāmena saṃhareti** mātugāmena saddhiṃ saṃvidhāya gamanañca “sambādhe lomaṃ saṃharāpeyyā”ti vuttasikkhāpadañca. **Dhaññaṃ nimantitā cevāti** “dhaññaṃ viññāpetvā vā”ti ca “nimantitā vā pavāritā vā khādanīyaṃ vā bhojanīyaṃ vā khādeyya vā bhuñjeyya vā”ti vuttasikkhāpadañca. **Aṭṭha cāti** bhikkhunīnam vuttā aṭṭha paṭidesanīyā vā.

Theyyasatthasamuṭṭhānavaṇṇanā

266. Theyyasattham upassutīti theyyasatthena saddhiṃ saṃvidhāya ekaddhānamaggagamanañca

upassutiṭṭhanañca. **Sūpaviññāpanena cāti** idaṃ sūpodanaviññattiṃ sandhāya vuttaṃ. **Rattichannañca okāsanti** “rattandhakāre appadīpe, paṭicchanne okāse, ajjhokāse purisena saddhi”nti evaṃ vuttasikkhāpadattayaṃ. **Byūhena sattamāti** idaṃ tadanantameva “rathikāya vā byūhe vā siṅghātake vā purisena saddhi”nti āgatasikkhāpadaṃ sandhāya vuttaṃ.

Dhammadesanāsamuṭṭhānavaṇṇanā

267. Dhammadesanāsamuṭṭhānāni ekādasa uttānāneva. Evaṃ tāva sambhinnasamuṭṭhānaṃ veditabbaṃ. Niyatasamuṭṭhānaṃ pana tividhaṃ, taṃ ekekasseva sikkhāpadassa hoti, taṃ visumyeva dassetuṃ “**bhūtaṃ kāyena jāyati**”tiādi vuttaṃ, taṃ uttānameva. **Nettidhammānulomikanti** vinayaṭṭhānaṃ anulomanti.

Samuṭṭhānasāvavaṇṇanā niṭṭhitā.

Antarapeyyālaṃ

Katipucchāvāraṇṇanā

271. Idāni āpattiādikotṭhāsesu kosallajananatthaṃ “kati āpattiyo”tiādinā nayena mātikaṃ ṭhapetvā niddesappaṭiniddesavasena vibhaṅgo vutto.

Tattha **kati āpattiyoti** mātikāya ca vibhaṅge ca āgatāpattipucchā. Esa nayo dutiyapadepi. Kevalañhettha āpattiyo eva rāsivasena **khandhāti** vuttā. **Vinītavatthūnīti** tāsāṃ āpattīnaṃ **vinayapucchā**; “vinītaṃ vinayo vūpasamo”ti idañhi atthato ekaṃ, vinītāniyeva **vinītavatthūnīti** ayamettha padattho. Idāni yesu sati āpattiyo honti, asati na honti, te dassetuṃ “**kati agāravā**”ti pucchādvayaṃ. Vinītavatthūnīti ayaṃ pana tesāṃ agāravānaṃ vinayapucchā. Yasmaṃ pana tā āpattiyo vipattiṃ āpattā nāma natthi, tasmā “kati vipattiyo”ti ayaṃ āpattīnaṃ vipattibhāvapucchā. **Kati āpattisamuṭṭhānānīti** tāsāmyeva āpattīnaṃ samuṭṭhānapucchā. **Vivādamūlāni anuvādamūlānīti** imā “vivādādhikaraṇaṃ anuvādādhikaraṇa”nti āgatānaṃ vivādānuvādānaṃ mūlapucchā. **Sāraṇīyā dhammāti** vivādānuvādamūlānaṃ abhāvakaradhammapucchā. **Bhedakaravatthūnīti** ayaṃ “bhedanasaṃvattanikaṃ vā adhikaraṇa”ntiādisu vuttabhedakaraṇapucchā. **Adhikaraṇānīti** bhedakaravatthūsu sati uppajjanadhammapucchā. **Samathāti** tesāmyeva vūpasamanadhammapucchā. **Pañca āpattiyoti** mātikāya āgatavasena vuttā. **Sattāti** vibhaṅge āgatavasena.

Ārakā etehi ramatīti **ārati**; bhusā vā rati **ārati**. Vinā etehi ramatīti **virati**. Paccekaṃ paccekaṃ viramatīti **paṭivirati**. Veramāṇatīti **veramaṇī**. Na etāya ete āpattikkhandhā kariyantīti **akiriya**. Yaṃ etāya asati āpattikkhandhakaraṇaṃ uppajjeyya, tassa paṭipakkhato **akaraṇaṃ**. Āpattikkhandhaajjhāpattiyā paṭipakkhato **anajjhāpatti**. Velanato **velā**; calayanato vināsanatoti attho. Niyyānaṃ sinoti bandhati nivāretīti **setu**. Āpattikkhandhānametaṃ adhivacanaṃ. So setu etāya paññattiyā haññatīti **setughāto**. Sesavinītavatthuniddesepi eseva nayo.

Buddhe agāravādīsu yo buddhe dharamāne upaṭṭhānaṃ na gacchati, parinibbute cetiyatṭhānaṃ bodhiṭṭhānaṃ na gacchati, cetiyaṃ vā bodhiṃ vā na vandati, cetiyaṅgaṇe sachatto saupāhano carati, natthetassa buddhe gāravoti veditabbo. Yo pana sakkontoyeva dhammassavanaṃ na gacchati, sarabhaññaṃ na bhaṇati, dhammakathaṃ na katheti, dhammassavanaggaṃ bhinditvā gacchati, vikkhitto vā anādaro vā nisīdati, natthetassa dhamme gāravo. Yo theranavamajjhimesu cittikāraṃ na paccupaṭṭhāpeti, uposathāgāravitakkamālakādīsu kāyappāgabbhiyaṃ dasseti, yathāvuḍḍhaṃ na vandati, natthetassa saṅghe gāravo. Tisso sikkhā samādāya asikkhamānoyeva pana sikkhāya agāravoti veditabbo. Pamāde ca sativippavāse tiṭṭhamānoyeva appamādalakkhaṇaṃ abrūhayamāno appamāde agāravoti veditabbo. Tathā āmisappaṭisanthāraṃ dhammappaṭisanthāraṃ imaṃ duvidhaṃ paṭisanthāraṃ

akarontoyeva **paṭisanthāre agāravoti** veditabbo. Gāraṇaniddese vuttavipariyāyena attho veditabbo.

272. Vivādamūlaniddese “**sattharipi agāravo**”tiādīnaṃ buddhe agāravādīsu vuttanayeneva attho veditabbo. **Appatissoti** anīcavutti; na satthāraṃ jeṭṭhakaṃ katvā viharati. **Ajjhattaṃ vāti** attano santāne vā attano pakkhe vā; sakāya parisāyāti attho. **Bahiddhā vāti** parasantāne vā parapakkhe vā. **Tatra tumheti** tasmim̐ ajjhatabhahiddhābhede sapaṇasantāne vā sapaṇaparisāya vā. **Pahānāya vāyameyyāthāti** mettābhāvanādīhi nāyehi pahānatthaṃ vāyameyyātha; mettābhāvanādinayena hi taṃ ajjhattampi bahiddhāpi pahīyati. **Anavassavāyāti** appavattibhāvāya.

Sandiṭṭhiparāmāsīti sakameva diṭṭhiṃ parāmasati; yaṃ attanā diṭṭhigataṃ gahitaṃ, idameva saccanti gaṇhāti. **Ādhānaggāhīti** dalhaggāhī.

273. Anuvādamūlaniddeso kiñcāpi vivādamūlaniddeseneva samāno, atha kho aṭṭhārasa bhedakaravatthūni nissāya vivadantānaṃ kodhūpanāhādayo vivādamūlāni. Tathā vivadantā pana sīlavipattiādīsu aññataravipattiṃ āpajjitvā “asuko bhikkhu asukaṃ nāma vipattiṃ āpanno”ti vā, “pārājikaṃ āpannosi, saṅghādīsesaṃ āpannosi”ti vā anuvadanti. Evaṃ anuvadantānaṃ kodhūpanāhādayo anuvādamūlānīti ayamettha viseso.

274. Sāraṇīyadhammaniddese mettacittena kataṃ kāyakammaṃ mettaṃ kāyakammaṃ nāma. **Āvi ceva raho cāti** sammukhā ca parammukhā ca. Tattha navakānaṃ cīvarakammādīsu saḥāyabhāvagamanaṃ sammukhā mettaṃ kāyakammaṃ nāma. Therānaṃ pana pādadhovanabījanavātadānādibhedampi sabbaṃ sāmīcikkammaṃ sammukhā mettaṃ kāyakammaṃ nāma. Ubhayehipi dunnikkhittānaṃ dārubhaṇḍādīnaṃ tesu avamaññaṃ akatvā attanā dunnikkhittānaṃ viya paṭisāmanaṃ parammukhā mettaṃ kāyakammaṃ nāma. **Ayampi dhammo sāraṇīyoti** ayam̐ mettākāyakammasaṅkhāto dhammo saritabbo satījanako; yo naṃ karoti, taṃ puggalaṃ; yesaṃ kato hoti, te pasannacittā “aho sappuriso”ti anussarantīti adhippāyo. **Piyakaraṇoti** taṃ puggalaṃ sabrahmacārīnaṃ piyaṃ karoti. **Garukaraṇoti** taṃ puggalaṃ sabrahmacārīnaṃ garuṃ karoti. **Saṅgahāyāti**ādīsu sabrahmacārīhi saṅgahetabbabhāvāya. Tehi saddhiṃ avivādāya samaggabhāvāya ekībhāvāya ca saṃvattati.

Mettaṃ vacīkammantiādīsu devatthero tissattheroti evaṃ paggayha vacanaṃ sammukhā mettaṃ vacīkammaṃ nāma. Vihāre asante pana taṃ paṭipucchantassa “kuhiṃ amhākaṃ devatthero, kuhiṃ amhākaṃ tissatthero, kadā nu kho āgamissatī”ti evaṃ mamāyanavacanaṃ parammukhā mettaṃ vacīkammaṃ nāma. Mettāsinehasiniddhāni pana nayanāni ummīletvā pasannena mukhena olokanāṃ sammukhā mettaṃ manokammaṃ nāma. “Devatthero tissatthero arogo hotu, appābādhō”ti samannāharaṇaṃ parammukhā mettaṃ manokammaṃ nāma.

Appaṭivibhattabhogīti neva āmisāṃ paṭivibhajitvā bhuñjati, na puggalaṃ. Yo hi “ettakaṃ paresaṃ dassāmi, ettakaṃ attanā bhuñjissāmi, ettakaṃ vā asukassa ca asukassa ca dassāmi, ettakaṃ attanā bhuñjissāmī”ti vibhajitvā bhuñjati, ayam̐ paṭivibhattabhogī nāma. Ayam̐ pana evaṃ akatvā ābhattaṃ piṇḍapātaṃ therāsanato paṭṭhāya datvā gahitāvasesaṃ bhuñjati. “Sīlavantehī”ti vacanato dussīlassa adātumpi vaṭṭati, sāraṇīyadhammapūrakena pana sabbesaṃ dātābbamevāti vuttaṃ. Gilāna-gilānupaṭṭhāka-āgantuka-gamikacīvarakammādīpasutānaṃ viceyya dātumpi vaṭṭati. Na hi ete vicinitvā dentena puggalavibhāgo kato hoti, īdisānañhi kicchalaḥhattā viseso kātābboyevāti ayam̐ karoti.

Akhaṇḍānītiādīsu yassa sattu apattikkhandhesu ādimhi vā ante vā sikkhāpadaṃ bhinnaṃ hoti, tassa sīlaṃ pariyaṇte chinnaṃsāṭako viya khaṇḍaṃ nāma. Yassa pana vemajjhe bhinnaṃ, tassa majjhe chiddasāṭako viya chiddaṃ nāma hoti. Yassa paṭipāṭiyā dve tīṇi bhinnāni, tassa piṭṭhiyaṃ vā kucchiyaṃ vā uṭṭhitena visabhāgavaṇṇena kālarattādīnaṃ aññatarasarīraṇaṃ gāvī viya sabalaṃ nāma hoti. Yassa antarantarā bhinnāni, tassa antarantarā visabhāgavaṇṇabindu vicitrā gāvī viya kammāsaṃ nāma hoti.

Yassa pana sabbena sabbaṃ abhinnāni sīlāni, tassa tāni sīlāni akhaṇḍāni acchiddāni asabalāni akammāsāni nāma honti. Tāni panetāni bhujissabhāvakarāṇato **bhujissāni**. Viññūhi pasatthattā **viññuppasatthāni**. Taṇhādiṭṭhīhi aparāmaṭṭhattā **aparāmaṭṭhāni**. Upacārasamādhiṃ appanāsamādhiṃ vā saṃvattayantīti **samādhisaṃvattanikānīti** vuccanti. **Sīlasāmaññagato viharatīti** tesu tesu disābhāgesu viharantehi kalyāṇasīlehi bhikkhūhi saddhiṃ samānabhāvūpagatasīlo viharati.

Yāyaṃ diṭṭhīti maggasampayuttā sammādiṭṭhi. **Ariyāti** niddosā. Niyyātīti **niyyānikā**. **Takkarassāti** yo tathākārī hoti, tassa. **Dukkhakkhayāyāti** sabbadukkhassa khayatthaṃ. Sesāṃ yāva samathabhedapariyosānā uttānatthameva.

Katipucchāvāraṇṇanā niṭṭhitā.

Khandhakapucchāvāro

Pucchāvissajjanāvaṇṇanā

320. Upasampadaṃ pucchissanti upasampadakkhandhakaṃ pucchissaṃ. **Sanidānaṃ saniddesanti** nidānena ca niddesena ca saddhiṃ pucchissāmi. **Samukkaṭṭhapadānaṃ kati āpattiyoti** yāni tattha samukkaṭṭhāni uttamāni padāni vuttāni, tesāṃ samukkaṭṭhapadānaṃ uttamapadānaṃ saṅkhepato kati āpattiyoti. Yena yena hi padena yā yā āpatti paññattā, sā sā tassa tassa padassa āpattīti vuccati. Tena vuttaṃ “samukkaṭṭhapadānaṃ kati āpattiyoti”ti. **Dve āpattiyoti** unavāsativassaṃ upasampādentassa pācittiyāṃ, sesesu sabbapadesu dukkaṭṭhaṃ.

Tissoti “nassantete vinassantete, ko tehi attho”ti bhedapurekkhārānaṃ uposathakaraṇe thullaccayaṃ, ukkhittakena saddhiṃ uposathakaraṇe pācittiyāṃ, sesesu dukkaṭṭhanti evaṃ uposathakkhandhake tisso āpattiyoti. **Ekāti** vassūpanāyikakkhandhake ekā dukkaṭṭhāpattiyeva.

Tissoti bhedapurekkhārassa pavārayato thullaccayaṃ, ukkhittakena saddhiṃ pācittiyāṃ, sesesu dukkaṭṭhanti evaṃ pavāraṇākkhandhakepi tisso āpattiyoti.

Tissoti vacchatarīṃ uggahetvā mārentānaṃ pācittiyāṃ, rattena cittaṃ aṅgajātachupane thullaccayaṃ, sesesu dukkaṭṭhanti evaṃ cammasaṃyuttepi tisso āpattiyoti. Bhesajjakkhandhakepi samantā dvaṅgule thullaccayaṃ, bhojjayāguyā pācittiyāṃ, sesesu dukkaṭṭhanti evaṃ tisso āpattiyoti.

Kathinaṃ kevalaṃ paññattimeva, natthi tattha āpatti. **Cīvarasaṃyutte** kusacīravākacīresu thullaccayaṃ, atirekacīvare nissaggiyaṃ, sesesu dukkaṭṭhanti imā tisso āpattiyoti.

Campeyyake ekā dukkaṭṭhāpattiyeva. Kosambaka-kammakkhandhaka-pārivāsikasamuccayaṃ dukkaṭṭhakepi ekā dukkaṭṭhāpattiyeva.

Samathakkhandhake chandaḍāyako khiyyati, khiyyanaṃ pācittiyāṃ, sesesu dukkaṭṭhanti imā dve āpattiyoti. **Khuddakavattuke** attano aṅgajātaṃ chindati, thullaccayaṃ, romaṭṭhe pācittiyāṃ, sesesu dukkaṭṭhanti imā tisso āpattiyoti. **Senāsanakkhandhake** garubhaṇḍavissajjane thullaccayaṃ, saṅghikā vihārā nikkadḍhane pācittiyāṃ, sesesu dukkaṭṭhanti imā tisso āpattiyoti.

Saṅghabhedebhedakānuvattakānaṃ thullaccayaṃ, gaṇabhojane pācittiyanti imā dve āpattiyoti. **Samācāraṃ pucchissanti** vutte vattakkhandhake ekā dukkaṭṭhāpattiyeva. Sā sabbavattesu anādariyena hoti. Tathā **pātimokkhaṭṭhapane**. **Bhikkhunikkhandhake** appavāraṇāya pācittiyāṃ, sesesu dukkaṭṭhanti dve āpattiyoti. Pañcasatikasattasatikesu kevalaṃ dhammo saṅgahaṃ āropito, natthi tattha āpattīti.

Khandhakupucchāvāraṇṇanā niṭṭhitā.

Ekuttarikanayo

Ekakavāraṇṇanā

321. Āpattikarā dhammā jānitabbātitiādīmhi ekuttarikanaye āpattikarā dhammā nāma cha āpattisamuṭṭhānāni. Etesañhi vasena puggalo āpattiṃ āpajjati, tasmā “āpattikarā”ti vuttā. **Anāpattikarā** nāma satta samathā. **Āpatti jānitabbāti** tasmim̄ tasmim̄ sikkhāpade ca vibhaṅge ca vuttā āpatti jānitabbā. **Anāpattīti** “anāpatti bhikkhu asādiyantassā”tiādinā nayena anāpatti jānitabbā. **Lahukāti** lahukena vinayakammena visujjanato pañcavidhā āpatti. **Garukāti** garukena vinayakammena visujjanato saṅghādisesā āpatti. Kenaci ākārena anāpattibhāvaṃ upanetuṃ asakkuṇeyyato pārājikāpatti ca. **Sāvasesāti** ṭhapetvā pārājikaṃ sesā. **Anavasesāti** pārājikāpatti. Dve āpattikkhandhā **duṭṭhullā**; avasesā **aduṭṭhullā**. **Sappaṭikammadukaṃ** sāvasesadukasadisam̄. **Desanāgāminidukaṃ** lahukadukasāṅghitaṃ.

Antarāyikāti sattapi āpattiyo sañcicca vītikkantā saggantarāyañceva mokkhanarāyañca karontīti antarāyikā. Ajānantena vītikkantā pana paṇṇattivajjāpatti neva saggantarāyaṃ na mokkhanarāyaṃ karontīti **anantarāyikā**. Antarāyikaṃ āpannassāpi desanāgāminim̄ desetvā vuṭṭhānagāminito vuṭṭhāya suddhipattassa sāmaṇerabhūmiyaṃ ṭhitassa ca avārito saggamokkhamaggoti. **Sāvajjapaññattīti** lokavajjā. **Anavajjapaññattīti** paṇṇattivajjā. **Kiriyato samuṭṭhitā** nāma yaṃ karonto āpajjati pārājikāpatti viya. **Akiriyatoti** yaṃ akaronto āpajjati, cīvaraanadhiṭṭhānāpatti viya. **Kiriyaṅkiriyatoti** yaṃ karonto ca akaronto ca āpajjati, kuṭikārāpatti viya.

Pubbāpattīti paṭhamam̄ āpannāpatti. **Aparāpattīti** pārivāsikādīhi pacchā āpannāpatti. **Pubbāpattīnam̄ antarāpatti** nāma mūlavisuddhiyā antarāpatti. **Aparāpattīnam̄ antarāpatti** nāma agghavisuddhiyā antarāpatti. Kurundiyam̄ pana “**pubbāpatti** nāma paṭhamam̄ āpannā. **Aparāpatti** nāma mānattārahakāle āpannā. **Pubbāpattīnam̄ antarāpatti** nāma parivāse āpannā. **Aparāpattīnam̄ antarāpatti** nāma mānattacāre āpannā”ti vuttaṃ. Idampi ekena pariyāyena yujjati.

Desitā gaṇanūpagā nāma yā dhuranikkhepaṃ katvā puna na āpajjissāmīti desitā hoti. **Agaṇanūpagā** nāma yā dhuranikkhepaṃ akatvā saussāheneva cittena aparisuddhena desitā hoti. Ayañhi desitāpi desitagaṇanam̄ na upeti. Aṭṭhame vatthusmim̄ bhikkhuniyā pārājikameva hoti. **Paññatti jānitabbāti**tiādīsu navasu padesu paṭhamapārājikapucchāya vuttanayeneva vinicchayo veditabbo.

Thullavajjāti thulladose paññattā garukāpatti. **Athullavajjāti** lahukāpatti. **Ghipaṭisamyuttāti** sudhammattherassa āpatti, yā ca dhammikassa paṭissavassa asaccāpane āpatti, avasesā **na ghipaṭisamyuttā**. Pañcānantariyakammāpatti **niyatā**, sesā **aniyatā**. **Ādīkaroti** sudinnattherādi ādikammiko. **Anādikaroti** makkaṭisamaṇādi anupaññattikārako. **Adhiccāpattiko** nāma yo kadāci karahaci āpattiṃ āpajjati. **Abhiṅhāpattiko** nāma yo niccaṃ āpajjati.

Codako nāma yo vatthunā vā āpattiyā vā param̄ codeti. Yo pana evam̄ codito ayam̄ **cuditako** nāma. Pañcadasasu dhammesu appatiṭṭhahitvā abhūtena vatthunā codento **adhammacodako** nāma, tena tathā codito **adhammacuditako** nāma. Vipariyāyena **dhammacodakacuditakā** veditabbā. Micchattaniyatehi vā sammattaniyatehi vā dhammehi samannāgato **niyato**, viparīto **aniyato**.

Sāvakā **bhabbāpattikā** nāma, buddhā ca paccekabuddhā ca **abhabbāpattikā** nāma. Ukkhepanīyakammakato **ukkhittako** nāma, avasesacatubbidhatajjanīyādikammakato **anukkhittako** nāma. Ayañhi uposatham̄ vā pavāraṇam̄ vā dhammaparibhogam̄ vā āmisaparibhogam̄ vā na kopeti. “Mettiyam̄ bhikkhunim̄ nāsetha, dūsako nāsetabbo, kaṅṭako samaṇuddeso nāsetabbo”ti evam̄

liṅgadaṇḍakamma-saṃvāsanāsanāhi nāsitaḅbo **nāsitako** nāma. Sesā sabbe **anāsitaḅkā**. Yena saddhiṃ uposathādiko saṃvāso atthi, ayaṃ **samānasamvāsako**, itaro **nānāsamvāsako**. So kammanānāsamvāsako laddhinānāsamvāsakoti duvidho hoti. **Ṭhapanam jānitabbanti** “ekaṃ bhikkhave adhammikaṃ pātimokkhaṭṭhapanam”ntiādinā nayena vuttam pātimokkhaṭṭhapanam jānitabbanti attho.

Ekakavāraṇṇanā niṭṭhitā.

Dukavāraṇṇanā

322. Dukesu sacittakā āpatti **saññāvimokkhā**, acittakā **nosaññāvimokkhā**.

Laddhasamāpattikassa āpatti nāma bhūtārocanāpatti, **aladdhasamāpattikassa āpatti** nāma abhūtārocanāpatti. **Saddhammapaṭisaññuttā** nāma padasodhammādikā, **asaddhammapaṭisaññuttā** nāma duṭṭhullavācāpatti. **Saparikkhārapaṭisaññuttā** nāma nissaggiyavatthuno anissajjivā paribhoge, pattacīvarānaṃ nidahane, kiliṭṭhacīvarānaṃ adhovane, malaggahitapattassa apacaneti evaṃ ayuttaparibhoge āpatti. **Paraparikkhārapaṭisaññuttā** nāma saṅghikamañcapīṭṭhādīnaṃ ajjhokāse santharaṇaanaṃpucchāgamanādīsu āpajjitabbā āpatti. **Sapuggalapaṭisaññuttā** nāma “mudupiṭṭhikassa lambissa ūrunā aṅgajātaṃ pīlentassā”tiādinā nayena vuttāpatti. **Parapuggalapaṭisaññuttā** nāma methunadhammakāyasaṃsaggapahāradānādīsu vuttāpatti, “sikharaṇīsī”ti **saccaṃ bhaṇanto garukaṃ** āpajjati, “sampajānamusāvāde pācittiya”nti **musā bhaṇanto lahukaṃ**. Abhūtārocane **musā bhaṇanto garukaṃ**. Bhūtārocane **saccaṃ bhaṇanto lahukaṃ**.

“Saṅghakammaṃ vagmaṃ karissāmi”ti antosīmāya ekamante nisīdanto **bhūmigato āpajjati** nāma. Sace pana aṅgulimattampi ākāse tiṭṭheyya, na āpajjeyya, tena vuttam “no vehāsagato”ti. Vehāsakuṭiyā āhaccapādaḅkaṃ mañcaṃ vā pīṭṭhaṃ vā abhinisīdanto **vehāsagato āpajjati** nāma. Sace pana taṃ bhūmiyaṃ paññāpetvā nipajjeyya na āpajjeyya, tena vuttam – “no bhūmigato”ti. Gamiyo gamiyavattam apūretvā gacchanto **nikkhamanto āpajjati nāma, no pavisanto**. Āgantuko āgantukavattam apūretvā sachattupāhano pavisanto **pavisanto āpajjati nāma, no nikkhamanto**.

Ādiyanto āpajjati nāma bhikkhunī atigambhīraṃ udakasuddhikaṃ ādiyamānā; dubbaṇṇakaraṇam anādiyivā cīvaraṃ paribhuñjanto pana **anādiyanto āpajjati** nāma. Mūgabbatādīni titthiyavattāni samādiyanto **samādiyanto āpajjati** nāma. Pārivāsikādayo pana tajjanīyādikammakatā vā attano vattam asamādiyantā āpajjanti, te sandhāya vuttam “atthāpatti na samādiyanto āpajjati”ti. Aññātikāya bhikkhuniyā cīvaraṃ sibbanto vejjakammabhaṇḍāgārikakammacittakammādīni vā karonto **karonto āpajjati** nāma. Upajjhāyavattādīni akaronto **akaronto āpajjati** nāma. Aññātikāya bhikkhuniyā cīvaraṃ dadamāno **dento āpajjati** nāma. Saddhivihārikaantevāsikānaṃ cīvarādīni adento **adento āpajjati** nāma. Aññātikāya bhikkhuniyā cīvaraṃ gaṇhanto **paṭiggaṇhanto āpajjati** nāma. “Na bhikkhave ovādo na gahetabbo”ti vacanato ovādaṃ agaṇhanto **na paṭiggaṇhanto āpajjati** nāma.

Nissaggiyavatthum anissajjivā paribhuñjanto **paribhogena āpajjati** nāma. Pañcāhikaṃ saṅghāticāraṃ atikkāmayamānā **aparibhogena āpajjati** nāma. Sahagāraseyyam **rattim āpajjati nāma, no divā**, dvāraṃ asaṃvaritvā paṭisallīyanto **divā āpajjati, no rattim**. Ekarattachāraṭṭasattāhadāsāhamāsātikamesu vuttaāpattim āpajjanto **aruṇugge āpajjati** nāma, pavāretvā bhuñjanto **na aruṇugge āpajjati** nāma.

Bhūtagāmañceva aṅgajātañca chindanto **chindanto āpajjati** nāma, kese vā nakhe vā na chindanto **na chindanto āpajjati** nāma. Āpattim chādento **chādento āpajjati** nāma, “tiṇena vā paṇṇena vā paṭicchādetvā āgantabbaṃ, natveva naggena āgantabbaṃ, yo āgaccheyya āpatti dukkaṭassā”ti imaṃ pana āpattim **na chādento āpajjati** nāma. Kusacīrādīni dhārento **dhārento āpajjati** nāma, “ayaṃ te bhikkhu patto yāva bhedaṇāya dhāretabbo”ti imaṃ āpattim **na dhārento āpajjati** nāma.

“**Attanā vā attānaṃ nānāsaṃvāsakaṃ karotī**”ti ekasīmāyaṃ dvīsu saṅghesu nisinnesu ekasmiṃ pakkhe nisīditvā parapakkhassa laddhiṃ gaṇhanto yasmim̐ pakkhe nisinno tesam̐ attanāva attānaṃ nānāsaṃvāsakaṃ karoti nāma. Yesam̐ santike nisinno tesam̐ gaṇapūraṃ hutvā kammaṃ kopeti, itaresam̐ hatthapāsaṃ anāgatattā. Samānasaṃvāsakepi eseva nayo. Yesañhi so laddhiṃ roceti, tesam̐ samānasaṃvāsako hoti, itaresam̐ nānāsaṃvāsako. **Satta āpattiyo satta āpattikkhandhāti** āpajjitabbato āpattiyo, rāsaṭṭhena khandhāti evaṃ dveyeva nāmāni hontīti nāmavasena dukkaṃ dassitaṃ. **Kamma vā salākaggāhena vāti** ettha uddeso ceva kammañca ekaṃ, vohāro ceva anussāvanā ca salākaggāho ca ekaṃ, vohārānussāvanasālākaggāhā pubbabhāgā, kammañceva uddeso ca pamāṇaṃ.

Addhānahīno nāma ūnavīsativasso. **Aṅgahīno** nāma hatthacchinnādibhedo. **Vatthuvipanno** nāma paṇḍako tiracchānagato ubhatobyañjanako ca. Avasesā theyyasaṃvāsakādayo aṭṭha abhabbapuggalā **karaṇadukkaṭakā** nāma. Dukkaṭakiriyā dukkaṭakammā, imasmiṃyeva attabhāve katena attano kamma vā abhabbapattānaṃ pattāti attho. **Aparipūro** nāma aparipuṇṇapattācīvaro. **No ca yācati** nāma upasampadaṃ na yācati. **Alajjissa ca bālassa cāti** alajjī sacepi tepiṭako hoti, bālo ca sacepi saṭṭhivasso hoti, ubhopi nissāya na vatthabbaṃ. **Bālassa ca lajjissa cāti** ettha bālassa “tvam̐ nissayaṃ gaṇhā”ti āṇāyapi nissayo dātabbo, lajjissa pana yācantasseva. **Sātisāranti** sadosam̐; yaṃ ajjhācaranto āpattim̐ āpajjati.

Kāyena paṭikkosanā nāma hatthavikārādīhi paṭikkosanā. **Kāyena paṭijānātīti** hatthavikārādīhi paṭijānātī. **Upaghātikā** nāma upaghātā. **Sikkhūpaghātikā** nāma sikkhūpaghāto. **Bhogūpaghātikā** nāma paribhogūpaghāto, tattha tisso sikkhā asikkhato sikkhūpaghātikāti veditabbā. Saṅghikaṃ vā puggalikaṃ vā dupparibhogaṃ bhuñjato bhogūpaghātikāti veditabbā. **Dve venayikāti** dve atthā vinayasiddhā. **Paññattaṃ** nāma sakale vinayapītake kappiyākappiyavasena paññattaṃ. **Paññattānulomaṃ** nāma catūsu mahāpadesesu daṭṭhabbaṃ. **Setughātoti** paccayaghāto; yena cittena akappiyaṃ kareyya, tassa cittasāpi anuppādananti attho. **Mattakāritāti** mattāya pamāṇena karaṇaṃ; pamāṇe ṭhānanti attho. **Kāyena āpajjātīti** kāyadvārikaṃ kāyena āpajjati; vacīdvārikaṃ vācāya. **Kāyena vuṭṭhātīti** tiṇavattārahakassamathe vināpi desanāya kāyeneva vuṭṭhātī; desetvā vuṭṭhahanto pana vācāya vuṭṭhātī. **Abhantaraparibhogo** nāma ajjhoharaṇaparibhogo. **Bāhiraparibhogo** nāma sīsamakhanādi.

Anāgataṃ bhāraṃ vahaṭīti atherova samāno therehi vahitabbaṃ bījanagāhadhammajjhesanādibhāraṃ vahati; taṃ nittharitaṃ vīriyaṃ ārabhati. **Āgataṃ bhāraṃ na vahaṭīti** therō therakiccaṃ na karoti, “anujānāmi bhikkhave therena bhikkhunā sāmaṃ vā dhammaṃ bhāsitaṃ, paraṃ vā ajjhesitaṃ, anujānāmi bhikkhave therādhēyyaṃ pātimokkha”nti evamādi sabbam̐ parihāpetīti attho. **Na kukkucāyitabbaṃ kukkucāyatīti** na kukkucāyitabbaṃ kukkucāyitvā karoti. **Kukkucāyitabbaṃ na kukkucāyatīti** kukkucāyitabbaṃ na kukkucāyitvā karoti. Etesam̐ dvinnaṃ divā ca ratto ca āsavā vaḍḍhantīti attho. Anantaradukepi vuttapaṭipakkhavasena attho veditabbo. Sesam̐ tattha tattha vuttanayattā uttānamevāti.

Dukavāraṇṇanā niṭṭhitā.

Tikavāraṇṇanā

323. Tikesu **atthāpatti tiṭṭhante bhagavati āpajjātīti** atthi āpatti, yaṃ tiṭṭhante bhagavati āpajjātīti attho. Eseva nayo sabbattha. Tattha lohittuppādāpattim̐ tiṭṭhante āpajjati. “Etarahi kho panānanda, bhikkhū aññamaññaṃ āvusovādena samudācaranti, na vo mamaccayena evaṃ samudācaritabbaṃ, navakena, ānanda, bhikkhunā therō bhikkhū ‘bhante’ti vā ‘āyasmā’ti vā samudācaritabbo”ti vacanato theram̐ āvusovādena samudācaraṇapaccayā āpattim̐ parinibbute bhagavati āpajjati, no tiṭṭhante. Imā dve āpattiyo ṭhapetvā avasesā dharantepi bhagavati āpajjati, parinibbutepi.

Pavāretvā anatirittaṃ bhuñjanto āpattim̐ kāle āpajjati no vikāle. Vikālabhojanāpattim̐ pana vikāle āpajjati no kāle. Avasesā kāle ceva āpajjati vikāle ca. Sahagāraseyyaṃ rattim̐ āpajjati, dvāraṃ

asamvaritvā paṭisallīyanam divā. Sesā rattīñceva divā ca. “Dasavassomhi atirekadasavassomhī”ti bālo abyatto parisam upaṭṭhāpento dasavasso āpajjati no ūnadasavasso. “Aham paṇḍito byatto”ti navo vā majjhimo vā parisam upaṭṭhāpento ūnadasavasso āpajjati no dasavasso. Sesā dasavasso ceva āpajjati ūnadasavasso ca. “Pañcavassomhī”ti bālo abyatto anissāya vasanto pañcavasso āpajjati. “Aham paṇḍito byatto”ti navako anissāya vasanto ūnapañcavasso āpajjati. Sesam pañcavasso ceva āpajjati ūnapañcavasso ca. Anupasampannam padasodhammam vācento, mātugāmassa dhammam desento evarūpaṃ āpattiṃ kusalacitto āpajjati, pārājika-sukkavissatṭhi-kāyasamsagga-duṭṭhulla-attakāmapāricariya-duṭṭhadosa-saṅghabhedapahārādāna-talasattikādibhedam akusalacitto āpajjati, asañcicca sahaḅāraseyyādiṃ abyākatacitto āpajjati, yaṃ arahāva āpajjati, sabbam abyākatacittova āpajjati, methunadhammādibhedamāpattiṃ sukhavedanāsamaṅgī āpajjati, duṭṭhadosaḅibhedam dukkhavedanāsamaṅgī, yaṃ sukhavedanāsamaṅgī āpajjati, taṃyeva majjhatto hutvā āpajjanto adukkhamasukhavedanāsamaṅgī āpajjati.

Tayo paṭikkhepāti buddhassa bhagavato tayo paṭikkhepā. Catūsu paccayesu mahicchatā asantuṭṭhitā kilesasallekhanapaṭipattiyā agopāyanā, ime hi tayo dhammā buddhena bhagavatā paṭikkhattā. Appicchatādayo pana tayo buddhena bhagavatā anuññātā, tena vuttam “tayo anuññātā”ti.

“Dasavassomhī”ti parisam upaṭṭhāpento “pañcavassomhī”ti nissayam aḅaṅhanto bālo āpajjati no paṇḍito, ūnadasavasso “byattomhī”ti bahussutattā parisam upaṭṭhāpento ūnapañcavasso ca nissayam aḅaṅhanto paṇḍito āpajjati no bālo; avasesam paṇḍito ceva āpajjati bālo ca. Vassam anupagacchanto kāle āpajjati no juṅhe; mahāpavāraṅāya appavārento juṅhe āpajjati no kāle; avasesam kāle ceva āpajjati juṅhe ca. Vassūpagamanam kāle kappati no juṅhe; mahāpavāraṅāya pavāraṅā juṅhe kappati no kāle; sesam anuññātakam kāle ceva kappati juṅhe ca.

Kattikapuṅṅamāsiyā pacchime pāṭipadadivase vikappetvā ṭhapitam vassikasāṭikam nivāsento hemante āpajjati. Kurundiyam pana “kattikapuṅṅamadivase apaccuddharitvā hemante āpajjati”ti vuttam, tampi suvuttam. “Cātumāsam adhiṭṭhātuṃ tato param vikappetu”nti hi vuttam. Atirekamāse sese gīmhāne pariyesanto atirekaḅḅhamāse sese katvā nivāsento ca gīmhe āpajjati nāma. Satiyā vassikasāṭikāya naggo kāyam ovassāpento vasse āpajjati nāma. Pārisuddhiuposatham vā adhiṭṭhānuposatham vā karonto saṅgho āpajjati. Suttuddesañca adhiṭṭhānuposathañca karonto ḅaṅo āpajjati. Ekako suttuddesam pārisuddhiuposathañca karonto puggalo āpajjati. Pavāraṅāyapi eseva nayo.

Saṅghuposatho ca saṅghapavāraṅā ca saṅghasseva kappati. Gaṅuposatho ca gaṅapavāraṅā ca gaṅasseva kappati. Adhiṭṭhānuposatho ca adhiṭṭhānapavāraṅā ca puggalasseva kappati. “Pārājikam āpanomhī”tiādīni bhaṅanto vatthum chādeti na āpattiṃ, “methunam dhammam paṭisevi”ntiādīni bhaṅanto āpattiṃ chādeti no vatthum, yo neva vatthum na āpattiṃ āroceti, ayam vatthuñceva chādeti āpattiñca.

Paṭicchādetīti paṭicchādi. Jantāgharameva paṭicchādi **jantāgharapaṭicchādi**. Itarāsupi eseva nayo. Dvāram pidahitvā antojantāghare ṭhitena parikkammam kātuṃ vaṭṭati. Udaḅe otinṅenāpi etadeva vaṭṭati. Ubhayattha khādītuṃ bhujītuṃ vā na vaṭṭati. Vatthapaṭicchādi sabbakappiyatāya paṭicchannena sabbam kātuṃ vaṭṭati. **Vahantīti** yanti niyyanti; nindam vā paṭikkosam vā na labhanti. Candamaṅḅalam abbhāmahikādhūmarajarāhuvimuttam vivaṭaṃyeva viroceti, na tesu aññatarena paṭicchannam. Tathā sūriyamaṅḅalam, dhammavinayopi vivaritvā vibhajitvā desiyamānova viroceti no paṭicchanno.

Aññena bhesajjena karaṅīyena aññam viññāpento gilāno āpajjati, na bhesajjena karaṅīyena bhesajjam viññāpento agilāno āpajjati, avasesam āpattiṃ gilāno ceva āpajjati agilāno ca.

Anto āpajjati no bahīti anupakhajja seyyam kappento anto āpajjati no bahi, **bahi āpajjati no antoti** saṅghikam mañcādiṃ ajjhokāse santharitvā pakkamanto bahi āpajjati no anto, avasesam pana **anto ceva āpajjati bahi ca**. **Antosīmāyāti** āgantuko āgantukavattam adassetvā sachattupāhano vihāram

pavisanto upacārasīmaṃ okkantamattova āpajjati. **Bahisīmāyāti** gamiko dārubhaṇḍapaṭisāmanādīgamikavattaṃ apūretvā pakkamanto upacārasīmaṃ atikkantamattova āpajjati. Avasesaṃ antosīmāya ceva āpajjati bahisīmāya ca. Sati vuḍḍhatare anajjhīṭṭho dhammaṃ bhāsanto saṅghamajjhe āpajjati nāma. Gaṇamajjhepi puggalasantikepi eseva nayo. **Kāyena vuṭṭhātī** tiṇavatthārakasamathena vuṭṭhātī. Kāyaṃ acāletvā vācāya desentassa vācāya vuṭṭhātī. Vacīsampayuttaṃ kāyakiriyaṃ katvā desentassa kāyena vācāya vuṭṭhātī nāma. Saṅghamajjhe desanāgāminīpi vuṭṭhānagāminīpi vuṭṭhātī. Gaṇapuggalamajjhe pana desanāgāminīyeva vuṭṭhātī.

Āgālhāya ceteyyāti āgālhāya daḷhabhāvāya ceteyya; tajjanīyakammādikatassa vattaṃ na pūrayato icchamāno saṅgho ukkhepanīyakammaṃ kareyyāti attho. **Alajjī ca hoti bālo ca apakatatto cāti** ettha bālo “ayaṃ dhammādhammaṃ na jānāti” apakatatto vā “āpattānāpattiṃ na jānāti” ti na ettāvataṃ kammaṃ kātappaṃ; bālabhāvamūlakaṃ pana apakatattabhāvamūlakaṃca āpattiṃ āpannassa kammaṃ kātappanti attho. Adhisīle sīlavipanno nāma dve āpattikkhandhe āpanno; ācāravipanno nāma pañca āpattikkhandhe āpanno; diṭṭhivipanno nāma antaggāhikāya diṭṭhiyā samannāgato. Tesam āpattiṃ apassantānaṃ appaṭikarontānaṃ diṭṭhiṃca anissajjantānaṃyeva kammaṃ kātappaṃ.

Kāyiko davo nāma pāsakādīhi jūtakilānādībhedo anācāro; vācasiko davo nāma mukhālambarakaraṇādībhedo anācāro; kāyikavācasiko nāma naccanagāyanādībhedo dvīhipi dvārehi anācāro. Kāyiko anācāro nāma kāyadvāre paññattasikkhāpadavītikkamo; vācasiko anācāro nāma vacīdvāre paññattasikkhāpadavītikkamo; kāyikavācasiko nāma dvāradvayepi paññattasikkhāpadavītikkamo. **Kāyikena upaghātikenāti** kāyadvāre paññattassa sikkhāpadassa asikkhanena, yo hi taṃ na sikkhati, so naṃ upaghātetī, tasmā tassa taṃ asikkhanaṃ “kāyikaṃ upaghātika” nti vuccati. Sesapadadvayepi eseva nayo. **Kāyikena micchājīvenāti** jaṅghapesanikādīnā vā gaṇḍaphālanādīnā vā vejjakammaṃ; **vācasikenāti** sāsanauggahaṇārocānādīnā; tatiyapadaṃ ubhayasampayogavasena vuttaṃ.

Alaṃ bhikkhu mā bhaṇḍananti alaṃ bhikkhu mā bhaṇḍanaṃ kari, mā kalahaṃ, mā vivādaṃ karīti attho. **Na voharitabbanti** na kiñci vattappaṃ; vadatopi hi tādisassa vacanaṃ na sotappaṃ maññanti. **Na kismiñci paccekattāhānanti** kismiñci bījanaggāhādīke ekasmimpi jeṭṭhakaṭṭhāne na ṭhapetabboti attho. **Okāsakammaṃ kārentassāti** “karotu āyasmā okāsaṃ, ahaṃ taṃ vattukāmo” ti evaṃ okāsaṃ kārentassa. **Nālaṃ okāsakammaṃ kātunti** “kiṃ tvaṃ karissasī” ti okāso na kātabbo. **Savacanīyaṃ nādātābanti** vacanaṃ na ādātābbaṃ, vacanampi na sotappaṃ; yattha gahetvā gantukāmo hoti, na tattha gantabbanti attho.

Tihaṅgehi samannāgatassa bhikkhuno vinayoti yaṃ so jānāti, so tassa vinayo nāma hoti; so na pucchitabboti attho. **Anuyogo na dātābanti** “idaṃ kappatī” ti pucchantassa pucchāya okāso na dātabbo, “aññaṃ pucchā” ti vattabbo. Iti so neva pucchitabbo nāssa pucchā sotabbāti attho. **Vinayo na sākacchātābanti** vinayapañho na sākacchitabbo, kappiyākappiyakathā na saṃsandetabbā.

Idamappahāyāti etaṃ brahmacāripaṭiññātādīkaṃ laddhiṃ avijahitvā. **Suddhaṃ brahmacārīnti** khīṇāsavaṃ bhikkhuṃ. **“Pātabyataṃ āpajjati”** ti pātabyabhāvaṃ paṭisevanaṃ āpajjati. “Idamappahāyā” ti vacanato pana taṃ brahmacāripaṭiññātaṃ pahāya khīṇāsavaṃ “musā mayā bhaṇitaṃ, khamatha me” ti khamāpetvā “natthi kāmesu doso” ti laddhiṃ vijahitvā gatavisodhanaṃ kareyya. **Akusalamūlānīti** akusalāni ceva mūlāni ca, akusalānaṃ vā mūlāni akusalamūlāni. Kusalamūlesupi eseva nayo. Duṭṭhu caritāni virūpāni vā caritāni **duccaritāni**. Suṭṭhu caritāni sundarāni vā caritāni **sucaritāni**. Kāyena karaṇabhūtena kataṃ duccaritaṃ **kāyaduccaritaṃ**. Esa nayo sabbattha. Sesam tattha tattha vuttanayattā uttānamevāti.

Tikavāraṇṇanā niṭṭhitā.

Catukkavāraṇṇanā

324. Catukkesu **sakavācāya āpajjati paravācāya vuṭṭhātīti** vacīdvārikam padasodhammādibhedam āpattiṃ āpajjitvā tiṇavatthāarakasamathaṭṭhānam gato parassa kammavācāya vuṭṭhāti. **Paravācāya āpajjati sakavācāya vuṭṭhātīti** pāpikāya diṭṭhiyā appaṭinissagge parassa kammavācāya āpajjati, puggalassa santike desento sakavācāya vuṭṭhāti. **Sakavācāya āpajjati sakavācāya vuṭṭhātīti** vacīdvārikam padasodhammādibhedam āpattiṃ sakavācāya āpajjati, desetvā vuṭṭhahantopi sakavācāya vuṭṭhāti. **Paravācāya āpajjati paravācāya vuṭṭhātīti** yāvatiyakam saṅghādisesaṃ parassa kammavācāya āpajjati, vuṭṭhahantopi parassa parivāsakammavācādīhi vuṭṭhāti. Tato paresu kāyadvārikam **kāyena āpajjati**, desento **vācāya vuṭṭhāti**. Vacīdvārikam **vācāya āpajjati**, tiṇavatthārake **kāyena vuṭṭhāti**. Kāyadvārikam kāyenaāpajjati, tameva tiṇavatthārake kāyena vuṭṭhāti. Vacīdvārikam **vācāya āpajjati**, tameva desento **vācāya vuṭṭhāti**. Saṅghikamañcassa attano paccattharaṇena anattarato kāyasamphusane lomagaṇānāya āpajjitabbāpattiṃ sahaḡāraseyyāpattiñca **pasutto āpajjati**, pabujjhivā pana āpanabhāvaṃ ṇatvā desento **paṭibuddho vuṭṭhāti**. Jagganto āpajjitvā pana tiṇavatthāarakasamathaṭṭhāne sayanto **paṭibuddho āpajjati pasutto vuṭṭhāti** nāma. Pacchimapadadvayampi vuttānusāreneva veditabbaṃ.

Acittakāpattiṃ **acittako āpajjati** nāma. Pacchā desento **sacittako vuṭṭhāti**. Sacittakāpattiṃ **sacittako āpajjati** nāma. Tiṇavatthāraḡatthāne sayanto **acittako vuṭṭhāti**. Sesapadadvayampi vuttānusāreneva veditabbaṃ. Yo sabhāgaṃ āpattiṃ deseti, ayaṃ desanāpaccayā dukkaṭaṃ āpajjanto pācittiyādīsu aññataraṃ deseti, tañca desento dukkaṭaṃ āpajjati. Taṃ pana dukkaṭaṃ āpajjanto pācittiyādito vuṭṭhāti. Pācittiyādito ca vuṭṭhahanto taṃ āpajjati. Iti ekassa puggalassa ekameva payogaṃ sandhāya “āpattiṃ āpajjanto deseti”ti idaṃ catukkaṃ vuttanti veditabbaṃ.

Kammacatukke pāpikāya diṭṭhiyā appaṭinissaggāpattiṃ **kammena āpajjati**, desento **akammena vuṭṭhāti**. Vissaṭṭhiādikaṃ **akammena āpajjati**, parivāsādinā kammaṃ vuṭṭhāti. Samanubhāsaṃ **kammeneva āpajjati, kammaṃ vuṭṭhāti**. Sesam **akammena āpajjati, akammena vuṭṭhāti**.

Parikkhāracatukke paṭhamo sakaparikkhāro, dutiyo saṅghikova tatiyo cetiyasantako, catuttho gihparikkhāro. Sace pana so pattacīvaranavakammabhesajjānaṃ atthāya āhaṭo hoti, avāpuraṇaṃ dātumaṃ anto ṭhapāpetuñca vaṭṭati.

Sammukhācatukke pāpikāya diṭṭhiyā appaṭinissaggāpattiṃ saṅghassa **sammukhā āpajjati**, vuṭṭhānakāle pana saṅghena kiccaṃ natthīti **parammukhā vuṭṭhāti**. Vissaṭṭhiādikaṃ **parammukhā āpajjati**, saṅghassa **sammukhā vuṭṭhāti**. Samanubhāsaṃ saṅghassa **sammukhā eva āpajjati, sammukhā vuṭṭhāti**. Sesam sampajānamusāvādādibhedam **parammukhāva āpajjati, parammukhāva vuṭṭhāti**. Ajānantacatukkaṃ acittakacatukkasadisam.

Liṅgapātubhāvenāti sayitasseva bhikkhussa vā bhikkhuniyā vā liṅgaparivatte jāte sahaḡāraseyyāpatti hoti idameva taṃ paṭicca vuttaṃ. Ubhinnampi pana asādhāraṇāpatti liṅgapātubhāvena vuṭṭhāti. Sahaṭaṭilābhacatukke yassa bhikkhuno liṅgaṃ parivattati, so saha liṅgapaṭilābhena paṭhamam uppannavasena seṭṭhabhāvena ca purimaṃ purisaliṅgaṃ jahati, pacchime itthiliṅge paṭiṭṭhāti, purisakuttapurisākārādivasena pavattā kāyavacīviññattiyo paṭippassambhanti, bhikkhūti vā purisoti vā evam pavattā paṇṇattiyo nirujjhanti, yāni bhikkhunīhi asādhāraṇāni chacattālīsa sikkhāpadāni tehi anāpattiyeva hoti. Dutiyacatukke pana yassā bhikkhuniyā liṅgaṃ parivattati, sā pacchāsamuppattiyā vā hīnabhāvena vā pacchimanti saṅkhyam gataṃ itthiliṅgaṃ jahati, vuttappakārena purimanti saṅkhyam gate purisaliṅge paṭiṭṭhāti. Vuttaviparītā viññattiyo paṭippassambhanti, bhikkhunīti vā itthīti vā evam pavattā paṇṇattiyopi nirujjhanti, yāni bhikkhūhi asādhāraṇāni satam tiṃsañca sikkhāpadāni, tehi anāpattiyeva hoti.

Cattāro sāmukkaṃsāti cattāro mahāpadesā, te hi bhagavatā anuppanne vatthumhi sayam ukkaṃsitvā ukkhipitvā ṭhapitattā “sāmukkaṃsā”ti vuccanti. **Paribhogāti** ajjhoharaṇīyaparibhogā, udakaṃ pana akālikattā appaṭiggahitakaṃ vaṭṭati. Yāvakālikādīni appaṭiggahitakāni ajjhoharituṃ na

vaṭṭanti. **Cattāri mahāvikaṭāni** kālodissattā yathāvutte kāle vaṭṭanti. **Upāsako sīlavāti** pañca vā dasa vā sīlāni gopayamāno.

Āgantukādicatukke sachattupāhano sasīsaṃ pāruto vihāraṃ pavisanto tattha vicaranto ca **āgantukova āpajjati, no āvāsiko**. Āvāsikavattaṃ akaronto pana **āvāsiko āpajjati, no āgantuko**. Sesam kāyavacīdvārikam āpattiṃ ubhopi āpajjanti, asādhāraṇaṃ āpattiṃ **neva āgantuko āpajjati, no āvāsiko**. Gamiyacatukkepi gamiyavattaṃ apūretvā gacchanto **gamiko āpajjati, no āvāsiko**. Āvāsikavattaṃ akaronto pana **āvāsiko āpajjati, no gamiko**. Sesam ubhopi āpajjanti, asādhāraṇaṃ ubhopi nāpajjanti. Vatthunānattatādicatukke catunnaṃ pārājikānaṃ aññamaññaṃ **vatthunānattatāva hoti**, naāpattinānattatā. Sabbāpi hi sā pārājikāpattiyeva. Saṅghādisesādīsipi eseva nayo. Bhikkhussa ca bhikkhuniyā ca aññamaññaṃ kāyasamsagge bhikkhussa saṅghādiseso bhikkhuniyā pārājikanti evaṃ **āpattinānattatāva** hoti, na vatthunānattatā, ubhinnampi hi kāyasamsaggova vatthu. Tathā “lasuṇakkhādane bhikkhuniyā pācittiyam, bhikkhussa dukkaṭa”nti evamādināpettha nayena yojanā veditabbā. Catunnaṃ pārājikānaṃ terasahi saṅghādisesehi saddhiṃ **vatthunānattatā ceva āpattinānattatā ca**. Evaṃ saṅghādisesādīnaṃ aniyatādīhi. Ādito paṭṭhāya cattāri pārājikāni ekato āpajjantānaṃ bhikkhubhikkhunīnaṃ **neva vatthunānattatā no āpattinānattatā**. Visuṃ āpajjantesupi sesā sādharāṇāpattiyō āpajjantesupi eseva nayo.

Vatthusabhāgādicatukke bhikkhussa ca bhikkhuniyā ca kāyasamsagge **vatthusabhāgatā, no āpattisabhāgatā**, catūsu pārājikesu **āpattisabhāgatā, no vatthusabhāgatā**. Esa nayo saṅghādisesādīsū. Bhikkhussa ca bhikkhuniyā ca catūsu pārājikesu **vatthusabhāgatā ceva āpattisabhāgatā ca**. Esa nayo sabbāsu sādharāṇāpattīsū. Asādhāraṇāpattiyam **neva vatthusabhāgatā no āpattisabhāgatā**. Yo hi purimacatukke paṭṭhamo pañho, so idha dutiyo; yo ca tattha dutiyo, so idha paṭṭhamo. Tatiyacatutthesu nānākaraṇaṃ natthi.

Upajjhāyacatukke saddhivihārikassa upajjhāyena kattabbavattassa akaraṇe āpattiṃ **upajjhāyo āpajjati, no saddhivihāriko** upajjhāyassa kattabbavattaṃ akaronto **saddhivihāriko āpajjati, no upajjhāyo**; sesam ubhopi āpajjanti, asādhāraṇaṃ ubhopi nāpajjanti. Ācariyacatukkepi eseva nayo.

Ādiyantacatukke pādaṃ vā atirekapādaṃ vā sahatthā ādiyanto **garukaṃ āpajjati**, ūnakapādaṃ gaṇhāhīti āṇattiyā aññaṃ payojento **lahukaṃ āpajjati**. Etena nayena sesapadattayaṃ veditabbam.

Abhivādanārahacatukke bhikkhunīnaṃ tāva bhattagge navamabhikkhunito paṭṭhāya upajjhāyāpi **abhivādanārahā no paccuṭṭhānārahā**. Avisesena ca vipakatabhojanassa bhikkhussa yo koci vuḍḍhataro. Saṭṭhivassassāpi pārivāsikassa samīpagato tadahupasampannopi **paccuṭṭhānāraho no abhivādanāraho**. Appaṭikkhittesu ṭhānesu vuḍḍho navakassa **abhivādanāraho ceva paccuṭṭhānāraho ca**. Navako pana vuḍḍhassa **neva abhivādanāraho na paccuṭṭhānāraho**. Āsanārahacatukkassa paṭṭhamapadaṃ purimacatukke dutiyapadena, dutiyapadañca paṭṭhamapadena atthato sadisaṃ.

Kālacatukke pavāretvā bhuñjanto **kāle āpajjati no vikāle**, vikālabhojanāpattiṃ **vikāle āpajjati no kāle**, sesam **kāle ceva āpajjati vikāle ca**, asādhāraṇaṃ **neva kāle no vikāle**. Paṭiggahitacatukke purebhattaṃ paṭiggahitāmisam **kāle kappati no vikāle**. Pānakaṃ **vikāle kappati, punadivasamhi no kāle**. Sattāhakālikam yāvajīvikam **kāle ceva kappati vikāle ca**. Attano attano kālātītaṃ yāvakālikādittayaṃ akappiyamaṃsam ugghitakamappaṭiggahitakañca **neva kāle kappati no vikāle**.

Paccantimacatukke samudde sīmaṃ bandhanto **paccantimesu janapadesu āpajjati, no majjhimesu**; pañcavaggena gaṇena upasampādentō guṇaṅguṇūpāhanaṃ dhuvanahānaṃ cammattharaṇāni ca **majjhimesu janapadesu āpajjati no paccantimesu**. Imāni cattāri “idha na kappanti”ti vadantopi paccantimesu āpajjati, “idha kappanti”ti vadanto pana majjhimesu āpajjati. Sesāpattiṃ ubhayattha āpajjati, asādhāraṇaṃ na katthaci āpajjati. Dutiyacatukke pañcavaggena gaṇena upasampadādi catubbidhampi vatthu **paccantimesu janapadesu kappati**. “Idam kappati”ti dīpetumpi

tattheva kappati no majjhimesu. “Idaṃ na kappatī”ti dīpetuṃ pana **majjhimesu janapadesu kappati no paccantimesu**. Sesam “anujānāmi bhikkhave pañca loṇāni”tiādi anuññātakam ubhayattha kappati. Yaṃ pana akappiyanti paṭikkhittam, tam ubhayatthāpi na kappati.

Antoādicatukke anupakhajja seyyādiṃ **anto āpajjati no bahi**, ajjhokāse saṅghikamañcādīni nikkhipitvā pakkamanto **bahi āpajjati no anto**, sesam **anto ceva bahi ca**, asādhāraṇam **neva anto na bahi**. Antosīmādicatukke āgantuko vattam apūrento **antosīmāya āpajjati**, gamiyo **bahisīmāya** musāvādādiṃ **antosīmāya ca bahisīmāya ca āpajjati**, asādhāraṇam na katthaci. Gāmacatukke antaragharapaṭisaṃyuttam sekhiyapaññattiṃ **gāme āpajjati no araññe**. Bhikkhunī aruṇam utthāpayamānā **araññe āpajjati no gāme**. Musāvādādiṃ **gāme ceva āpajjati araññe ca**, asādhāraṇam na katthaci.

Cattāro pubbakiccāti “sammajjanī padīpo ca udakam āsanena cā”ti idaṃ catubbidham pubbakaraṇanti vuccatīti vuttam. “Chandapārisuddhiutukkānaṃ bhikkhugaṇaṇā ca ovādo”ti ime pana “cattāro pubbakiccā”ti veditabbā. **Cattāro pattakallāti** uposatho yāvatikā ca bhikkhū kammappattā te āgatā honti, sabhāgāpattiyo na vijjanti, vajjanīyā ca puggalā tasmim na honti, pattakallanti vuccatīti. **Cattāri anaññapācittiyānīti** “etadeva paccayam karitvā anaññam pācittiya”nti evam vuttāni anupakhajjaseyyākappanasikkhāpadaṃ “ehāvuso gāmaṃ vā nigamaṃ vā”ti sikkhāpadaṃ, sañcicca kukkucupadahanam, upassutitīṭhananti imāni cattāri. **Catasso bhikkhusammutiyo** “ekarattampi ce bhikkhu ticīvarena vippavaseyya aññatra bhikkhusammutiya, aññam navam santhatam kārāpeyya aññatra bhikkhusammutiya, tato ce uttari vippavaseyya aññatra bhikkhusammutiya, duṭṭhullam āpattiṃ anupasampannassa āroceyya aññatra bhikkhusammutiya”ti evam āgatā terasahi sammutīhi muttā **sammutiyo**. Gilānacatukke aññabhesajjena karaṇīyena lolatāya aññam viññāpento **gilāno āpajjati**, abhesajjakaraṇīyena bhesajjam viññāpento **agilāno āpajjati**, musāvādādiṃ ubhopi āpajjanti, asādhāraṇam ubhopi nāpajjanti. Sesam sabbattha uttānamevāti.

Catukkavāraṇaṇā niṭṭhitā.

Pañcakavāraṇaṇā

325. Pañcakesu pañca puggalā niyatāti ānantariyānamevetam gahaṇam. **Pañca chedanakā āpattiyo** nāma pamāñātikkante mañcapīṭhe nisīdanakaṇḍuppaṭicchādivassikasāṭikāsu sugatacīvare ca veditabbā. **Pañcahākārehīti** alajjitā, aññānatā, kukkucupakatatā, akappiye kappiyasaññitā, kappiye akappiyasaññitāti imehi pañcahi. **Pañca āpattiyo musāvādapaccayāti** pārājikathullaccayadukkaṭasaṅghādisapācittiyā. **Anāmantacāroti** “santam bhikkhum anāpucchā purebhattam pacchābhattam kulesu cārittam āpajjeyyā”ti imassa āpucchitvā cārassa abhāvo. **Anadhiṭṭhānanti** “gaṇabhojane aññatra samayā”ti vuttam samayam adhiṭṭhahitvā bhojanam adhiṭṭhānam nāma; tathā akaraṇam **anadhiṭṭhānam**. **Avikappanā** nāma yā paramparabhojane vikappanā vuttā, tassā akaraṇam. Imāni hi pañca piṇḍapātikassa dhutaṅgeneva paṭikkhittāni. **Ussaṅkitaparisaṅkitoti** ye passanti, ye suṇanti, tehi ussaṅkito ceva parisaṅkito ca. Api akuppadhammo khīṇāsavopi samāno, tasmā agocarā pariharitabbā. Na hi etesu sandissamāno ayasato vā garahato vā muccati. **Sosānikanti** susāne patitakam. **Pāpaṇikanti** āpaṇadvāre patitakam. **Thūpacīvaranti** vammikam parikkhipitvā balikammakatam. **Ābhisekikanti** nahānaṭṭhāne vā rañño abhisekaṭṭhāne vā chaḍḍitacīvaram. **Bhatapaṭiyābhatanti** susānam netvā puna ānitakam. **Pañca mahācorā** uttarimanussadhamme vuttā.

Pañcāpattiyo kāyato samuṭṭhantīti paṭhamena āpattisamuṭṭhānena pañca āpattiyo āpajjati, “bhikkhu kappiyasaññī saññācīkāya kuṭim karotī”ti evam antarapeyyāle vuttāpattiyo. **Pañca āpattiyo kāyato ca vācato cāti** tatiyena āpattisamuṭṭhānena pañca āpattiyo āpajjati, “bhikkhu kappiyasaññī saṃvidahitvā kuṭim karotī”ti evam tattheva vuttā āpattiyo. **Desanāgāminiyoti** ṭhapetvā pārājikañca saṅghādisesañca avasesā.

Pañca kammānī tajjanīyaniyassapabbājanīyapaṭisāraṇīyāni cattāri ukkhepanīyañca tividhampi ekanti pañca. **Yāvattiyake pañcā**ti ukkhittānuvattikāya bhikkhuniyā yāvattiyam samanubhāsānāya appaṭinissajjantiyā pārājikaṃ thullaccayaṃ dukkaṭanti tisso, bhedaṅkānuvattakādisamanubhāsānāsu saṅghādiseso, pāpikāya diṭṭhiyā appaṭinissagge pācittiyam. **Adinnanti** aññena adinnaṃ. **Aviditanti** paṭiggaṇhāmīti cetanāya abhāvena aviditaṃ. **Akappiyanti** pañcahi samaṇakappehi akappiyakataṃ; yaṃ vā panaññampi akappiyamaṃsaṃ akappiyabhojanaṃ. **Akatātirittanti** pavāretvā atirittaṃ akataṃ. **Samajjādānanti** naṭasamajjādānaṃ. **Usabhadānanti** gogaṇassa antare usabhavissajjanaṃ. **Cittakammaḍānanti** āvāsaṃ kāretvā tatha cittakammaṃ kāretuṃ vaṭṭati. Idaṃ pana paṭibhānacittakammaḍānaṃ sandhāya vuttaṃ. Imāni hi pañca kiñcāpi lokassa puññasammatāni, atha kho apuññāni akusalāniyeva. **Uppannaṃ paṭibhānanti** ettha paṭibhānanti kathetukamyatā vuccati. **Ime pañca duppaṭivinodayā**ti na supaṭivinodayā; upāyena pana kāraṇena anurūpāhi paccavekkhanānusāsānādīhi sakkā paṭivinodetunti attho.

Sakacittaṃ pasīdatīti ettha imāni vatthūni – kaṭaandhakāravāsī **phussadevatthero** kira cetiyaṅgaṇaṃ sammajjitvā ekaṃsaṃ uttarāsaṅgaṃ karitvā sinduvārakusumasanthatamiva samavippakiṇṇavālikaṃ cetiyaṅgaṇaṃ olokeno buddhārammaṇaṃ pītipāmojjaṃ uppādetvā aṭṭhāsi. Tasmim̄ khaṇe māro pabbatapāde nibbattakālamakkaṭo viya hutvā cetiyaṅgaṇe gomayaṃ vippakiranto gato. Thero nāsakkhi arahattaṃ pāpuṇituṃ, sammajjitvā agamāsi. Dutiyadivasepi jaraggavo hutvā tādisameva vippakāraṃ akāsi. Tatiyadivase vaṅkapādaṃ manussattabhāvaṃ nimminivā pādena parikasanto agamāsi. Thero “evarūpo bībhacchapuriso samantā yojanappamañesu gocaragāmesu natthi, siyā nu kho māro”ti cintevā “mārosi tva”nti āha. “Āma, bhante, māromhi, na dāni te vañcetūṃ asakkhi”nti. “Diṭṭhapubbo tayā tathāgato”ti? “Āma, diṭṭhapubbo”ti. “Māro nāma mahānubhāvo hoti, iṅgha tāva buddhassa bhagavato attabhāvasadisaṃ attabhāvaṃ nimmināhi”ti? “Na sakkā, bhante, tādisaṃ rūpaṃ nimminituṃ; apica kho pana taṃsarikkhakaṃ patirūpakaṃ nimminissāmī”ti sakabhāvaṃ vijahitvā buddharūpasadisena attabhāvena aṭṭhāsi. Thero māraṃ oloketvā “ayaṃ tāva sarāgadosamoho evaṃ sobhati, kathaṃ nu kho bhagavā na sobhati sabbaso vītarāgadosamoho”ti buddhārammaṇaṃ pītiṃ paṭilabhitvā vipassanaṃ vaḍḍhetvā arahattaṃ pāpuṇi. Māro “vañcitomhi tayā, bhante”ti āha. Theropi “kiṃ atthi jaramāra, tādisaṃ vañcetū”nti āha. Lokantaravihārepi datto nāma daharabhikkhu cetiyaṅgaṇaṃ sammajjitvā olokeno odātakasiṇaṃ paṭilabhi. Aṭṭha samāpattiyo nibbattesi. Tato vipassanaṃ vaḍḍhetvā phalattayaṃ sacchākāsi.

Paracittaṃ pasīdatīti ettha imāni vatthūni – tisso nāma daharabhikkhu jambukolacetiyaṅgaṇaṃ sammajjitvā saṅkārachaḍḍaniṃ hatthena gahetvāva aṭṭhāsi. Tasmim̄ khaṇe **tissadattathero** nāma nāvāto oruyha cetiyaṅgaṇaṃ olokeno bhāvitacittena sammaṭṭhaṭṭhānanti ñatvā pañhāsahassaṃ pucchi, itaro sabbaṃ vissajjesi. Aññatarasmimpi vihāre thero cetiyaṅgaṇaṃ sammajjitvā vattaṃ paricchindi. Yonakavisayato cetiyavandakā cattāro therā āgantvā cetiyaṅgaṇaṃ disvā anto appavisitvā dvāreyeva ṭhatvā eko thero aṭṭha kappe anussari, eko soḷasa, eko vīsati, eko tiṃsa kappe anussari.

Devatā attamanā hontīti ettha idaṃ vatthu – ekasmim̄ kira vihāre eko bhikkhu cetiyaṅgaṇaṃ bodhiyaṅgaṇaṃ sammajjitvā nahāyituṃ gato. Devatā “imassa vihārassa katakālato paṭṭhāya evaṃ vattaṃ pūretvā sammaṭṭhapubbo bhikkhu natthi”ti pasannacittā pupphahatthā aṭṭhaṃsu. Thero āgantvā “kataragāmaṃvāsikāṭṭhā”ti āha. “Bhante, idheva vasāma, imassa vihārassa katakālato paṭṭhāya evaṃ vattaṃ pūretvā sammaṭṭhapubbo bhikkhu natthīti tumhākaṃ, bhante, vatte pasīditvā pupphahatthā ṭhitāmhā”ti devatā āhaṃsu.

Pāsādikasaṃvattanikanti ettha idaṃ vatthu – ekaṃ kira amaccaputtaṃ abhayattheraṅgaṇaṃ ārabha ayaṃ kathā udapādi “kiṃ nu kho amaccaputto pāsādikō, abhayattheroti ubhopi ne ekasmim̄ ṭhāne olokessāmā”ti. Nātakā amaccaputtaṃ alaṅkaritvā mahācetiyaṃ vandāpessāmāti agamaṃsu. Theramātāpi pāsādikaṃ cīvaraṃ kāretvā puttassa paṇi, “putto me kese chindāpetvā imaṃ cīvaraṃ pārupitvā bhikkhusaṅghaparivuto mahācetiyaṃ vandatū”ti. Amaccaputto ñātiparivuto pācīnadvārena cetiyaṅgaṇaṃ āruḷho, abhayatthero bhikkhusaṅghaparivuto dakkhiṇadvārena cetiyaṅgaṇaṃ āruhitvā

cetiyaṅgaṇe tena saddhiṃ samāgantvā āha – “kiṃ tvam, āvuso, mahallakattherassa sammatṭhatṭhāne kacavaram chaḍḍetvā mayā saddhiṃ yugaggāhaṃ gaṇhāsī”ti. Atītattabhāve kira abhayatthero mahallakatthero nāma hutvā gocaragāme cetiyaṅgaṇaṃ sammajji, amaccaputto mahāupāsako hutvā sammatṭhatṭhāne kacavaram gaḍḍetvā chaḍḍesi.

Satthusāsanaṃ kataṃ hotīti idam sammajjanavattaṃ nāma buddhehi vaṇṇitaṃ, tasmā taṃ karontena satthusāsanaṃ kataṃ hoti. Tatridaṃ vatthu – āyasmā kira **sāriputto** himavantaṃ gantvā ekasmiṃ pabbhāre asammajjitvāva nirodhaṃ samāpajjitvā nisīdi. Bhagavā āvajjanto therassa asammajjitvā nisinnabhāvaṃ ñatvā ākāseṇa gantvā therassa purato asammattṭhatṭhāne pādāni dassetvā paccāgañchi. Thero samāpattito vuṭṭhito bhagavato pādāni disvā balavahirottappaṃ paccupattṭhāpetvā jaṇṇukehi patitṭhāya “asammajjitvā nisinnabhāvaṃ vata me sathā aññāsi, saṅghamajjhe dāni codanaṃ kāressāmī”ti dasabalassa santikaṃ gantvā vanditvā nisīdi. Bhagavā “kuhiṃ gatosi, sāriputtā”ti vatvā “na patirūpaṃ dāni te mayhaṃ anantare ṭhāne ṭhatvā vicarantassa asammajjitvā nisīditu”nti āha. Tato patṭhāya thero gaṇṭhikaṭṭhānānāni tiṭṭhanto pādēna kacavaram viyūhitvāva tiṭṭhati.

Attano bhāsapariyantaṃ na uggaṇhātīti “imasmiṃ vatthusmiṃ ettakaṃ suttaṃ upalabbhati, ettako vinicchayo, ettakaṃ suttañca vinicchayañca vakkhāmī”ti evaṃ attano bhāsapariyantaṃ na uggaṇhātīti. “Ayaṃ codakassa purimakathā, ayaṃ pacchimakathā, ayaṃ cuditakassa purimakathā, ayaṃ pacchimakathā, ettakaṃ gayhūpagaṃ, ettakaṃ na gayhūpaga”nti evaṃ anuggaṇhanto pana **parassa bhāsapariyantaṃ na uggaṇhātīti** nāma. **Āpattiṃ na jānātīti** pārājikaṃ vā saṅghādisesaṃ vāti sattannaṃ āpattikkhandhānaṃ nānākaraṇaṃ na jānāti. **Mūlanti** dve āpattiyā mūlāni kāyo ca vācā ca, tāni na jānāti. **Samudayanti** cha āpattisamuṭṭhānāni āpattisamudayo nāma, tāni na jānāti. Pārājikādīnaṃ vatthūnaṃ na jānātīti vuttaṃ hoti. **Nirodhanti** ayaṃ āpattiṃ desanāya nirujjhati, vūpasammati, ayaṃ vuṭṭhānenāti evaṃ āpattinirodhaṃ na jānāti. Satta samathe ajānanto pana **āpattinirodhagāminipaṭipadaṃ** na jānāti.

Adhikaraṇapañcake **adhikaraṇaṃ** nāma cattāri adhikaraṇāni. **Adhikaraṇassa mūlaṃ** nāma tettiṃsa mūlāni – vivādādhikaraṇassa dvādasa mūlāni, anuvādādhikaraṇassa cuddasa, āpattādhikaraṇassa cha, kiccādhikaraṇassa ekaṃ; tāni parato āvi bhavissanti. **Adhikaraṇasamudayo** nāma adhikaraṇasamuṭṭhānaṃ. Vivādādhikaraṇaṃ atṭhārasa bhedakaravattūni nissāya uppajjati; anuvādādhikaraṇaṃ catasso vipattiyo; āpattādhikaraṇaṃ sattāpattikkhandhe; kiccādhikaraṇaṃ cattāri saṅghakiccānīti imaṃ vibhāgaṃ na jānātīti attho. **Adhikaraṇanirodhaṃ na jānātīti** dhammena vinayena satthusāsanaṃ mūlāmūlaṃ gantvā vinicchayasamathaṃ pāpetuṃ na sakkoti; “idaṃ adhikaraṇaṃ dvīhi, idaṃ catūhi, idaṃ tīhi idaṃ ekena samathena sammatī”ti evaṃ satta samathe ajānanto pana **adhikaraṇanirodhagāminipaṭipadaṃ** na jānāti nāma. **Vatthūnaṃ na jānātīti** “idaṃ pārājikassa vatthu, idaṃ saṅghādisesassa”ti evaṃ sattannaṃ āpattikkhandhānaṃ vatthūnaṃ na jānāti. **Nidānanti** “sattannaṃ nidānānaṃ idaṃ sikkhāpadaṃ ettha paññattaṃ, idaṃ etthā”ti na jānāti. **Paññattiṃ na jānātīti** tasmim tasmim sikkhāpade paṭhamapaññattiṃ na jānāti. **Anupaññattinti** punappunaṃ paññattiṃ na jānāti. **Anusandhivacanapathanti** kathānusandhi-vinicchayaṇusandhivasena vatthūnaṃ na jānāti. **Ñattiṃ na jānātīti** sabbena sabbam ñattiṃ na jānāti. **Ñattiyā karaṇaṃ na jānātīti** ñattikiccaṃ na jānāti, osāraṇādīsū navasū ṭhānesū ñattikammaṃ nāma hoti, ñattidutiyañatticatutthakammesū ñattiyā kammappatto hutvā tiṭṭhatīti na jānāti. **Na pubbakusalo hoti na aparakusaloti** pubbe kathetabbañca pacchā kathetabbañca na jānāti, ñatti nāma pubbe ṭhapetabbā, pacchā na ṭhapetabbātipi na jānāti. **Akālaññū ca hotīti** kālaṃ na jānāti, anajjhittṭho ayācito bhāsati, ñattikālampi ñattikhettampi ñattiokāsampi na jānāti.

Mandattā momūhattāti kevalaṃ aññāṇena momūhabhāvena dhutaṅge ānisaṃsaṃ ajānitvā. **Pāpicchoti** tena araṇṇāvāsena paccayaḷābhaṃ patthayamāno. **Pavivekanti** kāyacittaupadhivivekaṃ. **Idamatthitanti** imāya kalyāṇāya paṭipattiyā attho etassāti idamatthi, idamatthino bhāvo idamatthitā; taṃ idamatthitaṃyeva nissāya na aññāṃ kiñci lokāmisanti attho.

Uposatham na jānātīti navavidhaṃ uposathaṃ na jānāti. **Uposathakammanti** adhammenavaggādibhedam catubbidham uposathakammaṃ na jānāti. **Pātimokkhanti** dve mātikā na jānāti. **Pātimokkhuddesanti** sabbampi navavidham pātimokkhuddesaṃ na jānāti. **Pavāraṇanti** navavidham pavāraṇam na jānāti. Pavāraṇākammaṃ uposathakammasadisameva.

Apāsādikapañcake – **apāsādikanti** kāyaduccarītādi akusalakammaṃ vuccati. **Pāsādikanti** kāyasucarītādi kusalakammaṃ vuccati. **Ativelanti** velaṃ atikkamma bahutaram kālam kulesu appam vihāreti attho. **Otāroti** kilesānaṃ anto otaraṇam. **Samkiliṭṭhanti** duṭṭhullāpattikāyasamsaggādibhedam. **Visuddhipañcake** pavāraṇāggahaṇena navavidhāpi pavāraṇā veditabbā. Sesam sabbattha uttānamevāti.

Pañcakavāraṇaṇā niṭṭhitā.

Chakkavāraṇaṇā

326. Chakkesu – **cha sāmīciyoti** “so ca bhikkhu anabbhito, te ca bhikkhū gārayhā, ayam tattha sāmīci”, “yuñjantāyasmanto sakaṃ, mā vo sakaṃ vinassāti ayam tattha sāmīci”, “ayam te bhikkhu patto yāva bhedanāya dhāretabboti ayam tattha sāmīci”, “tato nīharitvā bhikkhūhi saddhiṃ samvibhajitabbaṃ, ayam tattha sāmīci”, “aññātabbam paripucchitabbaṃ paripañhitabbaṃ, ayam tattha sāmīci”, “yassa bhavissati so harissatīti ayam tattha sāmīci”ti imā bhikkhupātimokkheveva **cha sāmīciyo**. **Cha chedanakāti** pañcake vuttā pañca bhikkhunīnaṃ udakasātikāya saddhiṃ cha. **Chahākārehīti** alajjitā aññānatā kukkucapakatātā akappiye kappiyasaññitā kappiye akappiyasaññitā satisammosāti. Tattha ekarattachārattasattāhātikkamādīsu āpattiṃ satisammosena āpajjati. Sesam vuttanayameva. **Cha ānisamsā vinayadhareti** pañcake vuttā pañca tassādheyyo uposathoti iminā saddhiṃ cha.

Cha paramānīti “dasāhaparamaṃ atirekacīvaraṃ dhāretabbaṃ, māsaparamaṃ tena bhikkhunā taṃ cīvaraṃ nikkhipitabbaṃ, santaruttaraparamaṃ tena bhikkhunā tato cīvaraṃ sādītābbaṃ, chakkhattuparamaṃ tuṅhībhūtena uddissa ṭhātābbaṃ, navam pana bhikkhunā santhatam kārapetvā chabbassāni dhāretabbaṃ chabbassaparamatā dhāretabbaṃ, tiyojanaparamaṃ sahatthā dhāretabbāni, dasāhaparamaṃ atirekapatto dhāretabbo, sattāhaparamaṃ sannidhikāraṃ paribhuñjitabbāni, chārattaparamaṃ tena bhikkhunā tena cīvarena vippavasitabbaṃ, catukkaṃsaparamaṃ, aḍḍhateyyakaṃsaparamaṃ, dvaṅgulapabbaparamaṃ ādātābbaṃ, aṭṭhaṅgulaparamaṃ mañcapaṭipādakaṃ, aṭṭhaṅgulaparamaṃ dantakaṭṭha’nti imāni **cuddasa paramāni**. Tattha paṭhamāni cha ekaṃ chakkaṃ, tato ekaṃ apanetvā sesesu ekekaṃ pakkhipitvātiadinā nayena aññānīpi chakkāni kātābāni.

Cha āpattiyoti tīni chakkāni antarapeyyāle vuttāni. **Cha kammānīti** tajjanīya-niyassa-pabbājanīya-paṭisāraṇīyāni cattāri, āpattiyā adassane ca appaṭikamme ca vuttadvayampi ekaṃ, pāpikāya diṭṭhiyā appaṭinissagge ekanti cha. **Nahāneti** orenāḍḍhamāsaṃ nahāne; vippakatacīvarādicchakkadvayam kathinakkhandhake niddiṭṭham. Sesam sabbattha uttānamevāti.

Chakkavāraṇaṇā niṭṭhitā.

Sattakavāraṇaṇā

327. Sattakesu – **satta sāmīciyoti** pubbe vuttasu chasu “sā ca bhikkhunī anabbhitā, tā ca bhikkhuniyo gārayhā, ayam tattha sāmīci”ti imaṃ pakkhipitvā satta veditabbā. **Satta adhammikā paṭiññātakaraṇāti** “bhikkhu pārājikaṃ ajjhāpanno hoti, pārājikena codiyamāno ‘saṅghādisesaṃ ajjhāpannomhī’ti paṭijānāti, taṃ saṅgho saṅghādisesena kāreti, adhammikaṃ paṭiññātakaraṇa’nti evam samathakkhandhake niddiṭṭhā. Dhammikāpi tattheva niddiṭṭhā. **Sattannaṃ anāpatti** **sattāhakarāṇīyena gantuntī** vassūpanāyikakkhandhake vuttaṃ. **Sattānisamsā vinayadhareti**

“tassādheyyo uposatho pavāraṇā”ti imehi saddhiṃ pañcake vuttā pañca satta honti. **Satta paramānīti** chakke vuttāniyeva sattakavasena yojetabbāni. **Katacīvarantiādīni** dve sattakāni kathinakkhandhake niddiṭṭhāni.

Bhikkhussa na hoti āpatti daṭṭhabbā, bhikkhussa hoti āpatti daṭṭhabbā, bhikkhussa hoti āpatti paṭikātabbāti imāni tīni sattakāni, dve adhammikāni, ekaṃ dhammikam; tāni tīnīpi campeyyake niddiṭṭhāni. **Asaddhammāti** asataṃ dhammā, asanto vā dhammā; asobhanā hīnā lāmakāti attho. **Saddhammāti** sataṃ buddhādīnaṃ dhammā; santo vā dhammā sundarā uttamāti attho. Sesam sabbattha uttānamevāti.

Sattakavāraṇṇanā niṭṭhitā.

Aṭṭhakavāraṇṇanā

328. Aṭṭhakesu – aṭṭhānisamseti “na mayaṃ iminā bhikkhunā saddhiṃ uposathaṃ karissāma, vinā iminā bhikkhunā uposathaṃ karissāma, na mayaṃ iminā bhikkhunā saddhiṃ pavāressāma, saṅghakammaṃ karissāma, āsane nisīdissāma, yāgupāne nisīdissāma, bhattagge nisīdissāma, ekacchanne vasissāma, yathāvuḍḍhaṃ abhivādanam paccuṭṭhānaṃ añjalikammaṃ sāmīcikammaṃ karissāma, vinā iminā bhikkhunā karissāmā”ti evaṃ kosambakakkhandhake vutte ānisamse. Dutiyaaṭṭhakepi eseva nayo, tampi hi evameva kosambakakkhandhake vuttaṃ.

Aṭṭha yāvatatiyakāti bhikkhūnaṃ terasake cattāro, bhikkhūnaṃ sattarasake bhikkhūhi asādhāraṇā cattāroti aṭṭha. **Aṭṭhahākārehi kulāni dūsetīti** kulāni dūseti pupphena vā phalena vā cuṇṇena vā mattikāya vā dantakaṭṭhena vā veḷuyā vā vejjikāya vā jaṅghapesanikena vāti imehi aṭṭhahi. **Aṭṭha mātikā** cīvarakkhandhake, aparā aṭṭha kathinakkhandhake vuttā. **Aṭṭhahi asaddhammehīti** lābhena alābhena yasena ayasena sakkārena asakkārena pāpicchatāya pāpamittatāya. **Aṭṭha lokadhammā** nāma lābhe sārāgo, alābhe paṭivirodho; evaṃ yase ayase, pasamsāya nindāya, sukhe sārāgo, dukkhe paṭivirodhoti. **Aṭṭhaṅgiko musāvādoti** “vinidhāya sañña”nti iminā saddhiṃ paḷiyam āgatehi sattahīti aṭṭhahi aṅgehi aṭṭhaṅgiko.

Aṭṭha uposathaṅgānīti –

“Pāṇam na hane na cādinamādiye,
Musā na bhāse na ca majjapo siyā;
Abrahmacariyā virameyya methunā,
Rattiṃ na bhuñjeyya vikālabhojanam.

“Mālam na dhāre na ca gandhamācare,
Mañce chamāyamva sayetha santhate;
Etañhi aṭṭhaṅgikamāhuposatham,
Buddhena dukkhantagunā pakāsita”nti. (a. ni. 3.71);

Evaṃ vuttāni aṭṭha. **Aṭṭha dūteyyaṅgānīti** “idha, bhikkhave, bhikkhu sotā ca hoti sāveta cā”tiādīnā nayena saṅghabhedake vuttāni. **Titthiyavattāni** mahākhandhake niddiṭṭhāni. **Anatirittā** ca **atirittā** ca pavāraṇāsikkhāpade niddiṭṭhā. **Aṭṭhannaṃ paccuṭṭhātabbanti** bhattagge vuḍḍhabhikkhūnaṃ, āsanampi tāsamyeva dātabbam. **Upāsikāti** visākhā. **Aṭṭhānisamsā vinayadhareti** pañcake vuttasu pañcasu “tassādheyyo uposatho, pavāraṇā, saṅghakamma”nti ime tayo pakkhipitvā aṭṭha veditabbā. **Aṭṭha paramānīti** pubbe vuttaparamāneva aṭṭhakavasena yojetvā veditabbāni. **Aṭṭhasu dhammesu sammā vattitabbanti** “na pakatattassa bhikkhuno uposatho ṭhapetabbo, na pavāraṇā ṭhapetabbā”tiādīnā nayena samathakkhandhake niddiṭṭhesu aṭṭhasu. Sesam sabbattha uttānamevāti.

Atthakavāraṇṇanā niṭṭhitā.

Navakavāraṇṇanā

329. Navakesu – **nava āghātavattūnī** “anattamaṃ me acari” tiādīni nava. **Nava āghātapaṭivīnāyā** “anattamaṃ me acari, taṃ kutettha labbhāti āghātaṃ paṭivīnēti” tiādīni nava. **Nava vinītavattūnī** navahi āghātavattūhi ārati virati paṭivirati setughāto. **Navahi saṅgho bhijjati** “navannaṃ vā, upāli, atirekanavannaṃ vā saṅgharāji ceva hoti saṅghabhedo cā” ti. **Nava paramānī** pubbe vuttaparamāneva navakavasena yojetvā veditabbāni. **Nava taṇhāmūlakā** nāma taṇhaṃ paṭicca pariyesanā, pariyesanaṃ paṭicca lābho, lābhaṃ paṭicca vinicchayo, vinicchayaṃ paṭicca chandarāgo, chandarāgaṃ paṭicca ajjhosaṇaṃ, ajjhosaṇaṃ paṭicca pariggaho, pariggahaṃ paṭicca macchariyaṃ, macchariyaṃ paṭicca ārakkhā, ārakkhādhikaraṇaṃ daṇḍādānasattādānakalahaviggahavivādaturvampesunñāmusāvādā. **Nava vidhamānā** “seyyassa seyyohamasmi” timānādayo. **Nava cīvarānī** ticīvaranti vā vassikasāṭikāti vātiādīnā nayena vuttāni. **Na vikappetabbānī** adhiṭṭhitakālato paṭṭhāya na vikappetabbāni. **Nava adhammikāni dānānī** saṅghassa pariṇataṃ aññasāṅghassa vā cetiyassa vā puggalassa vā pariṇāmeti, cetiyassa pariṇataṃ aññacetiyassa vā saṅghassa vā puggalassa vā pariṇāmeti, puggalassa pariṇataṃ aññapuggalassa vā saṅghassa vā cetiyassa vā pariṇāmetīti evaṃ vuttāni.

Nava paṭiggahaparibhogā etesaṃyeva dānānaṃ paṭiggahā ca paribhogā ca. **Tīṇi dhammikāni dānānī** saṅghassa ninnamaṃ saṅghasseva deti, cetiyassa ninnamaṃ cetiyasseva, puggalassa ninnamaṃ puggalasseva detīti imāni tīṇi. Paṭiggahapaṭibhogāpi tesamaṃyeva paṭiggahā ca paribhogā ca. **Nava adhammikā saññattiyoti** adhammavādi puggalo, adhammavādisambahulā, adhammavādisaṅghoti evaṃ tīṇi tikāni samathakkhandhake niddiṭṭhāni. **Dhammikā saññattiyopi** dhammavādī puggalotiādīnā nayena tattheva niddiṭṭhā. **Adhammakamme dve navakāni** ovādavaggassa paṭhamasikkhāpadaniddese pācittiyavasena vuttāni. **Dhammakamme dve navakāni** tattheva dukkaṭavasena vuttāni. Sesamaṃ sabbattha uttānamevāti.

Navakavāraṇṇanā niṭṭhitā.

Dasakavāraṇṇanā

330. Dasakesu – **dasa āghātavattūnī** navakesu vuttāni nava “atthāne vā pana āghāto jāyati” ti iminā saddhiṃ dasa honti. **Āghātapaṭivīnāyā**pi tattha vuttā nava “atthāne vā pana āghāto jāyati, taṃ kutettha labbhāti āghātaṃ paṭivīnēti” ti iminā saddhiṃ dasa veditabbā. **Dasa vinītavattūnī** dasahi āghātavattūhi viratisaṅkhātāni dasa. **Dasavattukā micchādiṭṭhī** “natthi dinna” ntiādivasena veditabbā, “atthi dinna” ntiādivasena **sammādiṭṭhi**, “sassato loko” tiādīnā vasena pana **antaggāhikā diṭṭhi** veditabbā. **Dasa micchattā**ti micchādiṭṭhiādayo micchāvimuttipariyosānā, viparītā **sammattā**. **Salākaggāhā** samathakkhandhake niddiṭṭhā.

Dasahaṅgehi samannāgato bhikkhu ubbāhikāya sammannitabboti “sīlavā hoti” tiādīnā nayena samathakkhandhake vuttehi dasahi. **Dasa ādinavā rājantepurappavesane** rājasikkhāpade niddiṭṭhā. **Dasa dānavattūnī** annamaṃ pānaṃ vatthaṃ yānaṃ mālā gandhaṃ vilepanamaṃ seyyāvasathaṃ padīpeyyamaṃ. **Dasa ratanānī**ti muttāmaṇiveḷuriyādīni. **Dasa paṃsukūlānī**ti sosānikaṃ, pāpaṇikaṃ, undūrakkhāyitaṃ, upacikakkhāyitaṃ, aggidaḍḍhaṃ, gokkhāyitaṃ, ajjikakkhāyitaṃ, thūpacīvaraṃ, ābhisekiyaṃ, bhatapaṭiyābhatanti etesu upasampannaena ussukkaṃ kātappaṃ. **Dasa cīvaradhāraṇā**ti “sabbanīlakāni cīvarāni dhārenti” ti vuttavasena dasāti kurundiyaṃ vuttaṃ. Mahāatthakathāyaṃ pana “navasu kappiyacīvaresu udakasāṭikaṃ vā saṅkaccikaṃ vā pakkhipitvā dasā” ti vuttaṃ.

Avandanīyapuggalā senāsanakkhandhake niddiṭṭhā. **Dasa akkosavattūni** omasavāde niddiṭṭhāni. **Dasa ākāra** pesuññasikkhāpade niddiṭṭhā. **Dasa senāsanānī**ti mañco, pīṭhaṃ, bhisi, bimbohanaṃ,

cimilikā, uttarattharaṇaṃ, taṭṭikā, cammakhaṇḍo, nisīdanaṃ, tiṇasanthāro, paṇṇasanthāroti. **Dasa varāni yācimsūti** visākhā aṭṭha, suddhodanamahārājā ekaṃ, jīvako ekaṃ. **Yāguānisamsā ca akappiyamamsāni** ca bhesajjakkhandhake niddiṭṭhāni. Sesam sabbattha uttānamevāti.

Dasakavāraṇṇanā niṭṭhitā.

Ekādasakavāraṇṇanā

331. Ekādasakesu – **ekādasāti** paṇḍakādayo ekādasā. **Ekādasā pādukāti** dasa ratanamayā, ekā kaṭṭhapādukā. Tiṇapādukamuñjapādukapabbajapādukādayo pana kaṭṭhapādukasaṅgahameva gacchanti. **Ekādasā pattāti** tambalohamayena vā dārumayena vā saddhiṃ dasa ratanamayā. **Ekādasā cīvarānīti** sabbanīlakādīni ekādasā. **Yāvataṭṭiyakāti** ukkhittānuvattikā bhikkhunī, saṅghādisesā aṭṭha, ariṭṭho, caṇḍakālīti. **Ekādasā antarāyikā** nāma “nasi animittā”ti ādayo. **Ekādasā cīvarāni adhiṭṭhātabbānīti** ticīvaraṃ, vassikasāṭikā, nisīdanaṃ, paccattharaṇaṃ, kaṇḍuppaṭicchādi, mukhapuñchanacoḷaṃ, parikkhāraṇaṃ, udakasāṭikā, saṅkaccikāti. **Na vikappetabbānīti** etāneva adhiṭṭhitakālato paṭṭhāya na vikappetabbāni. **Gaṇṭhikā** ca **vidhā** ca suttamayena saddhiṃ ekādasā honti, te sabbe khuddakakkhandhake niddiṭṭhā. **Pathaviyo** pathavisikkhāpade niddiṭṭhā. **Nissayapaṭipassaddhiyo** upajjhāyamaṃ pañca, ācariyamaṃ cha; evaṃ ekādasā. **Avandiyapuggalā** naggena saddhiṃ ekādasā, te sabbe senāsanakkhandhake niddiṭṭhā. **Ekādasā paramāni** pubbe vuttesu cuddasasu ekādasakavasena yojetvā vedittabbāni. **Ekādasā varānīti** mahāpajāpatiyā yācītavarena saddhiṃ pubbe vuttāni dasa. **Ekādasā sīmādosāti** “atikhuddakaṃ sīmaṃ sammannantī”tiādīnā nayena kammavagge āgamissanti.

Akkosakaparibhāsake puggale ekādasādīnavā nāma “yo so, bhikkhave, bhikkhu akkosako paribhāsako ariyūpavādī, sabrahmacārīnaṃ aṭṭhānametaṃ anavakāso yaṃ so ekādasannaṃ byasanānaṃ aññataraṃ byasanaṃ na nigaccheyya. Katamesaṃ ekādasannaṃ? Anadhigataṃ nādhigacchati, adhigatā parihāyati, saddhammassa na vodāyanti, saddhammesu vā adhimāniko hoti, anabhirato vā brahmacariyaṃ carati, aññataraṃ vā saṃkiliṭṭhaṃ āpattiṃ āpajjati, sikkhaṃ vā paccakkhāya hīnāyāvattati, gālhaṃ vā rogātānkaṃ phusati, ummādaṃ vā pāpuṇāti cittaṃkhepaṃ vā, sammūlho kālaṃ karoti, kāyassa bhedaṃ parammaraṇā apāyaṃ duggatiṃ vinipātaṃ nirayaṃ upapajjati”ti (a. ni. 11.6). Ettha ca **saddhammoti** buddhavacanaṃ adhipetaṃ.

Āsevitāyāti ādito paṭṭhāya sevītāya. **Bhāvitāyāti** nipphādītāya vaḍḍhitāya

Vā. **Bahulikatāyāti** punappunaṃ katāya. **Yānikatāyāti** suyuttayānasadisāya katāya. **Vatthukatāyāti** yathā patiṭṭhā hoti; evaṃ katāya. **Anuṭṭhitāyāti** anu anu pavattitāya; niccādhiṭṭhitāyāti attho. **Paricitāyāti** samantato citāya; sabbadisāsu citāya ācitāya bhāvitāya abhivaḍḍhitāyāti attho. **Susamāradhāyāti** suṭṭhu samāradhāya; vasībhāvaṃ upanītāyāti attho. **Na pāpakaṃ supinanti** pāpakameva na passati, bhadrakaṃ pana vuḍḍhikāraṇabhūtaṃ passati. **Devatā rakkhantīti** ārakkhadevatā dhammikaṃ rakkhaṃ paccupaṭṭhāpentī. **Tuvaṭṭaṃ cittaṃ samādhīyatīti** khippaṃ cittaṃ samādhīyati. **Uttari appaṭivijjhantoti** mettājāhānato uttariṃ arahattaṃ asacchikaronto sekho vā puthujjano vā hutvā kālaṃ karonto brahmalokūpago hoti. Sesam sabbattha uttānamevāti.

Ekādasakavāraṇṇanā pariyosānā

Ekuttarikaṇṇanā niṭṭhitā.

Uposathādipucchāvissajjanā

332. “Uposathakammaṃ ko ādī”tiādīnaṃ pucchānaṃ vissajjane **sāmaggī ādīti** “uposathaṃ karissāma”ti sīmaṃ sodhetvā chandapārisuddhiṃ āharitvā sannipatitānaṃ kāyasāmaggī ādi. **Kiriya**

majjheti pubbakiccaṃ katvā pātimokkhaosāraṇakiriyā majjhe. **Niṭṭhānaṃ pariyosānanti** “tattha sabbeveva samaggehi sammodamānehi avivadamānehi sikkhitabba”nti idaṃ pātimokkhanīṭṭhānaṃ pariyosānaṃ. **Pavāraṇākamma** **sāmaggī ādīti** “pavāraṇaṃ karissāmā”ti sīmaṃ sodhetvā chandapavāraṇaṃ āharitvā sannipatitānaṃ kāyasāmaggī ādi. **Kiriyā majjheti** pavāraṇāñatti ca pavāraṇākathā ca majjhe, saṅghanavakassa “passanto paṭikarissāmī”ti vacanaṃ pariyosānaṃ. Tajjanīyakammādīsu **vatthu** nāma yena vatthunā kammāraho hoti, taṃ vatthu. **Puggaloti** yena taṃ vatthu kataṃ, so puggalo. **Kammavācā pariyosānanti** “kataṃ saṅghena itthannāmassa bhikkhuno tajjanīyakammaṃ, khamati saṅghassa, tasmā tuṅhī, evametam dhārayāmī”ti evaṃ tassā tassā kammavācāya avasānavacanaṃ pariyosānaṃ. Sesam sabbattha uttānamevāti

Uposathādipucchāvissajjanāvaṇṇanā niṭṭhitā.

Atthavasapakaraṇāvaṇṇanā

334. Atthavasapakaraṇe – **dasa atthavaseti**ādīsu yaṃ vattabbaṃ taṃ paṭhamapārājikavaṇṇanāyameva vuttaṃ. **Yaṃ saṅhasuṭṭhu taṃ saṅghaphāsūti**ādīsu uparimaṃ uparimaṃ padaṃ heṭṭhimassa heṭṭhimassa padassa attho.

Atthasataṃ dhammasatantiādīmhi pana yadetam dasasu padesu ekekaṃ mūlaṃ katvā dasakkhattuṃ yojanāya padasataṃ vuttaṃ. Tattha pacchimassa pacchimassa padassa vasena atthasataṃ purimassa purimassa vasena dhammasataṃ vedītabbaṃ. Atha vā ye dasa atthavase paṭicca tathāgatena sāvakanāṃ sikkhāpadaṃ paññattaṃ, ye pubbe paṭhamapārājikavaṇṇanāyaṃ “tattha saṅhasuṭṭhutā nāma saṅghassa suṭṭhubhāvo ‘suṭṭhu devā’ti āgataṭṭhāne viya ‘suṭṭhu bhante’ti vacanasampaṭicchana bhāvo, yo ca tathāgatassa vacanaṃ sampāṭicchati, tassa taṃ dīgharattaṃ hitāya sukhāya hoti, tasmā saṅghassa ‘suṭṭhu bhante’ti mama vacanasampaṭicchana tathaṃ paññāpessāmi asampaṭicchane ādīnaṃ sampāṭicchane ca ānisaṃsaṃ dassetvā na balakkārena abhibhavitvāti etamatthaṃ āvikaronto āha – saṅhasuṭṭhutāyā”ti evamādinā nayena vaṇṇitā, tesam idha dasakkhattuṃ āgatattā atthasataṃ tadatthajotakānañca padānaṃ vasena dhammasataṃ vedītabbaṃ. Idāni atthajotakānaṃ niruttīnaṃ vasena niruttisataṃ, dhammabhūtānaṃ niruttīnaṃ vasena niruttisatanti dve niruttisatāni, atthasate ñāṇasataṃ, dhammasate ñāṇasataṃ, dvīsu niruttisatesu dve ñāṇasatānī cattāri ñāṇasatāni ca vedītabbāni.

“Atthasataṃ dhammasataṃ, dve niruttisatāni;
Cattāri ñāṇasatāni, atthavase pakaraṇe”ti.

Iti hi yaṃ vuttaṃ, idametam paṭicca vuttanti.

Iti samantapāsādikāya vinayasaṃvaṇṇanāya

Mahāvaggavaṇṇanā niṭṭhitā.

Paṭhamagāthāsāṅgaṇikaṃ

Sattanagaresu paññattasikkhāpadavaṇṇanā

335. **Ekamsam cīvaraṃ katvāti** ekasmiṃ aṃsakūṭe cīvaraṃ katvā; sādhukaṃ uttarāsāṅgaṃ katvāti attho. **Paggaṇhitvāna añjalinti** dasanakhasamodhānasamujjalaṃ añjalim ukkhipitvā. **Āsīsamānarūpo vāti** paccāsīsamānarūpo viya. **Kissa tvaṃ idha māgatoti** kena kāraṇena kimatthaṃ patthayamāno tvaṃ idha āgato. Ko evamāha? Sammāsambuddho. Kaṃ evamāha? Āyasmantaṃ upāliṃ. Iti āyasmā upāli bhagavantaṃ upasaṅkamtivā “dvīsu vinayesu”ti imaṃ gāthaṃ pucchi. Athassa

bhagavā “bhaddako te ummaṅgo”tiādīni vatvā taṃ vissajjesi. Esa nayo sabbattha. Iti ime sabbapañhe buddhakāle upālitthero pucchi. Bhagavā byākāsi. Saṅgītikāle pana mahākassapattthero pucchi. Upālitthero byākāsi.

Tattha **bhaddako te ummaṅgoti** bhaddakā te pañhā; pañhā hi avijjandhakārato ummujjitvā t̥hitattā “ummaṅgo”ti vuccati. **Tagghāti** kāraṇatthe nipāto. Yasmā maṃ pucchasi, tasmā te ahamakkhissanti attho. Sampaṭicchanaṭthe vā, “tagghā”ti hi iminā vacanaṃ sampaṭicchitvā akkhissanti āha. “Samādahitvā visibbenti, sāmisenā, sasitthaka”nti imāni tīṇiyeva sikkhāpadāni bhaggesu paññattāni.

Catuvipattivaṇṇanā

336. Yaṃ taṃ pucchimhāti yaṃ tvaṃ apucchimhā. **Akittayīti** abhāsi. **Noti** amhākaṃ. **Taṃ taṃ byākatanti** yaṃ yaṃ puṭṭhaṃ, taṃ tadeva byākataṃ. **Anaññathāti** aññathā akatvā byākataṃ.

Ye duṭṭhullā sā sīlavipattīti ettha kiñcāpi sīlavipattī nāma pañhe natthi, atha kho duṭṭhullaṃ vissajjetukāmatāyetaṃ vuttaṃ. Catūsu hi vipattīsu duṭṭhullaṃ ekāya vipattiyā saṅgahitaṃ, aduṭṭhullaṃ tīhi vipattīhi saṅgahitaṃ. Tasmā “ye duṭṭhullā sā sīlavipattī”ti vatvā tameva vitthārato dassetuṃ “pārājikaṃ saṅghādiseso sīlavipattīti vuccatī”ti āha.

Idāni tissannaṃ vipattīnaṃ vasena aduṭṭhullaṃ dassetuṃ “thullaccaya”ntiādīmāha. Tattha **yo cāyaṃ, akkosati hasādhippāyoti** idaṃ dubbhāsitaṃ vatthudassanaṭthaṃ vuttaṃ.

Abbhācikkhantīti “tathāhaṃ bhagavatā dhammaṃ desitaṃ ājānāmī”ti vadantā abbhācikkhanti.

Ayaṃ sā ājīvavipattisammatāti ayaṃ chahi sikkhāpadehi saṅgahitā ājīvavipattī nāma catutthā vipattī sammatāti ettāvata “aduṭṭhulla”nti idaṃ vissajjitaṃ hoti.

Idāni “ye ca yāvataṭiyakā”ti pañhaṃ vissajjetuṃ “ekādasā”tiādīmāha.

Chedanakādivaṇṇanā

337. Yasmā pana “ye ca yāvataṭiyakā”ti ayaṃ pañho “ekādasā yāvataṭiyakā”ti evaṃ saṅkhāvasena vissajjito, tasmā saṅkhānusandhivaseneva “**kati chedanakāni**”tiādike aññe antarāpañhe pucchi. Tesāṃ vissajjanaṭthaṃ “**cha chedanakāni**”tiādi vuttaṃ. Tattha “ekāṃ bhedanakaṃ, ekāṃ uddālanakaṃ, sodasa jānanti paññattā”ti idameva apubbaṃ. Sesāṃ mahāvagge vibhattameva. Yaṃ panetaṃ apubbaṃ tattha **ekāṃ bhedanakanti** sūciharaṃ. **Ekāṃ uddālanakanti** tūlonaddhamañcapīṭhaṃ. **Sodasāti** soḷasa. **Jānanti paññattāti** “jāna”nti evaṃ vatvā paññattā, te evaṃ veditabbā – “jānaṃ saṅghikaṃ lābhaṃ pariṇataṃ attano pariṇāmeyya, jānaṃ pubbupagataṃ bhikkhuṃ anupakhajja nisajjaṃ kappeyya, jānaṃ sappānakaṃ udakaṃ tiṇaṃ vā mattikaṃ vā siñceyya vā siñcāpeyya vā, jānaṃ bhikkhuniparipācitaṃ piṇḍapātaṃ bhuñjeyya, jānaṃ āsādanāpekkho bhuttasmiṃ pācittiyaṃ, jānaṃ sappānakaṃ udakaṃ paribhuñjeyya, jānaṃ yathādhammaṃ niṭatādhipparaṇaṃ, jānaṃ duṭṭhullaṃ āpattiṃ paṭicchādeyya, jānaṃ unavāsativassaṃ puggalaṃ upasampādeyya, jānaṃ theyyasatthena saddhiṃ, jānaṃ tathāvādinā bhikkhunā akatānudhammena, jānaṃ tathānāsitaṃ samaṇuddesaṃ, jānaṃ saṅghikaṃ lābhaṃ pariṇataṃ puggalassa pariṇāmeyya, jānaṃ pārājikaṃ dhammaṃ ajjhāpannaṃ bhikkhuniṃ neva attanā paṭicodeyya, jānaṃ coriṃ vajjhaṃ viditaṃ anapaloketvā, jānaṃ sabhikkhukaṃ āramaṃ anāpucchā paviseyyā”ti.

Asādhāraṇādivaṇṇanā

338. Idāni “sādhāraṇaṃ asādhāraṇa”nti imaṃ purimapañhaṃ vissajjento “**vīsaṃ dve**

satānī’’tiādimāha. Tattha bhikkhunīhi asādhāraṇesu **cha saṅghādisesā**ti viassaṭṭhi, kāyasamsaggo, duṭṭhullam, attakāma, kuṭi, vihāroti. **Dve aniyatehi aṭṭhā**ti dvīhi aniyatehi saddhim aṭṭha ime.

Nissaggiyāni dvādasāti –

Dhovanañca paṭiggaho, koseyyasuddhadvebhāgā;
Chabbassāni nisīdanam, dve lomā paṭhamo patto;
Vassikā āraññakena cāti – ime dvādasā.

Dvevīsati khuddakāti –

Sakalo bhikkhunīvaggo, paramparañca bhojanam;
Anatirittam abhihaṭam, paṇītañca acelakam;
Ūnam duṭṭhullachādanam.

Mātugāmena saddhiñca, yā ca anikkhantarājake;
Santam bhikkhum anāpucchā, vikāle gāmapavesanā.

Nisīdane ca yā sikkhā, vassikā yā ca sāṭikā;
Dvāvīsati imā sikkhā, khuddakesu pakāsītāti.

Bhikkhūhi asādhāraṇesupi **saṅghamhā dasa nissareti** “saṅghamhā nissārīyatī”’ti evam vibhaṅge vuttā, mātikāyam pana “nissāraṇīyam saṅghādisesa”’nti evam āgatā dasa. **Nissaggiyāni dvādasāti** bhikkhunivibhaṅge vibhattāni nissaggiyāneva. Khuddakāpi tattha vibhattakhuddakā eva. Tathā cattāro pāṭidesanīyā, iti satañceva tiṃsañca sikkhā vibhaṅge bhikkhunīnam bhikkhūhi asādhāraṇā. Sesam imasmim sādharmaṇāsādhāraṇavissajjane uttānameva.

Idāni vipattiyo ca “yehi samathehi sammantī”’ti idaṃ pañham viassaṭṭhento **aṭṭheva pārājikā**tiādimāha. Tattha **durāsādā**ti iminā tesam sappātibhayatam dasseti. Kaṇhasappādayo viya hi ete durāsādā durūpagamanā durāsajjanā, āpajjiyamānā mūlacchedāya samvattanti. **Tālavatthusamūpamā**ti sabbam tālam uddharitvā tālassa vatthumattakaraṇena samūpamā. Yathā vatthumattakato tālo na puna pākatiko hoti, evam na puna pākatikā honti.

Evam sādharmaṇam upamaṃ dassetvā puna ekekassa vuttam upamaṃ dassento **paṇḍupalāsoti**ādimāha. **Avirulhī bhavanti teti** yathā ete paṇḍupalāsādayo punaharītādibhāvena avirulhidhammā honti; evam pārājikāpi puna pakatisīlābhāvena avirulhidhammā hontīti attho. Ettāvata “vipattiyo ca yehi samathehi sammantī”’ti ettha imā tāva aṭṭha pārājikavipattiyo kehici samathehi na sammantīti evam dassitam hoti. Yā pana vipattiyo sammantī, tā dassetum **tevīsati saṅghādisesā**tiādi vuttam. Tattha **tīhi samathehī**ti sabbasaṅgāhikavacanametam. Saṅghādisesā hi dvīhi samathehi sammanti, na tiṇavatthāraṇena. Sesā tīhipi sammanti.

Dve uposathā dve pavāraṇāti idaṃ bhikkhūnañca bhikkhunīnañca vasena vuttam. Vibhattimattadassaneneva cetam vuttam, na samathehi vūpasamanavasena. Bhikkhuuposatho, bhikkhuniuposatho, bhikkhupavāraṇā, bhikkhunipavāraṇāti imāpi hi catasso vibhattiyo; vibhajanānīti attho. **Cattāri kammānī**ti adhammenavaggādīni uposathakammāni. **Pañceva uddesā caturo bhavanti anaññathā**ti bhikkhūnam pañca uddesā bhikkhunīnam caturo bhavanti, aññathā na bhavanti; imā aparāpi vibhattiyo. **Āpattikkhandhā ca bhavanti satta, adhikaraṇāni cattārī**ti imā pana vibhattiyo samathehi sammanti, tasmā **sattahi samathehī**tiādimāha. Atha vā “dve uposathā dve pavāraṇā cattāri kammāni pañceva uddesā caturo bhavanti, anaññathā”’ti imāpi catasso vibhattiyo nissāya “nassantete vinassantete”’tiādinā nayena yā āpattiyo āpajjanti, tā yasmā vuttappakāreheva samathehi sammanti, tasmā tamūlakānam āpattīnam samathadassanattampi tā vibhattiyo vuttāti veditabbā. **Kiccam ekenā**ti

kiccādhikaraṇaṃ ekena samathena sammati.

Pārājikādiāpattiyaṇṇā

339. Evaṃ pucchānukkamena sabbapañhe vissajjetvā idāni “āpattikkhandhā ca bhavanti sattā”ti ettha saṅgahitaāpattikkhandhānaṃ paccekamaṃ nibbacanamattaṃ dassento **pārājikantiādimāha**. Tattha **pārājikanti** gāthāya ayamatto – yadidaṃ puggalāpattisikkhāpadapārājikesu **āpattipārājikaṃ** nāma vuttaṃ, taṃ āpajjanto puggalo yasmā parājito parājayamāpanno saddhammā cuto paraddho bhaṭṭho nirāṅkato ca hoti, anihate tasmim̐ puggale puna uposathappavāraṇādibhedo saṃvāso natthi. **Tenetam̐ iti vuccatīti** tena kāraṇena etaṃ āpattipārājikanti vuccati. Ayañhettha saṅkhepattho – yasmā parājito hoti tena, tasmā etaṃ pārājikanti vuccati.

Dutiyagāthāyapi byañjanaṃ anādiyivā atthamattameva dassetuṃ **saṅghova deti parivāsantiādi** vuttaṃ. Ayaṃ panetta attho – imaṃ āpattiṃ āpajjitvā vuṭṭhātukāmassa yaṃ taṃ āpattivuṭṭhānaṃ tassa ādimhi ceva parivāsadanatthāya ādito sese majjhe mānattadānatthāya mūlāyapaṭikkassanena vā saha mānattadānatthāya, avasāne abbhānatthāya ca saṅgho icchitabbo, na hettha ekampi kammaṃ vinā saṅghena sakkā kātunti saṅgho, ādimhi ceva sese ca icchitabbo assāti **saṅghādiseso**.

Tatiyagāthāya **aniyato na niyatoti** yasmā na niyato, tasmā aniyato ayamāpattikkhandhoti attho. Kiṃ kāraṇā na niyatoti? **Anekaṃsikaṭaṃ padaṃ**, yasmā idaṃ sikkhāpadaṃ aneकाṃsena katanti attho. Kathaṃ aneकाṃsena? **Tiṇṇamaññataraṃ ṭhānaṃ**, tiṇṇaṃ dhammānaṃ aññatarena kāretabboti hi tattha vuttaṃ, tasmā “aniyato”ti pavuccati, so āpattikkhandho aniyatoti vuccati. Yathā ca tiṇṇaṃ aññataraṃ ṭhānaṃ, evaṃ dvinnaṃ dhammānaṃ aññataraṃ ṭhānaṃ yattha vuttaṃ, sopi aniyato eva.

Catutthagāthāya **accayo tena samo natthīti** desanāgāminīsu accayesu tena samo thūlo accayo natthi, tenetaṃ iti vuccati; thūlattā accayassa etaṃ **thullaccayanti** vuccatīti attho.

Pañcamagāthāya **nissajjitvāna deseti tenetanti** nissajjitvā desetabbato **nissaggiyanti** vuccatīti attho.

Chaṭṭhagāthāya **pāṭeti kusalaṃ dhammanti** sañcicca āpajjantassa kusaladhammasaṅkhātaṃ kusalacittaṃ pāṭeti, tasmā pāṭeti cittanti **pācittiyaṃ**. Yaṃ pana cittaṃ pāṭeti, taṃ yasmā ariyamaggaṃ aparajjhāti, cittasammohakāraṇaṅca hoti, tasmā “ariyamaggaṃ aparajjhāti, cittasammohanaṭṭhāna”nti ca vuttaṃ.

Pāṭidesanīyagāthāsu “gārayhaṃ āvuso dhammaṃ āpajji”nti vuttagārayhabhāvākāraṇadassanathameva **bhikkhu aññātako santotiādi** vuttaṃ. Paṭidesetabbato pana sā āpatti **pāṭidesanīyāti** vuccati.

Dukkaṭagāthāya **aparaddhaṃ viraddhaṅca khalitanti** sabbametaṃ “yaṅca dukkaṭa”nti ettha vuttassa dukkaṭassa pariyāyavacanaṃ. Yañhi duṭṭhu kataṃ virūpaṃ vā kataṃ, taṃ **dukkaṭaṃ**. Taṃ panetaṃ yathā sathārā vuttaṃ; evaṃ akatattā **aparaddhaṃ**, kusalaṃ virajjhivā pavattattā **viraddhaṃ**, ariyavattapaṭipadaṃ anāruḥhattā **khalitaṃ**. Yaṃ **manusso kareti** idaṃ panassa opammanidassanaṃ. Tassattho – yathā hi yaṃ loke manusso āvi vā yadi vā raho pāpaṃ karoti, taṃ dukkaṭanti pavedenti; evamidampi buddhappaṭikuṭṭhena lāmakabhāvena pāpaṃ, tasmā dukkaṭanti veditabbaṃ.

Dubbhāsitaḡāthāya **dubbhāsitaṃ durābhaṭṭhanti** duṭṭhu ābhaṭṭhaṃ bhāsitaṃ lapitanti **durābhaṭṭhaṃ**. Yaṃ durābhaṭṭhaṃ, taṃ **dubbhāsitanti** attho. Kiñca bhiyyo? **Samkiliṭṭhaṅca yaṃ padaṃ**, samkiliṭṭhaṃ yasmā taṃ padaṃ hotīti attho. Tathā **yaṅca viññū garahanti**, yasmā ca naṃ viññū garahantīti attho. **Tenetam̐ iti vuccatīti** tena samkiliṭṭhabhāvena ca viññugarahanenāpi ca etaṃ iti vuccati; “dubbhāsita”nti evaṃ vuccatīti attho.

Sekhiyagāthāya “ādi cetam caraṇaṅcā” tiādinā nayena sekhasa santakabhāvaṃ dīpeti. Tasmā sekhasa idaṃ **sekhiyanti** ayamettha saṅkhepattho. Idaṃ “garukalahukaṅcāpi” tiādipaṅhehi asaṅgahitassa “handā vākyam suṇoma te” ti iminā pana āyācanavacanena saṅgahitassa atthassa dīpanattham vuttanti veditabbaṃ.

Channamativassatītiādimhipi eseva nayo. Tattha **channamativassatīti** gehaṃ tāva tiṇādīhi acchannaṃ ativassati. Idaṃ pana āpattisaṅkhātaṃ gehaṃ channaṃ ativassati; mūlāpattiṅhi chādentō aññaṃ navaṃ āpattiṃ āpajjati. **Vivaṭam nātivassatīti** gehaṃ tāva avivaṭam succhannaṃ nātivassati. Idaṃ pana āpattisaṅkhātaṃ gehaṃ vivaṭam nātivassati; mūlāpattiṅhi vivaranto desanāgāminim desetvā vuṭṭhānagāminito vuṭṭhahitvā suddhante patiṭṭhāti. Āyatiṃ samvaranto aññaṃ āpattiṃ nāpajjati. **Tasmā channaṃ vivarethāti** tena kāraṇena desanāgāminim desento vuṭṭhānagāminito ca vuṭṭhahanto channaṃ vivaretha. **Evam taṃ nātivassatīti** evaṅcetaṃ vivaṭam nātivassatīti attho.

Gati migānaṃ pavananti ajjhokāse byagghādīhi paripātiyamānānaṃ migānaṃ pavanaṃ rukkhādighanaṃ araṅñaṃ gati paṭisaraṇaṃ hoti, taṃ patvā te assāsanti. Eteneva nayena **ākāso pakkhīnaṃ gati**. Avassaṃ upagamaṇaṭṭhena pana **vibhavo gati dhammānaṃ**, sabbesampi saṅkhatadhammānaṃ vināsova tesam gati. Na hi te vināsaṃ agacchantā ṭhātuṃ sakkonti. Sucirampi ṭhatvā pana **nibbānaṃ arahato gati**, khīṇāsavassa arahato anupādisesanibbānadhātu ekamsena gatīti attho.

Paṭhamagāthāsaṅgaṇikavaṇṇanā niṭṭhitā.

Adhikaraṇabhedam

Ukkoṭanabhedādivaṇṇanā

340. Adhikaraṇabhede **ime dasa ukkoṭāti** adhikaraṇānaṃ ukkoṭetvā puna adhikaraṇaukkoṭena samathānaṃ ukkoṭam dassetuṃ “vivādādhikaraṇam ukkoṭento kati samathe ukkoṭeti” tiādimāha. Tattha **vivādādhikaraṇam ukkoṭento dve samathe ukkoṭetīti** sammukhāvinayaṅca yebhuyyasikaṅca ime dve ukkoṭeti, paṭisedheti; paṭikkosatīti attho. **Anuvādādhikaraṇam ukkoṭento cattāroti** sammukhāvinayaṃ, sativinayaṃ, amūlḥavinayaṃ, tassapāpiyasikanti ime cattāro samathe ukkoṭeti. **Āpattādhikaraṇam ukkoṭento tayoti** sammukhāvinayaṃ, paṭiṅṅātakaraṇam, tiṇavatthārakanti ime tayo samathe ukkoṭeti. **Kiccādhikaraṇam ukkoṭento ekanti** sammukhāvinayaṃ imaṃ ekaṃ samatham ukkoṭeti.

341. Kati ukkoṭātitiā dipucchānaṃ vissajjane pana dvādasasu ukkoṭesu **akataṃ kammantiādayo** tāva tayo ukkoṭā visesato dutiye anuvādādhikaraṇe labbhanti. **Anihatam kammantiādayo** tayo paṭhame vivādādhikaraṇe labbhanti. **Avinicchitantiādayo** tayo tatiye āpattādhikaraṇe labbhanti. **Avūpasantantiādayo** tayo catutthe kiccādhikaraṇe labbhanti; apica dvādasāpi ca ekekasmiṃ adhikaraṇe labbhantiyeva.

Tatthajātakaṃ adhikaraṇam ukkoṭetīti yasmim vihare “mayham iminā patto gahito, cīvaraṃ gahita” ntiādinā nayena pattacīvarādīnaṃ atthāya adhikaraṇam uppannaṃ hoti, tasmimyeva ca naṃ vihare āvāsikā sannipatitvā “alam āvuso” ti attapaccatthike saṅgāpetvā pālimuttakavinicchayeneva vūpasamenti, idaṃ tatthajātakaṃ adhikaraṇam nāma. Yenāpi vinicchayena samitam, sopi eko samathoyeva. Imaṃ ukkoṭentassāpi pācittiyam.

Tatthajātakaṃ vūpasantanti sace pana taṃ adhikaraṇam nevāsikā vūpasametum na sakkonti, athaṅño vinayadharo āgantvā “kiṃ āvuso imasmim vihare uposatho vā pavāraṇā vā ṭhitā” ti pucchati, tehi ca tasmim kāraṇe kathite taṃ adhikaraṇam khandhakato ca parivārato ca suttena vinicchinitvā

vūpasameti, idaṃ tatthajātakam vūpasantaṃ nāma adhikaraṇam. Etaṃ ukkoṭentassāpi pācittiyameva.

Antarāmaggeti te attapaccatthikā “na mayaṃ etassa vinicchaye tiṭṭhāma, nāyaṃ vinaye kusalo, asukasmim nāma gāme vinayadharā therā vasanti, tattha gantvā vinicchinnissāmā”ti gacchantā antarāmaggeyeva kāraṇam sallakkhetvā aññamaññaṃ vā saññāpentī, aññe vā te bhikkhū nijjhāpentī, idampi vūpasantameva hoti. Evaṃ vūpasantaṃ antarāmagge adhikaraṇam ukkoṭeti yo, tassāpi pācittiyameva.

Antarāmagge vūpasantanti na heva kho pana aññamaññaṃ saññattiyā vā sabhāgabhiikkhunijjhāpanena vā vūpasantaṃ hoti; apica kho paṭipathaṃ āgacchanto eko vinayadharo disvā “kattha āvuso gacchathā”ti pucchitvā “asukam nāma gāmaṃ, iminā nāma kāraṇenā”ti vutte “alaṃ, āvuso, kiṃ tattha gatenā”ti tattheva dhammena vinayena taṃ adhikaraṇam vūpasameti, idaṃ antarāmagge vūpasantaṃ nāma. Etaṃ ukkoṭentassāpi pācittiyameva.

Tattha gatanti sace pana “alaṃ, āvuso, kiṃ tattha gatenā”ti vuccamānāpi “mayaṃ tattheva gantvā vinicchayaṃ pāpessāmā”ti vinayadharassa vacanaṃ anādiyitvā gacchantiyeva, gantvā sabhāgānaṃ bhikkhūnaṃ etamatthaṃ ārocanti. Sabhāgā bhikkhū “alaṃ, āvuso, saṅghasannipātaṃ nāma garuka”nti tattheva nisīdāpetvā vinicchinitvā saññāpentī, idampi vūpasantameva hoti. Evaṃ vūpasantaṃ tattha gataṃ adhikaraṇam ukkoṭeti yo, tassāpi pācittiyameva.

Tattha gataṃ vūpasantanti na heva kho pana sabhāgabhiikkhūnaṃ saññattiyā vūpasantaṃ hoti; apica kho saṅghaṃ sannipātetvā ārocitaṃ saṅghamajjhe vinayadharā vūpasamenti, idaṃ tattha gataṃ vūpasantaṃ nāma. Etaṃ ukkoṭentassāpi pācittiyameva.

Sativinayanti khīṇāsavassa dinnam sativinayaṃ ukkoṭeti, pācittiyameva. Ummattakassa dinne amūḷhavinaye pāpussannassa dinnāya tassapāpiyasikāyapi eseva nayo.

Tiṇavatthāraḥkaṃ ukkoṭetīti saṅghena tiṇavatthāraḥkasamathena vūpasamite adhikaraṇe “āpatti nāma ekaṃ bhikkhuṃ upasaṅkamitvā ukkuṭikaṃ nisīditvā añjaliṃ paggahetvā desiyamānā vuṭṭhāti, yaṃ panetaṃ niddāyantassāpi āpattivuṭṭhānaṃ nāma, etaṃ mayhaṃ na khamatī”ti evaṃ vadantopi tiṇavatthāraḥkaṃ ukkoṭeti nāma, tassāpi pācittiyameva.

Chandāgatiṃ gacchanto adhikaraṇam ukkoṭetīti vinayadharo hutvā attano upajjhāyādīnaṃ atthāya “adhammaṃ dhammo”tiādīni dīpetvā pubbe vinicchitaṃ adhikaraṇam dvādasasu ukkoṭesu yena kenaci ukkoṭento chandāgatiṃ gacchanto adhikaraṇam ukkoṭeti nāma. Dvīsu pana attapaccatthikesu ekasmim “anattaṃ me acari”tiādīnā nayena samuppannāghāto, tassa parājayaṃ āropanattaṃ “adhammaṃ dhammo”tiādīni dīpetvā pubbe vinicchitaṃ adhikaraṇam dvādasasu ukkoṭesu yena kenaci ukkoṭento dosāgatiṃ gacchanto adhikaraṇam ukkoṭeti nāma. Mando pana momūho momūhattā eva “adhammaṃ dhammo”tiādīni dīpetvā vuttanayeneva ukkoṭento mohāgatiṃ gacchanto adhikaraṇam ukkoṭeti nāma. Sace pana dvīsu attapaccatthikesu eko visamāni kāyakammādīni gahanamicchādīṭṭhim balavante ca pakkhantariye abhiññāte bhikkhū nissitattā visamanissito gahananissito balavanissito ca hoti, tassa bhayena “ayaṃ me jīvitantarāyaṃ vā brahmacariyantarāyaṃ vā kareyyā”ti “adhammaṃ dhammo”tiādīni dīpetvā vuttanayeneva ukkoṭento bhayāgatiṃ gacchanto adhikaraṇam ukkoṭeti nāma.

Tadahupasampannoti eko sāmaṇero byatto hoti bahussuto, so vinicchaye parājayaṃ patvā maṅkubhūte bhikkhū disvā pucchati “kasmā maṅkubhūtāthā”ti? Te tassa taṃ adhikaraṇam ārocanti. So te evaṃ vadeti “hotu, bhante, maṃ upasampādettha, ahaṃ taṃ adhikaraṇam vūpasamessāmī”ti. Te taṃ upasampādentī. So dutiyadivase bherim paharitvā saṅghaṃ sannipātetī. Tato bhikkhūhi “kena saṅgho sannipātito”ti vutte “mayā”ti vadati. “Kasmā sannipātito”ti? “Hiyyo adhikaraṇam dubbicchitaṃ,

tamaḥaṃ vinicchinissāmi”ti. “Tvam pana hiyyo kuhiṃ gato”ti? “Anupasampannomhi, bhante, ajja pana upasampannomhi”ti. So vattabbo “idaṃ āvuso tumhādisānaṃ bhagavatā sikkhāpadaṃ paññattaṃ, ‘tadahupasampanno ukkoṭeti, ukkoṭanakaṃ pācittiya’nti, gaccha āpattiṃ desehi”ti. Āgantukepi eseva nayo.

Kāraḥoti ekaṃ saṅghena saddhiṃ adhikaraṇaṃ vinicchinitvā pariveṇagataṃ parājitaṃ bhikkhū vadanti “kissa, bhante, tumhehi evaṃ vinicchitaṃ adhikaraṇaṃ, nanu evaṃ vinicchinitabba”nti. So “kasmā paṭhamameva evaṃ na vaditthā”ti taṃ adhikaraṇaṃ ukkoṭeti. Evaṃ yo kāraḥoti ukkoṭeti, tassāpi ukkoṭanakaṃ pācittiyaṃ. **Chandadāyako**ti eko adhikaraṇavinicchaye chandaṃ datvā sabhāge bhikkhū parājayaṃ patvā āgate maṅkubhūte disvā “sve dāni ahaṃ vinicchinissāmi”ti saṅghaṃ sannipātetvā “kasmā sannipātesī”ti vutte “hiyyo adhikaraṇaṃ dubbinicchitaṃ, tamaḥaṃ ajja vinicchinissāmi”ti. “Hiyyo pana tvam kattha gato”ti. “Chandaṃ datvā nisinnomhi”ti. So vattabbo “idaṃ āvuso tumhādisānaṃ bhagavatā sikkhāpadaṃ paññattaṃ, ‘chandadāyako ukkoṭeti, ukkoṭanakaṃ pācittiya’nti, gaccha āpattiṃ desehi”ti.

Adhikaraṇanidānādivaṇṇanā

342. Vivādādhikaraṇaṃ kiṃnidānantiādīsu kiṃ nidānamassāti **kiṃnidānaṃ**. Ko samudayo assāti **kiṃsamudayaṃ**. Kā jāti assāti **kiṃjātikaṃ**. Ko pabhavo assāti **kiṃpabhavaṃ**. Ko sambhāro assāti **kiṃsambhāraṃ**. Kiṃ samuṭṭhānaṃ assāti **kiṃsamuṭṭhānaṃ**. Sabbānetāni kāraṇavevacanāniyeva.

Vivādanidānantiādīsūpi aṭṭhārasabhedakaravattusaṅkhāto vivādo nidānametassāti **vivādanidānaṃ**. Vivādaṃ nissāya uppajjanakavivādavasenetam vuttaṃ. Anuvādo nidānaṃ assāti **anuvādanidānaṃ**. Idampi anuvādaṃ nissāya uppajjanakaanuvādavasena vuttaṃ. Āpatti nidānaṃ assāti **āpattinidānaṃ**. Āpattādhikaraṇapaccayā catasso āpattiyo āpajjati evaṃ āpattiṃ nissāya uppajjanakaāpattivasetam vuttaṃ. Kiccayaṃ nidānamassāti **kiccayanidānaṃ**; catubbidhaṃ saṅghakammaṃ kāraṇamassāti attho. Ukkhittānūvattikāya bhikkhuniyā yāvatatiyaṃ samanubhāsanādīnaṃ kiccaṃ nissāya uppajjanakakiccānaṃ vasenetam vuttaṃ. Ayaṃ catunnampi adhikaraṇaṃ vissajjanapakke ekapaḍayojanā. Etenānusārena sabbapaḍāni yojetabbāni.

Dutiyapucchāya **hetunidānantiādīmhi** vissajjane navannaṃ kusalākusalābyākatahetūnaṃ vasena hetunidānādītā veditabbā. Tatiyapucchāya vissajjane byañjanamattaṃ nānaṃ. Hetuyeva hi ettha paccayoti vutto.

343. Mūlapucchāya vissajjane **dvādasa mūlānī**ti kodhaupanāhayugaḷakādīni cha vivādāmūlāni, lobhadosamohā tayo, alobhādosāmahā tayoti imāni ajjhattasantānappavattāni dvādasa mūlāni. **Cuddasa mūlānī**ti tāneva dvādasa kāyavācāhi saddhiṃ cuddasa honti. **Cha mūlānī**ti kāyādīni cha samuṭṭhānāni.

Samuṭṭhānapucchāya vissajjane **aṭṭhārasa bhedakaravattūni** samuṭṭhānāni, tañhi etesu aṭṭhārasasu bhedakaravattūsu samuṭṭhāti, etehi vā kāraṇabhūtehi samuṭṭhāti. Tenassetāni samuṭṭhānāni vuccanti. Esa nayo sabbattha.

344. Vivādādhikaraṇaṃ āpattītiādibhede **ekena adhikaraṇena kiccādhikaraṇenāti** idaṃ yena adhikaraṇena sammanti, taṃ dassetuṃ vuttaṃ, na panetāni ekaṃsato kiccādhikaraṇeneva sammanti. Na hi puggalassa santike desentassa kiccādhikaraṇaṃ nāma atthi.

Na **katamena samathenāti** sāvasesāpatti viya na sammati. Na hi sakkā sā desetum, na tato vuṭṭhāya suddhante patiṭṭhātuṃ.

348. Vivādādhikaraṇaṃ hoti anuvādādhikaraṇantiādi nayo uttānoyeva.

349. Tato param **yattha sativinayoti**ādikā sammukhāvinayaṃ amuñcivā cha yamakapucchā vuttā, tāsam vissajjaneneva attho pakāsito.

351. Saṃsaṭṭhādīpucchānaṃ vissajjane **saṃsaṭṭhāti** sativinayakammavācākkhaṇasmimīyeva dvinnampi samathānaṃ siddhattā sammukhāvinayoti vā sativinayoti vā ime dhammā saṃsaṭṭhā, no visamsaṭṭhā. Yasmā pana kadalikkhandhe pattavaṭṭīnaṃ viya na sakkā tesam vinibbhujitvā nānākaraṇaṃ dassetuṃ, tena vuttam “na ca labbhā imesaṃ dhammānaṃ vinibbhujitvā vinibbhujitvā nānākaraṇaṃ paññāpetu”nti. Esa nayo sabbattha.

Sattasamathanidānavañṇanā

352. Kimnidānoti pucchāvissajjane nidānaṃ nidānamassāti **nidānanidāno**. Tattha saṅghasammukhatā, dhammasammukhatā, vinayasammukhatā, puggalasammukhatāti idaṃ sammukhāvinayassa nidānaṃ. Sativepullapatto khīṇāsavo laddhupavādo sativinayassa nidānaṃ. Ummattako bhikkhu amūlavinayassa nidānaṃ. Yo ca deseti, yassa ca deseti, ubhinnaṃ sammukhībhāvo paṭiññātakaraṇassa nidānaṃ. Bhaṇḍanaajātānaṃ adhikaraṇaṃ vūpasametum asakkuṇeyyatā yebhuyyasikāya nidānaṃ. Pāpussanno puggalo tassapāpiyasikāya nidānaṃ. Bhaṇḍanaajātānaṃ bahu assāmaṇakaajjhācāro tiṇavatthārakassa nidānaṃ. **Hetupaccayavārā** vuttanayā eva.

353. Mūlapucchāya vissajjanaṃ uttānameva. Samuṭṭhānapucchāya kiñcāpi “sattannaṃ samathānaṃ katame chattiṃsa samuṭṭhānā”ti vuttam, sammukhāvinayassa pana kammasaṅgahābhāvena samuṭṭhānābhāvato channaṃyeva samathānaṃ cha samuṭṭhānāni vibhattāni. Tattha **kammasa kiriyāti** ñatti veditabbā. **Karaṇanti** tassāyeva ñattiyā ṭhapetabbakāle ṭhapanam. **Upagamananti** sayam upagamaṃ; attanāyeva tassa kammasa karaṇanti attho. **Ajjhupagamananti** ajjhesanupagamaṃ; aññaṃ saddhivihārikādikaṃ “idaṃ kammaṃ karohī”ti ajjhesananti attho. **Adhivāsanāti** “ruccati me etaṃ, karotu saṅgho”ti evaṃ adhivāsanā; chandadānanti attho. **Appaṭikkosanāti** “na metaṃ khamati, mā evaṃ karothā”ti appaṭisedhanā. Iti channaṃ chakkānaṃ vasena chattiṃsa samuṭṭhānā veditabbā.

Sattasamathanāntthādivañṇanā

354. Nānāthapucchāvissajjanaṃ uttānameva. Adhikaraṇapucchāvissajjane **ayaṃ vivādo no adhikaraṇanti** ayaṃ mātāputtādīnaṃ vivādo viruddhavādattā vivādo nāma hoti, samathehi pana adhikaraṇīyatāya abhāvato adhikaraṇaṃ na hoti. Anuvādādīsopi eseva nayo. Sesam sabbattha uttānamevāti.

Adhikaraṇabhedavañṇanā niṭṭhitā.

Dutiyagāthāsaṅgaṇikaṃ

Codanādīpucchāvissajjanāvañṇanā

359. Dutiyagāthāsaṅgaṇiyaṃ **codanāti** vatthuñca āpattiñca dassetvā codanā. **Sāraṇāti** dosasāraṇā. **Saṅgho kimatthāyāti** saṅghasannipāto kimatthāya. **Matikammaṃ pana kissa kāraṇāti** matikammaṃ vuccati mantaggahaṇaṃ; tam kissa kāraṇāti attho.

Codanā sāraṇatthāyāti vuttappakārā codanā, tena cuditakapuggalena codakadosasāraṇatthāya. **Niggahatthāya sāraṇāti** dosasāraṇā pana tassa puggalassa niggahatthāya. **Saṅgho pariggahatthāyāti** tattha sannipatito saṅgho vinicchayapariggahaṇatthāya; dhammādhammaṃ tulanatthāya suvinicchitadubbicchitaṃ jānanatthāyāti attho. **Matikammaṃ pana pāṭiyekanti**

suttantikatherānañca vinayadharattherānañca mantaggahaṇaṃ pāṭekkaṃ pāṭekkaṃ vinicchayasanniṭṭhāpanatthaṃ.

Mā kho paṭighanti cuditake vā codake vā kopaṃ mā janayī. **Sace anuvijjako** tuvanti sace tvaṃ saṅghamajjhe otiṇṇaṃ adhikaraṇaṃ vinicchitvaṃ nisinna vinayadharo.

Viggāhikanti “na tvaṃ imaṃ dhammavinayaṃ ājānāsī”tiādinayappavattaṃ. **Anatthasaṃhitanti** yā anattaṃ janayati, parisāṃ khobhetvā uṭṭhāpeti, evarūpiṃ kathaṃ mā abhaṇi. **Sutte vinaye vātiādīsu suttāṃ** nāma ubhatovibhaṅgo. **Vinayo** nāma khandhako. **Anulomo** nāma parivāro. **Paññattaṃ** nāma sakalaṃ vinayapaṭikāṃ. **Anulomikaṃ** nāma cattāro mahāpadesā.

Anuyogavattaṃ nisāmayāti anuyuñjanavattaṃ nisāmehi. **Kusalena buddhimatā katanti** chekena paṇḍitena ñāṇapāramippattena bhagavatā nīharitvā ṭhapitaṃ. **Suvuttanti** supaññāpitaṃ. **Sikkhāpadānulomikanti** sikkhāpadānaṃ anulomaṃ. Ayaṃ tāva padattho, ayaṃ panettha sādhippāyasankhēpavaṇṇanā – “sace tvaṃ anuvijjako, mā sahasā bhaṇi, mā anatthasaṃhitāṃ viggāhikakathaṃ bhaṇi. Yaṃ pana kusalena buddhimatā lokanāthena etesu suttādīsu anuyogavattaṃ kathaṃ supaññattaṃ sabbasikkhāpadānaṃ anulomaṃ, taṃ nisāmaya taṃ upadhārehī”ti. **Gatiṃ na nāsento samparāyikanti** attano samparāye sugatinibbattiṃ anāsento anuyogavattaṃ nisāmaya. Yo hi taṃ anisāmetvā anuyuñjati, so samparāyikaṃ attano gatiṃ nāsenti, tasmā tvaṃ anāsento nisāmayāti attho. Idāni taṃ anuyogavattaṃ dassetuṃ **hitesīti**ādīmāha. Tatha **hitesīti** hitaṃ esanto gavesanto; mettañca mettāpubbabhāgañca upaṭṭhapetvāti attho. **Kālenāti** yuttapattakālena; ajjhesitakāleyeva tava bhāre kate anuyuñjati attho.

Sahasā vohāraṃ mā padhāresīti yo etesaṃ sahasā vohāro hoti, sahasā bhāsitaṃ, taṃ mā padhāresi, mā gaṇhittha.

Paṭiññānusandhitena kārayeti ettha **anusandhitanti** kathānusandhi vuccati, tasmā paṭiññānusandhinā kāraye; kathānusandhiṃ sallakkhetvā paṭiññāya kārayeti attho. Atha vā paṭiññāya ca anusandhitena ca kāraye, lajjim paṭiññāya kāraye; alajjim vattānusandhināti attho. Tasmā eva **paṭiññā lajjisūti** gāthamāha. Tatha **vattānusandhitena kārayeti** vattānusandhinā kāraye, yā assa vattena saddhim paṭiññā sandhiyati, tāya paṭiññāya kārayeti attho.

Sañciccāti jānanto āpajjati. **Parigūhatīti** nigūhati na deseti na vuṭṭhāti.

Sā ahampi jānāmīti yaṃ tumhehi vuttaṃ, taṃ saccaṃ, ahampi naṃ evameva jānāmi. **Aññañca tāhanti** aññañca taṃ ahaṃ pucchāmi.

Pubbāparaṃ na jānātīti purekathitañca pacchākathitañca na jānāti. **Akovidoti** tasmim pubbāpare akusalo. **Anusandhivacanapathaṃ na jānātīti** kathānusandhivacanaṃ vinicchayānusandhivacanañca na jānāti.

Sīlavipattiyā codetīti dvīhi āpattikkhandhehi codeti. **Ācāradiṭṭhiyāti** ācāravipattiyā ceva diṭṭhivipattiyā ca. Ācāravipattiyā codento pañcahāpattikkhandhehi codeti, diṭṭhivipattiyā codento micchādiṭṭhiyā ceva antaggāhikadiṭṭhiyā ca codeti. **Ājīvenapi codetīti** ājīvahetupaññattehi chahi sikkhāpadehi codeti. Sesāṃ sabbattha uttānamevāti.

Dutiyagāthāsaṅgaṇikavaṇṇanā niṭṭhitā.

Codanākaṇḍaṃ

Anuvijjakakiccavaṇṇanā

360-361. Idāni evaṃ uppannāya codanāya vinayadharena kattabbakiccaṃ dassetuṃ **anuvijjakenā**tiādi āradhamaṃ. Tattha **diṭṭham diṭṭhenā**ti gāthāya ayamattho – ekeneko mātugāmena saddhiṃ ekaṭṭhānato nikkhamanto vā pavisanto vā diṭṭho, so taṃ pārajikena codeti, itaro tassa dassanaṃ anujānāti. Taṃ pana dassanaṃ paṭicca pārajikaṃ na upeti, na paṭijānāti. Evamettha yaṃ tena diṭṭham, taṃ tassa “diṭṭho mayā”ti iminā diṭṭhavacanaena sameti. Yasmā pana itaro taṃ dassanaṃ paṭicca dosaṃ na paṭijānāti, tasmā asuddhapaṭisaṅkito hoti; amūlakapaṭisaṅkitoti attho. Tassa puggalassa “suddho aha”nti paṭiññāya tena saddhiṃ uposatho kātabbo. Sesagāthādvayepi eseva nayo. Sesamaṃ sabbattha uttānamevāti.

Anuvijjakakiccavaṇṇanā niṭṭhitā.

Codakapucchāvissajjanāvaṇṇanā

362-363. Codanāya ko ādītiādipucchānaṃ vissajjane **sacce ca akuppe cāti** sacce paṭiṭṭhātabbaṃ akuppe ca. Yaṃ kataṃ vā na kataṃ vā, tadeva vattabbaṃ, na ca codake vā anuvijjake vā saṅghe vā kopo uppādetabbo. **Otiṇṇānotiṇṇaṃ jānitabbanti** otiṇṇaṅca anotiṇṇaṅca vacanaṃ jānitabbaṃ. Tatrāyaṃ jānanavidhi – ettakā codakassa pubbakathā, ettakā pacchimakathā, ettakā cuditakassa pubbakathā, ettakā pacchimakathāti jānitabbā. Codakassa pamāṇaṃ gaṇhitabbaṃ, cuditakassa pamāṇaṃ gaṇhitabbaṃ, anuvijjakassa pamāṇaṃ gaṇhitabbaṃ, anuvijjako appamattakampi ahāpento “āvuso samannāharitvā ujum katvā āharā”ti vattabbo, saṅghena evaṃ paṭipajjitabbaṃ. **Yena dhammena yena vinayena yena satthusāsanena taṃ adhikaraṇaṃ vūpasammatī**ti ettha **dhammoti** bhūtaṃ vatthu. **Vinayoti** codanā ceva sārāṇā ca. **Satthusāsananti** ñattisampadā ceva anussāvanasampadā ca. Etena hi dhammena ca vinayena ca satthusāsanena ca adhikaraṇaṃ vūpasamati, tasmā anuvijjakena bhūtena vatthunā codetvā āpattim sāretvā ñattisampadāya ceva anussāvanasampadāya ca taṃ adhikaraṇaṃ vūpasametabbaṃ, anuvijjakena evaṃ paṭipajjitabbaṃ. Sesamettha uttānameva.

364. Uposatho kimatthāyātiādipucchāvissajjanampi uttānameva. Avasānagāthāsu **there ca paribhāsati**ti avamaññaṃ karonto “kiṃ ime jānantī”ti paribhāsati. **Khato upahatindriyoti** tāya chandādigāmitāya tena ca paribhāsanaena attanā attano khatattā **khato**. Saddhādīnaṅca indriyānaṃ upahatattā **upahatindriyo**. **Nirayaṃ gacchati dummedho, na ca sikkhāya gāravoti** so khato upahatindriyo paññāya abhāvato dummedho tīsu sikkhāsu asikkhanato na ca sikkhāya gāravo kāyassa bhedaṃ nirayameva upagacchati, tasmā **na ca āmisamaṃ nissāya...pe... yathā dhammo tathā kareti**. Tassattho na ca āmisamaṃ nissāya kare, cuditakacodakesu hi aññatarena dinnaṃ cīvarādiāmisamaṃ gaṇhanto āmisamaṃ nissāya karoti, evaṃ na kareyya. **Na ca nissāya puggalanti** “ayaṃ me upajjhāyo vā ācariyo vā”tiādinā nayena chandādīhi gacchanto puggalaṃ nissāya karoti, evaṃ na kareyya. Atha kho **ubhopede vivajjetvā** yathā dhammo ṭhito, tatheva kareyyāti.

Upakaṇṇakamaṃ jappatīti “evaṃ kathehi, mā evaṃ kathayitthā”ti kaṇṇamūle manteti. **Jimhamaṃ pekkhatī**ti dosameva gavesati. **Vītharatī**ti vinicchayaṃ hāpeti. **Kummaggamaṃ paṭisevatī**ti āpattim dīpeti.

Akālena ca codetīti anokāse anajjhīṭṭhova codeti. **Pubbāparaṃ na jānātī**ti purimakathaṅca pacchimakathaṅca na jānāti.

Anusandhivacanaṃ pathamaṃ na jānātīti kathānusandhivinnicchayānusandhivasena vacanaṃ na jānāti. Sesamaṃ sabbattha uttānamevāti.

Codanākaṇḍavaṇṇanā niṭṭhitā.

Cūḷasaṅgāmo

Anuvijjakassa paṭipattivaṇṇanā

365. Cūḷasaṅgāme **saṅgāmāvacarena bhikkhunāti** saṅgāmo vuccati adhikaraṇavinicchayatthāya saṅghasannipāto. Tatra hi attapaccatthikā ceva sāsanapaccatthikā ca uddhammaṃ ubbinayaṃ satthu sāsanam dīpentā samosaranti vesālikā vajjiputtakā viya. Yo bhikkhu tesam paccatthikānaṃ laddhim madditvā sakavādādīpanatthāya tattha avacarati, ajjhogāhetvā vinicchayaṃ pavatteti, so saṅgāmāvacaro nāma yasatthero viya. Tena saṅgāmāvacarena bhikkhunā saṅgham upasaṅkamantena nīcacittena saṅgho upasaṅkamitabbo. **Nīcacittenāti** mānaddhajaṃ nipātetvā nihata mānacittena. **Rajoharaṇasamenāti** pādapuñchanasamena; yathā rajoharaṇassa saṃkiliṭṭhe vā asaṃkiliṭṭhe vā pāde puñchiyamāne neva rāgo na doso; evaṃ iṭṭhāniṭṭhesu arajjantena adussantenāti attho. **Yathāpatirūpe āsaneti** yathāpatirūpaṃ āsanam ñatvā attano pāpuṇaṇatthāne therānaṃ bhikkhūnaṃ piṭṭhim adassetvā nisīditabbaṃ. **Anānākathikenāti** nānāvīdham taṃ taṃ anattakathaṃ akathentena. **Atiracchānakathikenāti** diṭṭhasutamutampi rājakathādikaṃ tiracchānakathaṃ akathentena. **Sāmaṃ vā dhammo bhāsītābboti** saṅghasannipātāttāhāne kappiyākappiyanissitā vā rūpārūpaparicchedasamathācāravipassanācārāttāhānanisajjavattādinissitā vā kathā dhammo nāma. Evarūpo dhammo sayam vā bhāsītābbo, paro vā ajjhositābbo. Yo bhikkhu tathārūpiṃ katham kathetuṃ pahoti, so vattābbo – “āvuso saṅghamajjhamhi pañhe upanne tvaṃ katheyyāsī”ti. **Ariyo vā tuṇhībhāvo nātimaññītābboti** ariyā tuṇhī nisīdantā na bālaputhujjanā viya nisīdanti. Aññatarāṃ kammaṭṭhānaṃ gahetvāva nisīdanti. Iti kammaṭṭhānamanasikāravasena tuṇhībhāvo ariyo tuṇhībhāvo nāma, so nātimaññītābbo, kiṃ kammaṭṭhānānuyogenāti nāvajānitābbo; attano patirūpaṃ kammaṭṭhānaṃ gahetvāva nisīditābbaṃti attho.

Na upajjhāyo pucchitābboti “ko nāmo tuyhaṃ upajjhāyo”ti na pucchitābbo. Esa nayo sabbattha. **Na jāti** “khattiyajātiyo tvaṃ brāhmaṇajātiyo”ti evaṃ jāti na pucchitābbā. **Na āgamoti** “dīghabhāṇakosi tvaṃ majjhimbhāṇako”ti evaṃ āgamo na pucchitābbo. **Kulapadesoti** khattiyakulādivaseneva veditābbo. **Atrassa pemaṃ vā doso vāti** atra puggale etesaṃ kāraṇānaṃ aññataravasena pemaṃ vā bhavēyya doso vā.

No parisakappikenāti parisakappakena parisānuvidhāyakena na bhavitābbaṃ; yaṃ parisāya ruccati, tadeva cetetvā kappetvā na kathetābbaṃti attho. **Na hatthamuddā dassetābbāti** kathetābbe ca akathetābbe ca saññājananattāṃ hatthavikāro na kātābbo.

Attham anuvidhiyantēti vinicchayaapaṭivedhameva sallakkhēntena “idaṃ suttaṃ upalābbhati, imasmiṃ vinicchaye idaṃ vakkhāmi”ti evaṃ paritulyantena nisīditābbaṃti attho. **Na ca āsanā vuṭṭhātābbaṃti** na āsanā vuṭṭhāya sannipātamaṇḍale vicaritābbaṃ, vinayadhare uṭṭhite sabbā parisā uṭṭhahati. **Na vītiḥātābbaṃti** na vinicchayo hāpetābbo. **Na kummaggo sevītābboti** na āpatti dīpetābbā. **Asāhasikena bhavitābbaṃti** na sahasākārinā bhavitābbaṃ; sahasā duruttavacanaṃ na kathetābbaṃti attho. **Vacanakkhameṇāti** duruttavācaṃ khamanasīlena. **Hitāparisakkināti** hitesinā hitāgavesinā karuṇā ca karuṇāpubbābhāgo ca upaṭṭhāpetābboti ayaṃ padadvayepi adhippāyo. **Anasuruttēti** na asuruttēna. Asuruttāṃ vuccati viggāhikakathāsāṅkhātāṃ asundaravacanaṃ; taṃ na kathetābbaṃti attho. **Attā pariggahetābboti** “vinicchinituṃ vūpasametūṃ sakkhissāmi nu kho no”ti evaṃ attā pariggahetābbo; attano pamāṇaṃ jānitābbaṃti attho. **Paro pariggahetābboti** “lajjiyā nu kho ayaṃ parisā, sakkā saññāpetuṃ udāhu no”ti evaṃ paro pariggahetābbo.

Codako pariggahetābboti “dhammacodako nu kho no”ti evaṃ pariggahetābbo. **Cuditako pariggahetābboti** “dhammacuditako nu kho no”ti evaṃ pariggahetābbo. **Adhammacodako pariggahetābboti** tassa pamāṇaṃ jānitābbaṃ. Sesesupi eseva nayo. **Vuttaṃ ahāpentēti** codakacuditakehi vuttavacanaṃ ahāpentēna. **Avuttaṃ apakāsentēti** anosaṭṭaṃ vatthūṃ

appakāsentena. **Mando hāsetabboti** mando momūho paggaṇhitabbo, “nanu tvaṃ kulaputto”ti uttejetvā anuyogavattaṃ kathāpetvā tassa anuyogo gaṇhitabbo. **Bhīrū assāsetabboti** yassa saṅghamajjhaṃ vā gaṇamajjhaṃ vā anosaṭapubbattā sārājjaṃ uppajjati, tādiso “mā bhāyi, viassaṭṭho kathehi, mayaṃ te upatthambhā bhavissāmā”ti vatvāpi anuyogavattaṃ kathāpetabbo. **Caṇḍo nisedhetabboti** apasādetabbo tajjetabbo. **Asuci vibhāvetabboti** alajjijṃ pakāsetvā āpattijṃ desāpetabbo. **Ujumaddavenāti** yo bhikkhu uju sīlavā kāyavaṅkādirahito, so maddaveneva upacaritabbo. **Dhammesu ca puggalesu cāti** ettha yo dhammagaruko hoti na puggalagaruko, ayameva dhammesu ca puggalesu ca majjhattoti veditabbo.

366. Suttaṃ saṃsandanatthāyātitiādīsu tena ca pana evaṃ sabrahmacārīnaṃ piyamanāpagarubhāvanīyena anuvijjakena samudāhatesu suttādīsu suttaṃ saṃsandanatthāya; āpattānāpattīnaṃ saṃsandanatthanti veditabbaṃ. **Opammaṃ nidassanatthāyāti** opammaṃ atthadassanatthāya. **Attho viññāpanatthāyāti** attho jānāpanatthāya. **Paṭipucchā ṭhapanatthāyāti** pucchā puggalassa ṭhapanatthāya. **Okāsakammaṃ codanatthāyāti** vatthunā vā āpattiyā vā codanatthāya. **Codanā sāraṇatthāyāti** dosādosajṃ sarāpanatthāya. **Sāraṇā savacanīyatthāyāti** dosādosasāraṇā savacanīyakaraṇatthāya. **Savacanīyaṃ palibodhatthāyāti** savacanīyaṃ “imamhā āvāsā paraṃ mā pakkamī”ti evaṃ palibodhatthāya. **Palibodho vinicchayatthāyāti** vinicchayaṃ pāpanatthāya. **Vinicchayo santīraṇatthāyāti** dosādosajṃ santīraṇatthāya tulanatthāya. **Santīraṇajṃ ṭhānāṭṭhānagamanaṭthāyāti** āpattianāpattigarukalahukāpattijānanatthāya. **Saṅgho sampariggahasampañcchanatthāyāti** vinicchayasampañcchagahaṇatthāya ca; suvinicchitadubbicchitabhāvajānanatthāya cāti attho. **Paccekaṭṭhāyino avisaṃvādakaṭṭhāyino**ti issariyādhipaccajeṭṭhakaṭṭhāne ca avisaṃvādakaṭṭhāne ca ṭhitā; na te apasādetabbāti attho.

Idāni ye mandā mandabuddhino evaṃ vadeyyuṃ “vinayo nāma kimatthāyā”ti tesajṃ vacanokāsapidahanaṭṭhamattaṃ dassetuṃ **vinayo saṃvaratthāyāti**tiādīmāha. Tattha **vinayo saṃvaratthāyāti** sakalāpi vinayapaññatti kāyavacīdvārasaṃvaratthāya. Ājivavisuddhipariyosānassa sīlassa upanissayo hoti; paccayo hotīti attho. Esa nayo sabbattha. Apicettha **avippaṭisāro**ti pāpapaññānaṃ katākatavasena cittavippaṭisārābhāvo. **Pāmujjanti** dubbalā taruṇapīti. **Pīṭi**ti balavā bahalapīti. **Passaddhī**ti kāyacittadarathapaṭippassaddhi. **Sukhanti** kāyikacetasikasukhaṃ. Tañhi duvidhampi samādhissa upanissayapaccayo hoti. **Samādhī**ti cittekaggatā. **Yathābhūtañānadassananti** taruṇavipassanā; udayabbayañānassetajṃ adhivacanaṃ. Cittekaggatā hi taruṇavipassanāya upanissayapaccayo hoti. **Nibbidāti** sikhāpattā vuṭṭhānagāminibalavavipassanā. **Virāgoti** ariyamaggo. **Vimuttī**ti arahattaphalaṃ. Catubbidhopi hi ariyamaggo arahattaphalassa upanissayapaccayo hoti. **Vimuttiñānadassananti** paccavekkhañāñānaṃ. **Vimuttiñānadassanaṃ anupādāparinibbānatthāyāti** apaccayaparinibbānatthāya. Apaccayaparinibbānassa hi taṃ paccayo hoti, tasmijṃ anupatte avassaṃ parinibbāyitabbatoti. **Etadatthā kathāti** ayaṃ vinayakathā nāma etadatthā. **Mantanāti** vinayamantanā eva. **Upanisāti** ayaṃ “vinayo saṃvaratthāyā”tiādīkā paramparapaccayatāpi etadatthāya. **Sotāvadhānanti** imissā paramparapaccayakathāya sotāvadhānaṃ. Imajṃ kathaṃ sutvā yaṃ uppajjati ñānaṃ, tampi etadatthāya. **Yadidaṃ anupādā cittassa vimokkhoti** yo ayaṃ catūhi upādānehi anupādiyitvā cittassa arahattaphalasaṅkhāto vimokkho, sopi etadatthāya; apaccayaparinibbānatthāya evāti attho.

367. Anuyogavattagāthāsu **paṭhamagāthā** vuttatthā eva.

Vatthujṃ vipattijṃ āpattijṃ, nidānaṃ ākāraakovido pubbāparaṃ na jānāti “vatthu”ntiādīni “na jānāti”ti padena sambandho. “Akovido”ti padassa “sa ve tādīsako”ti iminā sambandho. Tasmā ayamettha yojanā – yo bhikkhu pārājikādīnaṃ vatthujṃ na jānāti, catubbidhaṃ vipattijṃ na jānāti, sattavidhaṃ āpattijṃ na jānāti, “idaṃ sikkhāpadaṃ asukasmijṃ nāma nagare paññatta”nti evaṃ nidānaṃ na jānāti, “idaṃ purimavacanaṃ idaṃ pacchimavacana”nti pubbāparaṃ na jānāti, “idaṃ kataṃ idaṃ akata”nti katākataṃ na jānāti. **Samena cāti** teneva pubbāparaṃ ajānanassa samena aññāne, “katākataṃ na jānāti”ti vuttaṃ hoti; evaṃ tāva najānāti-padena saddhijṃ sambandho veditabbo. Yaṃ

panetaṃ “ākāraakovidoti”ti vuttaṃ, tattha **ākāraakovidoti** kāraṇākāraṇe akovidoti. Iti yvāyaṃ vatthuādīnīpi na jānāti, ākāraṇa ca akovidoti, sa ve tādisako bhikkhu apaṭikkhoti vuccati.

Kammaṇca adhikaraṇaṇcāti imesampi padānaṃ “na jānāti”ti padaneva sambandho. Ayaṃ panettha yojanā – tattheva itī yvāyaṃ kammaṇca na jānāti, adhikaraṇaṇca na jānāti, sattappakāre samathe cāpi akovidoti, rāgādīhi pana ratto duṭṭho ca mūlho ca, bhayena bhayā gacchati, sammohena mohā gacchati, rattattā pana duṭṭhattā ca chandā dosā ca gacchati, paraṃ saññāpetuṃ asamattatāya na ca saññattikusalo, kāraṇākāraṇadassane asamattatāya nijjhattiyā ca akovidoti attano sadisāya parisāya laddhattā laddhapakkho, hiriyā paribāhirattā ahiriko, kālakehi kammehi samannāgatattā kaṇhakammo, dhammādariyapuggalādariyānaṃ abhāvato anādaro, sa ve tādisako bhikkhu apaṭikkhoti vuccati, na paṭikkhitabbo na oloketabbo, na sammannitvā issariyādhicajjeṭṭhakatthāne ṭhapetabboti attho. Sukkapakkhagāthānaṃpi yojanānayo vuttanayeneva veditabboti.

Cūlasaṅgāmaṇṇanā niṭṭhitā.

Mahāsaṅgāmo

Voharantena jānitabbādivaṇṇanā

368-374. Mahāsaṅgāme – **vatthuto vā vatthuṃ saṅkamatīti** “paṭhamapārājikavatthu mayā diṭṭhaṃ vā suttaṃ vā”ti vatvā puna pucchiyamāno nigghaṃsiyamāno “na mayā paṭhamapārājikassa vatthu diṭṭhaṃ, na suttaṃ; dutiyapārājikassa vatthu diṭṭhaṃ vā suttaṃ vā”ti vadati. Eteneva nayena sesavattusāṅkamaṇaṃ, vipattito vipattisāṅkamaṇaṃ āpattito āpattisāṅkamaṇaṇca veditabbaṃ. Yo pana “neva mayā diṭṭhaṃ, na suta”nti vatvā pacchā “mayāpetuṃ diṭṭhaṃ vā suttaṃ vā”ti vadati, “diṭṭhaṃ vā suttaṃ vā”ti vatvā pacchā “na diṭṭhaṃ vā na suttaṃ vā”ti vadati, ayaṃ **avajānitvā paṭijānāti, paṭijānitvā avajānātīti** veditabbo. Eseva **aññenaññaṃ paṭicarati** nāma.

375. **Vaṇṇāvaṇṇoti** nīlādivaṇṇāvaṇṇavasena sukkavissaṭṭhisikkhāpadaṃ vuttaṃ. **Vacanamānuppādānanti** saṅkaritāṃ vuttaṃ. Kāyasamaṃsaggādittayaṃ sarūpeneva vuttaṃ. Iti imāni pañca methunadhammassa pubbhāgo pubbapayogoti veditabbāni.

376. **Cattāri apalokanakammānīti** adhammenavaggādīni. Sesesupi eseva nayo. Iti cattāri catukkāni soḷasa honti.

Agatiagantabbavaṇṇanā

379. **Bahujanaahitāya paṭipanno hotīti** vinayadharena hi evaṃ chandādigatiyā adhikaraṇe vinicchite tasmīṃ vihāre saṅgho dvidhā bhijjati. Ovādūpajīvinīyo bhikkhuniyopi dve bhāgā honti. Upāsakāpi upāsikāyopi dāraṅkāpi dārikāyopi tesāṃ āraṅkadevatāpi tattheva dvidhā bhijjanti. Tato bhummadevatā ādiṃ katvā yāva akaniṭṭhabrahmāno dvidhāva honti. Tena vuttaṃ – “bahujanaahitāya paṭipanno hoti...pe... dukkhāya devamanussāna”nti.

382. **Visamanissitoti** visamāni kāyakammādīni nissito. **Gahananissitoti** micchādiṭṭhiantaggāhikadiṭṭhisāṅkhātāṃ gahanaṃ nissito. **Balavanissitoti** balavante abhiññāte bhikkhū nissito.

393. **Tassa avajānantoti** tassa vacanaṃ avajānanto. Upayogathe vā sāmivacanaṃ, taṃ avajānantoti attho.

394. **Yaṃ atthāyāti** yadatthāya. **Taṃ atthanti** so attho. Sesāṃ sabbattha uttānamevāti.

Mahāsaṅgāmaṅṅaṅā niṭṭhitā.

Kathinabhedam

Kathinaatthadivaṅṅaṅā

403. Kathine – **aṭṭha mātikā**ti khandhake vuttā pakkamanantikādikā aṭṭha. **Palibodhānisamsāpi** pubbe vuttā eva.

404. **Payogassā**ti cīvaradhovanādino sattavidhassa pubbakaraṅṅassatthāya yo udakāharaṅṅādiko payogo kayirati, tassa payogassa. **Katame dhammā anantarapaccayena paccayoti** anāgatavasena anantarā hutvā katame dhammā paccayā hontīti attho. **Samanantarapaccayenā**ti suṭṭhu anantarapaccayena, anantarapaccayameva āsannataram katvā pucchati. **Nissayapaccayenā**ti uppajjamānassa payogassa nissayaṅṅ ādhārabhāvaṅṅ upagatā viya hutvā katame dhammā paccayā hontīti attho. **Upanissayapaccayenā**ti upetena nissayapaccayena; nissayapaccayameva upagatataram katvā pucchati. **Purejātapaccayenā**ti iminā paṭhamam uppānassa paccayabhāvaṅṅ pucchati. **Pacchājātapaccayenā**ti iminā pacchā uppajjanakassa paccayabhāvaṅṅ pucchati. **Sahajātapaccayenā**ti iminā apubbam acarimam uppajjamānānam paccayabhāvaṅṅ pucchati. **Pubbakaraṅṅassā**ti dhovanādino pubbakaraṅṅassa. **Paccuddhārassā**ti purāṅṅasaṅghāṭiādīnam paccuddharaṅṅassa. **Adhiṭṭhānassā**ti kathinacīvarādhiṭṭhānassa. **Atthārassā**ti kathinatthārassa. **Mātikānaṅca palibodhānaṅcā**ti aṭṭhannam mātikānam dvinnāṅca palibodhānam. **Vatthussā**ti saṅghāṭiādino kathinavatthussa; sesam vuttanayameva.

Evam yaṅca labbhati yaṅca na labbhati, sabbam pucchitvā idāni yam yassa labbhati, tadeva dassento **pubbakaraṅṅam payogassā**tiādīnā nayena vissajjanamāha. Tassattho – yam vuttam “payogassa katame dhammā”tiādi, tattha vuccate, pubbakaraṅṅam payogassa anantarapaccayena paccayo, samanantarānissayaupanissayapaccayena paccayo. Payogassa hi sattavidhampi pubbakaraṅṅam yasmā tena payogena nipphādetabbassa pubbakaraṅṅassatthāya so payogo kayirati, tasmā imehi catūhi paccayehi paccayo hoti. Purejātapaccaye panesa uddiṭṭhadhammesu ekadhammampi na labhati, aññadatthu pubbakaraṅṅassa sayam purejātapaccayo hoti, payoge satī pubbakaraṅṅassa nipphajjanato. Tena vuttam – “payogo pubbakaraṅṅassa purejātapaccayena paccayo”ti. Pacchājātapaccayam pana labhati, tena vuttam – “pubbakaraṅṅam payogassa pacchājātapaccayena paccayo”ti. Pacchā uppajjanakassa hi pubbakaraṅṅassa atthāya so payogo kayirati. Sahajātapaccayam pana mātikāpalibodhānisamsasaṅkhāte pannarasa dhamme ṭhapetvā añño payogādīsu ekopi dhammo na labhati, te eva hi pannarasa dhammā saha kathinatthārena ekato nipphajjantīti aññamaññam sahajātapaccayā honti. Tena vuttam – “pannarasa dhammā sahajātapaccayena paccayo”ti. Etenupāyena sabbapadavissajjanāni veditabbāni.

Pubbakaraṅṅanidānādivibhāgavaṅṅaṅā

405. **Pubbakaraṅṅam kiṅnidānā**ntiādīpucchāvissajjanam uttānameva.

406-7. “Payogo kiṅnidāno”tiādīsu pucchādvayavissajjanesu **hetunidāno paccayanidānoti** ettha cha cīvarāni hetu ceva paccayo cāti veditabbāni. Pubbapayogādīnāñhi sabbesam tāniyeva hetu, tāni paccayo. Na hi chabbidhe cīvare asati payogo atthi, na pubbakaraṅṅādīni, tasmā “payogo hetunidāno”tiādi vuttam.

408. Saṅghavāre – **vacībhedenā**ti “imāya saṅghāṭiyā, iminā uttarāsaṅgena, iminā antaravāsakena kathinam attharāmī”ti etena vacībhedena. Katimūlādīpucchāvissajjane – **kiriya majjheti** paccuddhāro ceva adhiṭṭhānaṅca.

411. Vatthuvipannaṃ hotīti akappiyadussaṃ hoti. **Kālavipannaṃ** nāma ajja dāyakehi dinnam sve saṅgho kathinatthārakassa deti. **Karaṇavipannaṃ** nāma tadaheva chinditvā akataṃ.

Kathinādijānitabbavibhāgavaṇṇanā

412. Kathinaṃ jānitabbantiādipucchāya vissajjane – **tesaññeva dhammānanti** yesu rūpādidhammesu sati kathinaṃ nāma hoti, tesam samodhānaṃ missībhāvo. **Nāmaṃ nāmakkammanti**ādinaṃ pana “kathina”nti idaṃ bahūsu dhammesu nāmamattaṃ, na paramatthato eko dhammo atthīti dasseti.

Catuvīsatiyā ākārehīti “na ullikhitamattenā”tiādīhi pubbe vuttakāraṇehi. **Sattarasahi ākārehīti** “ahatena atthataṃ hoti kathina”ntiādīhi pubbe vuttakāraṇehi. Nimittakammādīsu yaṃ vattabaṃ sabbam kathinakkhandhakavaṇṇanāyaṃ vuttaṃ.

416. Ekuppādā ekanirodhāti uppajjamānāpi ekato uppajjanti, nirujjhamānāpi ekato nirujjhanti. **Ekuppādā nānānirodhāti** uppajjamānā ekato uppajjanti, nirujjhamānā nānā nirujjhanti. Kiṃ vuttaṃ hoti? Sabbepi atthārena saddhiṃ ekato uppajjanti, atthāre hi sati uddhāro nāma. Nirujjhamānā panettha purimā dve atthārena saddhiṃ ekato nirujjhanti, uddhārabhāvaṃ pāpuṇanti. Atthārassa hi nirodho etesaṅca uddhārabhāvo ekakkhaṇe hoti, itare nānā nirujjhanti. Tesu uddhārabhāvaṃ pattesupi atthāro tiṭṭhatiyeva. Sesam sabbattha uttānamevāti.

Samantapāsādikāya vinayasaṃvaṇṇanāya

Kathinabhedavaṇṇanā niṭṭhitā.

Paññattivaggavaṇṇanā niṭṭhitā.

Upālipaṅcakaṃ

Anissitavaggavaṇṇanā

417. Upālipaṅhesu **katihī nu kho bhanteti** pucchāya ayaṃ sambandho. Thero kira rahogato sabbāni imāni paṅcakāni āvajjetvā “bhagavantaṃ dāni pucchitvā imesaṃ nissāya vasanakādīnaṃ atthāya tantim ṭhapessāmī”ti bhagavantaṃ upasaṅkamitvā “katihī nu kho bhante”tiādinaṃ nayena paṅhe pucchi. Tesam vissajjane **uposathaṃ na jānātīti** navavidham uposathaṃ na jānāti. **Uposathakammaṃ na jānātīti** adhammenavaggādibhedam catubbidham uposathakammaṃ na jānāti. **Pātimokkham na jānātīti** dve mātikā na jānāti. **Pātimokkhuddesaṃ na jānātīti** bhikkhūnaṃ paṅcavidham bhikkhunīnaṃ catubbidhanti navavidham pātimokkhuddesaṃ na jānāti.

Pavāraṇam na jānātīti navavidham pavāraṇam na jānāti. **Pavāraṇākammaṃ na jānātīti** adhammenavaggādibhedam catubbidham pavāraṇākammaṃ na jānāti.

Āpattānāpattim na jānātīti tasmim tasmim sikkhāpade niddiṭṭham āpattiṅca anāpattiṅca na jānāti.

Āpanno kammakatoti āpattim āpanno tappaccayāva saṅghena kammaṃ kataṃ hoti.

Nappaṭippassambhanavaggavaṇṇanā

420. Kammaṃ nappaṭippassambhetabbanti ayaṃ yasmā anulomavatte na vattati, tasmā nāssa kammaṃ paṭippassambhetabbaṃ; sarajjukova vissajjetabboti attho.

421. Sace upāli saṅgho samaggakaraṇīyāni kammāni karotīti sace samaggehi karaṇīyāni uposathādīni kammāni karoti, uposathapavāraṇādīsu hi ʘhitāsu upatthambho na dātabbo. Sace hi saṅgho accayaṃ desāpetvā saṅghasāmaggiṃ karoti, tiṇavatthārakasamathaṃ vā katvā uposathapavāraṇaṃ karoti, evarūpaṃ samaggakaraṇīyaṃ nāma kammaṃ hoti. **Tatra ceti** sace tādise kamme bhikkhuno nakkhamati, diṭṭhāvīkammampi katvā tathārūpā sāmaggī upetabbā, evaṃ vilomaggāho na gaṇhitabbo. Yatra pana uddhammaṃ ubbinayaṃ satthu sāsanaṃ dīpenti, tattha diṭṭhāvīkammaṃ na vaṭṭati, paṭibāhitvā pakkamitabbaṃ.

Ussitamantī cāti lobhadosaṃmohamānussannaṃ vācaṃ bhāsītā kaṇhavāco anattakadīpano. **Nissitajappīti** attano dhammatāya ussadayuttaṃ bhāsituṃ na sakkoti; atha kho “mayā saddhiṃ rājā evaṃ kathesi, asukamahāmatto evaṃ kathesi, asuko nāma mayhaṃ ācariyo vā upajjhāyo vā teṭṭhako mayā saddhiṃ evaṃ kathesi”ti evaṃ aññaṃ nissāya jappati. **Na ca bhāsānusandhikusaloti** kathānusandhivacane ca vinicchayānusandhivacane ca akusalo hoti. **Na yathādhamme yathāvinayeti** na bhūtena vatthunā āpattiṃ sāretvā codetā hoti.

Ussādetā hotīti “amhākaṃ ācariyo mahāteṭṭhako paramadhammakathiko”tiādīnā nayena ekaccaṃ ussādeti. Dutiyapade “āpattiṃ kiṃ so na jānāti”tiādīnā ekaccaṃ apasādeti. **Adhammaṃ gaṇhātīti** anīyānikapakkhaṃ gaṇhāti. **Dhammaṃ paṭibāhatīti** niyyānikapakkhaṃ paṭibāhati. **Samphaṇca bahuṃ bhāsātīti** bahuṃ niratthakakathaṃ katheti.

Pasayha pavattā hotīti anajjhīṭṭho bhāre anāropite kevalaṃ mānaṃ nissāya ajjhottharivā anadhikāre kathetā hoti. **Anokāsakammaṃ kāretvāti** okāsakammaṃ akāretvā pavattā hoti. **Na yathādiṭṭhiyā byākatā hotīti** yassa attano diṭṭhi taṃ purakkhatvā na byākatā; laddhiṃ nikkhipitvā ayathābhuccaṃ adhammādīsu dhammādīladdhiko hutvā kathetā hotīti attho.

Vohāravaggavaṇṇanā

424. Āpattiyā payogaṃ na jānātīti “ayaṃ āpatti kāyappayogā, ayaṃ vacīpayogā”ti na jānāti. **Āpattiyā vūpasamaṃ na jānātīti** “ayaṃ āpatti desanāya vūpasamati, ayaṃ vuṭṭhānena, ayaṃ neva desanāya na vuṭṭhānenā”ti na jānāti. **Āpattiyā na vinicchayakusalo hotīti** “imasmiṃ vatthusmiṃ ayaṃ āpatti”ti na jānāti, dosānurūpaṃ āpattiṃ uddharitvā patiṭṭhāpetuṃ na sakkoti.

Adhikaraṇasamuṭṭhānaṃ na jānātīti “idaṃ adhikaraṇaṃ aṭṭhārasa bhedakaravatthūni nissāya samuṭṭhāti, idaṃ catasso vipattiyo, idaṃ pañca vā satta vā āpattikkhandhe, idaṃ cattāri saṅghakiccāni nissāya samuṭṭhāti”ti na jānāti. **Payogaṃ na jānātīti** “idaṃ adhikaraṇaṃ dvādasamūlappayogaṃ, idaṃ cuddasamūlappayogaṃ, idaṃ chamūlapayogaṃ, idaṃ ekamūlapayoga”nti na jānāti. Adhikaraṇānaṃhi yathāsakaṃmūlameva payogā nāma honti, taṃ sabbampi na jānātīti attho. **Vūpasamaṃ na jānātīti** “idaṃ adhikaraṇaṃ dvīhi samathehi vūpasamati, idaṃ tīhi, idaṃ catūhi, idaṃ ekena samathena vūpasamati”ti na jānāti. **Na vinicchayakusalo hotīti** adhikaraṇaṃ vinicchinitvā samathaṃ pāpetuṃ na jānāti.

Kammaṃ na jānātīti tajjanīyādi sattavidhaṃ kammaṃ na jānāti. **Kammaṃsa karaṇaṃ na jānātīti** “idaṃ kammaṃ iminā nīhārena kātabba”nti na jānāti. **Kammaṃsa vatthuaṃ na jānātīti** “idaṃ tajjanīyassa vatthu, idaṃ niyassādīna”nti na jānāti. **Vattanti** sattuṃ kammaṃsa hetṭhā catunnaṃ kammānaṃ aṭṭhārasavidhaṃ tividdhassa ca ukkhepanīyakammaṃsa tecattālīsavidhaṃ vattaṃ na jānāti. **Kammaṃsa vūpasamaṃ na jānātīti** “yo bhikkhu vatte vattitvā yācati, tassa kammaṃ paṭipassambhetabbaṃ, accayo desāpetabbo”ti na jānāti.

Vatthuaṃ na jānātīti sattannaṃ āpattikkhandhānaṃ vatthuaṃ na jānāti. **Nidānaṃ na jānātīti** “idaṃ sikkhāpadaṃ imasmiṃ nagare paññattaṃ, idaṃ imasmi”nti na jānāti. **Paññattiṃ na jānātīti** paññattianupaññattianuppannaṃ paññattivasena tividdhaṃ paññattiṃ na jānāti. **Padapaccābhaṭṭhaṃ na**

jānātī sammukhā kātabbaṃ padaṃ na jānāti. “Buddho bhagavā”ti vattabbe “bhagavā buddho”ti heṭṭhupariyaṃ katvā padaṃ yojeti.

Akusalo ca hoti vinayeti vinayapāliyañca aṭṭhakathāyañca akusalo hoti.

Ñattiṃ na jānātī saṅkhepato hi duvidhā ñatti – “esā ñatti”ti evaṃ niddiṭṭhā ca aniddiṭṭhā ca. Tattha yā evaṃ aniddiṭṭhā, sā “kammañatti” nāma hoti. Yā niddiṭṭhā, sā “kammapādañatti” nāma, taṃ sabbena sabbam ñattiṃ na jānāti. **Ñattiyā karaṇam na jānātī** navasu ṭhānesu kammañattiyā karaṇam na jānāti, dvīsu ṭhānesu kammapādañattiyā. **Ñattiyā anussāvananti** “imissā ñattiyā ekā anussāvanā, imissā tisso”ti na jānāti. **Ñattiyā samatham na jānātī** yvāyaṃ sativinayo, amūlḥavinayo, tassapāpiyasikā, tiṇavattḥarakoti catubbidho samatho ñattiyā vinā na hoti, taṃ ñattiyā samathoti na jānāti. **Ñattiyā vūpasamaṃ na jānātī** yaṃ adhikaraṇam iminā catubbidhena ñattisamathena vūpasamati, tassa taṃ vūpasamaṃ “ayaṃ ñattiyā vūpasamo kato”ti na jānāti.

Suttaṃ na jānātī ubhatovibhaṅgaṃ na jānāti. **Suttānulomaṃ na jānātī** cattāro mahāpadese na jānāti. **Vinayaṃ na jānātī** khandhakaparivāraṃ na jānāti. **Vinayānulomaṃ na jānātī** cattāro mahāpadeseva na jānāti. **Na ca ṭhānāṭṭhānakusaloti** kāraṇākāraṇakusalo na hoti.

Dhammaṃ na jānātī ṭhapetvā vinayapiṭakaṃ avasesaṃ piṭakadvayaṃ na jānāti. **Dhammānulomaṃ na jānātī** suttantike cattāro mahāpadese na jānāti. **Vinayaṃ na jānātī** khandhakaparivārameva na jānāti. **Vinayānulomaṃ na jānātī** cattāro mahāpadese na jānāti. Ubhatovibhaṅgā panettha asaṅgahitā honti, tasmāyaṃ kurundiyaṃ vuttaṃ – “vinayanti sakalaṃ vinayapiṭakaṃ na jānātī”ti taṃ na gahetabbaṃ. **Na ca pubbāparakusalo hotī** purekathāya ca pacchākathāya ca akusalo hoti. Sesam sabbattha vuttapaṭipakkhavasena ñeyyattā pubbe pakāsittā ca uttānamevāti.

Anissitavaggaṇappaṭippassambhanavaggaṇavohāravaggaṇaṇā niṭṭhitā.

Diṭṭhāvikkammavaggaṇaṇā

425. Diṭṭhāvikkammavagge – **diṭṭhāvikkammā**ti diṭṭhīnaṃ āvikammāni; laddhippakāsanāni āpattidesanāsaṅkhātānaṃ vinayakammānametaṃ adhivacanaṃ. **Anāpattiyā diṭṭhiṃ āvi karotī**ti anāpattimeva āpattīti desetīti attho. **Adesanāgāminiyāti** garukāpattiyā diṭṭhiṃ āvikaroti; saṅghādisesañca pārājikañca desetīti attho. **Desitāyāti** lahukāpattiyāpi desetāya diṭṭhiṃ āvikaroti; desetam puna desetīti attho.

Catūhi pañcahi diṭṭhinti yathā catūhi pañcahi diṭṭhi āvikatā hoti, evaṃ āvikaroti; cattāro pañca janā ekato āpattim desetīti attho. **Manomānasenāti** manasaṅkhātēna mānasena diṭṭhiṃ āvikaroti; vacībhedaṃ akatvā citteneva āpattim desetīti attho.

Nānāsaṃvāsakassāti laddhinānāsaṃvāsakassa vā kammanānāsaṃvāsakassa vā santike diṭṭhiṃ āvikaroti; āpattim desetīti attho. **Nānāsīmāyāti** samānasaṃvāsakassāpi nānāsīmāya ṭhitassa santike āvikaroti. Mālakasīmāya hi ṭhitena sīmantarikāya ṭhitassa sīmantarikāya vā ṭhitena avippavāsasīmāya ṭhitassāpi āpattim desetum na vaṭṭati. **Apakatattassāti** ukkhittakassa vā, yassa vā uposathapavāraṇā ṭhapitā honti, tassa santike desetīti attho.

430. **Nālam okāsakammaṃ kātunti** na pariyattam kātum; na kātabbanti attho. Idhāpi apakatatto ukkhittako ca ṭhapitauposathapavāraṇo ca. **Cāvanādhippāyoti** sāsanato cāvetukāmo.

432. **Mandattā momūhattāti** mandabhāvena momūhabhāvena vissajjitampi jānitum asamatto,

kevalaṃ attano momūhabhāvaṃ pakāsentoyeva pucchati ummattako viya. **Pāpicchoti** “evaṃ maṃ jano sambhāvēssatī” ti pāpikāya icchāya pucchati. **Paribhavāti** paribhavaṃ āropetukāmo hutvā pucchati. Aññabyākaraṇesupī eseva nayo. Sesam sabbattha uttānamevāti. Attādānavagge ca dhutaṅgavagge ca yaṃ vattabbaṃ siyā, taṃ sabbam heṭṭhā vuttameva.

Diṭṭhāvikkammavaggavaṇṇanā niṭṭhitā.

Musāvādavaggavaṇṇanā

444. Musāvādavagge – pārājikaṃ gacchatīti **pārājikagāmī**; pārājikāpattibhāvaṃ pāpuṇātīti attho. Itaresupī eseva nayo. Tattha asantauttarimanussadhammārocānamusāvādo pārājikagāmī, amūlakena pārājikena anuddhaṃsanāmusāvādo **saṅghādisesagāmī**, “yo te vihāre vasatī” tiādīnā pariyāyena jānantassa vuttamusāvādo **thullaccayagāmī**, ajānantassa **dukkaṭagāmī**, “sampajānamusāvāde pācittiya” nti āgato **pācittiyagāmī**ti veditabbo.

Adassanenāti vinayadharassa adassanena. Kappiyākappiyesu hi kukkuce uppanne vinayadharaṃ disvā kappiyākappiyabhāvaṃ paṭipucchitvā akappiyaṃ pahāya kappiyaṃ kareyya, taṃ apassanto pana akappiyampi kappiyanti karonto āpajjati. Evaṃ āpajjitabbaṃ āpattiṃ vinayadharassa dassanena nāpajjati, adassaneneva āpajjati, tena vuttaṃ “adassanenā” ti. **Assavanenāti** ekavihārepi vasanto pana vinayadharassa upaṭṭhānaṃ gantvā kappiyākappiyaṃ apucchitvā vā aññesaṅca vuccamānaṃ asuṇanto āpajjatiyeva, tena vuttaṃ “assavanenā” ti. **Pasuttakatāti** pasuttakatāya. Sahagāraseyyaṅhi pasuttakabhāvenapi āpajjati. Akappiye kappiyasaññitāya āpajjanto pana **tathāsaññī** āpajjati. **Satisammosā** ekarattātikamādivasena āpajjitabbaṃ āpajjati. Sesam sabbattha uttānamevāti.

Musāvādavaggavaṇṇanā niṭṭhitā.

Bhikkhunovādavaggavaṇṇanā

450. Bhikkhunivagge – **alābhāyāti** catunnaṃ paccayānaṃ alābhatthāya; yathā paccaye na labhanti, tathā parisakkati vāyamatīti attho. **Anatthāyāti** anattaṃ kalisāsaṇaṃ āropento parisakkati. **Avāsāyāti** avāsathāya; yasmim gāmakhette vasanti, tato nīharaṇatthāya. **Sampayojetīti** asaddhammapaṭisevanatthāya sampayojetī.

451. “Katihi nu kho bhante aṅgehi samannāgatāya bhikkhuniyā kammaṃ kātabba” nti sattannaṃ kammānaṃ aññataraṃ sandhāya pucchati.

454. Na sākacchātābhoti kappiyākappiyanāmarūpaparicchedasamathavipassanādibhedo kathāmaggo na kathetabbo. Yasmā pana khīṇāsavo bhikkhu na viṣaṃvādeti, tathārūpassa kathāmaggassa sāmī hutvā katheti, na itaro; tasmā paṭhamapañcake “na asekkhenā” ti paṭikkhipitvā dutiyapañcake “asekkhenā” tiādī vuttaṃ.

Na atthapaṭisambhidāpattoti atṭhakathāya paṭisambhidāpatto pabhedagataññappatto na hoti. **Na dhammapaṭisambhidāpattoti** pālīdhamme paṭisambhidāpatto na hoti. **Na niruttipaṭisambhidāpattoti** vohāraniruttiyaṃ paṭisambhidāpatto na hoti. **Na paṭibhānapaṭisambhidāpattoti** yāni tāni paṭibhānasañkhātāni atthapaṭisambhidādāni ñāṇāni, tesu paṭisambhidāpatto na hoti. **Yathāvimuttaṃ cittaṃ na paccavekkhitāti** catunnaṃ phalavimuttīnaṃ vasena yathāvimuttaṃ cittaṃ ekūnavīsatiḥedāya paccavekkhāyā na paccavekkhitā hoti. Sesam sabbattha uttānamevāti.

Bhikkhunovādavaggavaṇṇanā niṭṭhitā.

Ubbāhikavaggavaṇṇanā

455. Ubbāhikavagge – **na atthakusaloti** na aṭṭhakathākusalō; atthuddhāre cheko na hoti. **Na dhammakusaloti** ācariyamukhato anuggahitattā pāḷiyam na kusalo, na pāḷisūro. **Na niruttikusaloti** bhāsantaravohāre na kusalo. **Na byañjanakusaloti** sithiladhanitādivasena parimaṇḍalabyañjanāropane kusalo na hoti; na akkharaparicchede nipuṇoti attho. **Na pubbāparakusaloti** atthapubbāpare dhammapubbāpare niruttipubbāpare byañjanapubbāpare purekathāpacchākathāsu ca na kusalo hoti.

Kodhanotiādīni yasmā kodhādīhi abhibhūto kāraṇākāraṇam na jānāti, vinicchitum na sakkoti, tasmā vuttāni. **Pasāretā hoti no sāretāti** mohetā hoti, na satiuppādetā; codakacuditakānam katham moheti pidahati na sāretāti attho. Sesamettha ubbāhikavagge uttānamevāti.

Ubbāhikavaggavaṇṇanā niṭṭhitā.

Adhikaraṇavūpasamavaggavaṇṇanā

457. Adhikaraṇavūpasamavagge – **puggalagaru hotīti** “ayaṃ me upajjhāyo, ayaṃ me ācariyo”tiādīni cintetvā tassa jayaṃ ākaṅkhamāno “adhammaṃ dhammo”ti dīpeti. **Saṅhagaru hotīti** dhammaṅca vinayaṅca amuñcītvā vinicchīnanto saṅhagaruko nāma hoti. Cīvarādīni gahetvā vinicchīnanto **āmisagaruko** nāma hoti, tāni aggahetvā yathādhammaṃ vinicchīnanto **saddhammagaruko** nāma hoti.

458. **Pañcahupāli ākārehīti** pañcahi kāraṇehi saṅho bhijjati – **kammena, uddesena, voharanto, anussāvanena, salākaggāhenāti**. Ettha **kammenāti** apalokanādīsu catūsu kammesu aññatarena kammena. **Uddesenāti** pañcasu pātimokkhuddesesu aññatarena uddesena. **Voharantoti** kathayanto; tāhi tāhi upapattīhi “adhammaṃ dhammo”tiādīni aṭṭhārasa bhedakaravattūni dīpento. **Anussāvanenāti** “nanu tumhe jānātha mayhaṃ uccākulā pabbajitabhāvaṃ bahussutabhāvaṅca, mādiso nāma uddhammaṃ ubbinayaṃ satthu sāsanaṃ gāheyyāti cittampi uppādetum tumhākaṃ yuttaṃ, kiṃ mayhaṃ avīci nīluppalavanamiva sītalo, kimahaṃ apāyato na bhāyāmi”tiādīnā nayena kaṇṇamūle vacībhedam katvā anussāvanena. **Salākaggāhenāti** evaṃ anussāvetvā tesam cittaṃ upatthambhetvā anivattidhamme katvā “gaṇhatha imaṃ salāka”nti salākaggāhena.

Ettha ca kammameva uddeso vā pamāṇam, vohārānussāvanasālākaggāhā pana pubbabhāgā. Aṭṭhārasavattudīpanavasena hi voharante tattha rucijananattham anussāvetvā salākāya gāhīṭayapi abhinnova hoti saṅho. Yadā pana evaṃ cattāro vā atireke vā salākaṃ gāhetvā āveṇikaṃ kammaṃ vā uddesaṃ vā karoti, tadā saṅho bhinno nāma hoti. Iti yaṃ **saṅhabhedakakkhandhakavaṇṇanāyaṃ** avocumhā “evaṃ aṭṭhārasasu vatthūsu yaṃkiñci ekampi vatthum dīpetvā tena tena kāraṇena ‘imaṃ gaṇhatha, imaṃ rocethā’ti saññāpetvā salākaṃ gāhetvā visum saṅhakamme kate saṅho bhinno hoti. Parivāre pana ‘pañcahi, upāli, ākārehi saṅho bhijjati’tiādi vuttaṃ. Tassa iminā idha vuttena saṅhabhedalakkhaṇena atthato nānākaraṇam natthi. Tam panassa nānākaraṇābhāvaṃ tattheva pakāsāyissāmā”ti, svāyaṃ pakāsito hoti.

Paññattanti paññattaṃ etaṃ. Kva paññattaṃ? Vattakkhandhake. Tatra hi cuddasa khandhakavattāni paññattāni. Tenāha – “paññattetaṃ, upāli, mayā āgantukānaṃ bhikkhūnaṃ āgantukavatta”ntiādi. **Evampi kho upāli saṅgharājī hoti, no ca saṅhabhedoti** ettāvata hi saṅgharājimattameva hoti, na tāva saṅhabhedo; anupubbena pana ayaṃ saṅgharājī vaḍḍhamānā saṅhabhedāya saṃvattatīti attho. **Yathāraṭṭanti** rattiparimāṇānurūpaṃ; yathātheranti attho. **Āvenibhāvaṃ karitvāti** visum vavattānaṃ karitvā. **Kammākammāni karontīti** aparāparaṃ saṅhakammaṃ upādāya khuddakāni ceva mahantāni ca kammāni karonti. Sesametthāpi adhikaraṇavūpasamavagge uttānameva.

Saṅghabhedakavaggadvayaṇṇanā

459. Saṅghabhedavaggadvaye – **vinidhāya diṭṭhiṃ kammaṇāti** tesu adhammādīsu adhammādayo eteti evaṃdiṭṭhikova hutvā taṃ diṭṭhiṃ vinidhāya te dhammādivasena dīpetvā visuṃ kammaṃ karoti. Iti yaṃ vinidhāya diṭṭhiṃ kammaṃ karoti, tena evaṃ katena vinidhāya diṭṭhiṃ kammaṇa saddhiṃ pañcaṅgāni honti, “imehi kho upāli pañcahaṅgehī”ti ayamekasmim pañcake atthayojanā. Etena nayena sabbapañcakāni veditabbāni. Etthāpi ca vohārādi aṅgattayaṃ pubbabhāgavaseneva vuttaṃ. Kammuddesavasena pana atekicchatā veditabbā. Sesam sabbattha uttānameva. Na hettha kiñci atthi yaṃ pubbe avuttanayaṃ.

Āvāsikavaggavaṇṇanā

461. Āvāsikavagge – **yathābhatam nikkhattoti** yathā āharitvā ṭhapito.

462. **Vinayabyākaraṇāti** vinayapañhe vissajjanā. **Pariṇāmetīti** niyāmeti dīpeti katheti. Sesamettha uttānameva.

Kathinatthāravaggavaṇṇanā

467. Kathinatthāravagge – **otamasikoti** andhakāragato; tañhi vandantassa mañcapādādīsupi nalāṭam paṭihaññeyya. **Asamannāharantoti** kiccayapasutattā vandanaṃ asamannāharanto. **Suttoti** niddaṃ okkanto. **Ekāvattoti** ekato āvatto sapattapakke ṭhito verī visabhāgapuggalo vuccati; ayaṃ avandiyo. Ayañhi vandiyamāno pādenapi pahareyya. **Aññavihitoti** aññaṃ cintayamāno.

Khādantoti piṭṭhakhajjakādīni khādanto. **Uccāraṇca passāvaṇca karonto** anokāsagattā avandiyo. **Ukkhattakoti** tividhenapi ukkhepanīyakammaṇa ukkhattako avandiyo. Tajjanīyādikammakatā pana cattāro vanditabbā. Uposathapavāraṇāpi tehi saddhiṃ labbhanti. Ādīto paṭṭhāya ca vuttesu avandiyesu naggaṇca ukkhattakaṇca vandantasseva āpatti. Itaresaṃ pana asārappaṭṭhena ca antarā vuttakāraṇena ca vandanā paṭikkhattā. Ito paraṃ **pacchāupasampannādayo** dasapi āpattivatthubhāveneva avandiyā. Te vandantassa hi niyameneva āpatti. Iti imesu pañcasu pañcakesu terasa jane vandantassa anāpatti, dvādasannaṃ vandanāya āpatti.

468. **Ācariyo vandiyoti** pabbajjācariyo upasampadācariyo nissayācariyo uddesācariyo ovādācariyoti ayaṃ pañcavidhopi ācariyo vandiyoti. Sesam sabbattha uttānamevāti.

Kathinatthāravaggavaṇṇanā niṭṭhitā.

Niṭṭhitā ca upālīpañcakavaṇṇanā.

Āpattisamuṭṭhānavaṇṇanā

470. **Acittako āpajjati**tiādīsū sahasayyādīpaṇṇattivajjaṃ asaṇcicca āpajjanto acittako āpajjati, desento sacittako vuṭṭhāti. Yaṃkiñci saṇcicca āpajjanto sacittako āpajjati, tiṇavatthārakena vuṭṭhahanto acittako vuṭṭhāti. Pubbe vuttameva tiṇavatthārakena vuṭṭhahanto acittako āpajjati, acittako vuṭṭhāti. Itaraṃ desento sacittako āpajjati, sacittako vuṭṭhāti. “Dhammadānaṃ karomī”ti padasodhammādīni karonto kusalacitto āpajjati, “buddhānaṃ anusāsaniṃ karomī”ti udaggacitto desento kusalacitto vuṭṭhāti. Domanassiko hutvā desento akusalacitto vuṭṭhāti, tiṇavatthārakena niddāgatova vuṭṭhahanto abyākatacitto vuṭṭhāti. Bhimsāpanādīni katvā “buddhānaṃ sāsaṇaṃ karomī”ti somanassiko desento akusalacitto āpajjati, kusalacitto vuṭṭhāti. Domanassikova desento akusalacitto vuṭṭhāti, vuttanayeneva tiṇavatthārakena vuṭṭhahanto abyākatacitto vuṭṭhāti. Niddokkantasamaye sahaḡāraseyyaṃ āpajjanto

abyākatacitto āpajjati, vuttanayeneva panettha “kusalacitto vuṭṭhātī” tiādi veditabbaṃ.

Paṭhamaṃ pārājikaṃ katihi samuṭṭhānehī tiādi pubbe vuttanayattā uttānameva.

473. Cattāro pārājikā katihi samuṭṭhānehī tiādīsu ukkaṭṭhaparicchedato yaṃ yaṃ samuṭṭhānaṃ yassa yassa labbhati, taṃ sabbaṃ vuttameva hoti.

Āpattisamuṭṭhānavannaṇā niṭṭhitā.

Aparadutiyagāthāsaṅgaṇikaṃ

(1) Kāyikādiāpattivaṇṇanā

474. “Kati āpattiyo kāyikā” tiādigāthānaṃ vissajjane **cha āpattiyo kāyikā**ti antarapeyyāle catutthena āpattisamuṭṭhānena cha āpattiyo āpajjati, “bhikkhu methunaṃ dhammaṃ paṭisevati, āpatti pārājikassā” tiādinā nayena vuttāpattiyo. Kāyadvāre samuṭṭhitattā hi etā kāyikāti vuccanti. **Cha vācasikā**ti tasmimyeva antarapeyyāle pañcamena āpattisamuṭṭhānena cha āpattiyo āpajjati, “bhikkhu pāpiccho icchāpakato” tiādinā nayena vuttāpattiyo. **Chādentassa tissoti** vajjapaṭicchādikāya bhikkhuniyā pārājikaṃ, bhikkhussa saṅghādisesapaṭicchādane pācittiyam, attano duṭṭhullāpattipaṭicchādane dukkaṭaṃ. **Pañca saṃsaggapaccayā**ti bhikkhuniyā kāyasamsagge pārājikaṃ, bhikkhuno saṅghādiseso, kāyena kāyapaṭibaddhe thullaccayam, nissaggiyena kāyapaṭibaddhe dukkaṭaṃ, aṅgulipatodake pācittiyanti imā kāyasamsaggapaccayā pañcāpattiyo.

Aruṇugge tissoti ekarattachārattasattāhadāsāhamāsātikkamavasena nissaggiyam pācittiyam, bhikkhuniyā rattivippavāse saṅghādiseso, “paṭhamampi yāmaṃ chādeti, dutiyampi tatiyampi yāmaṃ chādeti, uddhaste aruṇe channā hoti āpatti, yo chādeti so dukkaṭaṃ desāpetabbo” ti imā aruṇugge tisso āpattiyo āpajjati. **Dve yāvatiyakā**ti ekādasa yāvatiyakā nāma, paññattivasena pana dve hontī bhikkhūnaṃ yāvatiyakā bhikkhūnaṃ yāvatiyakāti. **Ekettha aṭṭhavatthukā**ti bhikkhūnaṃyeva ekā ettha imasmiṃ sāsane aṭṭhavatthukā nāma. **Ekena sabbasaṅgahoti** “yassa siyā āpatti, so āvikareyyā” ti iminā ekena nidānuddesena sabbasikkhāpadānañca sabbapātimokkhuddesānañca saṅgaho hoti.

Vinayassa dve mūlānī kāyo ceva vācā ca. **Garukā dve vuttā**ti pārājikasāṅghādisesā. **Dve duṭṭhullacchādanā**ti vajjapaṭicchādikāya pārājikaṃ saṅghādisesaṃ paṭicchādakassa pācittiyanti imā dve duṭṭhullacchādanāpattiyo nāma.

Gāmantare catassoti “bhikkhu bhikkhuniyā saddhiṃ saṃvidahati, dukkaṭaṃ; aññassa gāmassa upacāraṃ okkamati, pācittiyam; bhikkhuniyā gāmantaraṃ gacchantiyā parikkhitte gāme paṭhamapāde thullaccayam, dutiyapāde saṅghādiseso; aparikkhittassa paṭhamapāde upacārokkamane thullaccayam, dutiyapāde saṅghādiseso” ti imā gāmantare dukkaṭapaṭicchāyathullaccayasaṅghādisesavasena catasso āpattiyo. **Catasso nadipārapaccayā**ti “bhikkhu bhikkhuniyā saddhiṃ saṃvidahati, dukkaṭaṃ; nāvaṃ abhiruhati, pācittiyam; bhikkhuniyā nadipāraṃ gacchantiyā uttaraṇakāle paṭhamapāde thullaccayam, dutiyapāde saṅghādiseso” ti imā catasso. **Ekamaṃse thullaccayanti** manussamaṃse. **Navamaṃsesu dukkaṭanti** sesaakappiyamaṃsesu.

Dve vācasikā rattinti bhikkhūnī rattandhakāre appadīpe purisena saddhiṃ hatthapāse ṭhitā sallapati, pācittiyam; hatthapāsaṃ vijahitvā ṭhitā sallapati, dukkaṭaṃ. **Dve vācasikā divāti** bhikkhūnī divā paṭicchanne okāse purisena saddhiṃ hatthapāse ṭhitā sallapati, pācittiyam; hatthapāsaṃ vijahitvā sallapati, dukkaṭaṃ. **Dadamānassa tissoti** maraṇādhippāyo manussassa viṣaṃ deti, so ce tena marati, pārājikaṃ; yakkhapatānaṃ deti, te ce maranti, thullaccayam; tiracchānagatassa deti, so ce marati,

pācittiyam; aññātikāya bhikkhuniyā cīvaradāne pācittiyanti evam dadamānassa tisso āpattiyo. **Cattāro ca paṭiggaheti** hatthagāha-veṇiggāhesu saṅghādiseso, mukhena aṅgajātaggahaṇe pārājikaṃ, aññātikāya bhikkhuniyā cīvarapaṭiggahaṇe nissaggiyam pācittiyam, avassutāya avassutassa hatthato khādaniyam bhojaniyam paṭiggaṇhantiyā thullaccayam; evam paṭiggahe cattāro āpattikkhandhā honti.

(2) Desanāgāminiyādivaṇṇanā

475. Pañca desanāgāminiyoti lahukā pañca. **Cha sappatikammāti** pārājikaṃ ṭhapetvā avasesā. **Ekettha appatikammāti** ekā pārājikāpatti.

Vinayagarukā dve vuttāti pārājikañceva saṅghādisesaṅca. **Kāyavācasikāni cāti** sabbāneva sikkhāpadāni kāyavācasikāni, manodvāre paññattaṃ ekasikkhāpadampi natthi. **Eko vikāle dhaññarasoti** loṇasovīrakaṃ. Ayameva hi eko dhaññaraso vikāle vaṭṭati. **Ekā ñatticatutthena sammutīti** bhikkhunovādakasammuti. Ayameva hi ekā ñatticatutthakammena sammuti anuññātā.

Pārājikā kāyikā dveti bhikkhūnaṃ methunapārājikaṃ bhikkhūnīnaṅca kāyasamsaggapārājikaṃ. **Dve samvāsabhūmiyoti** attanā vā attānaṃ samānasamvāsakaṃ karoti, samaggo vā saṅgho ukkhittaṃ osāreti. Kurundiyam pana “samānasamvāsakabhūmi ca nānāsamvāsakabhūmi cā”ti evam dve samvāsabhūmiyo vuttā. **Dvinnam ratticedoti** pārivāsikassa ca mānattacārikassa ca paññattā. **Dvaṅgulā duveti** dve dvaṅgulapaññattiyo, “dvaṅgulapabbaparamaṃ ādātabba”nti ayamekā, “dvaṅgulaṃ vā dvemāsaṃ vā”ti ayamekā.

Dve attānaṃ vadhitvānāti bhikkhūnī attānaṃ vadhitvā dve āpattiyo āpajjati; vadhati rodati, āpatti pācittiyassa; vadhati na rodati, āpatti dukkaṭassa. **Dvīhi saṅgho bhijjati**ti kammaṃ ca salākaggāhena ca. **Dvettha paṭhamāpattikāti** ettha sakalepi vinaye dve paṭhamāpattikā ubhinnaṃ paññattivasena. Itarathā pana nava bhikkhūnaṃ nava bhikkhūnīnanti aṭṭhārasa honti. **Ñattiyā karaṇā duveti** dve ñattikiccāni – kammaṅca kammaṃpadakā ca. Navasu ṭhānesu kammaṃ hoti, dvīsu kammaṃpadabhāvena tiṭṭhati.

Pānātipāte tissoti “anodissa opātaṃ khaṇati, sace manusso marati, pārājikaṃ; yakkhāpetānaṃ maraṇe thullaccayam; tiracchānagatassa maraṇe pācittiyā”nti imā tisso honti. **Vācā pārājikā tayoti** vajjapaṭicchādikāya ukkhittānuvattikāya aṭṭhavatthukāyāti. Kurundiyam pana “añattiyā adinnādāne, manussamaraṇe, uttarimanussadhammaullapane cā”ti evam tayo vuttā. **Obhāsanā tayoti** vaccamaggaṃ passāvamaggaṃ ādissa vaṇṇāvaṇṇabhāsane saṅghādiseso, vaccamaggaṃ passāvamaggaṃ ṭhapetvā adhakkhakaṃ ubbhajāṇumaṅgalaṃ ādissa vaṇṇāvaṇṇabhaṇane thullaccayam, ubbhakkhakaṃ adhojāṇumaṅgalaṃ ādissa vaṇṇāvaṇṇabhaṇane dukkaṭam. **Sañcarittena vā tayoti** paṭiggaṇhāti vīmaṃsati paccāharati, āpatti saṅghādisesassa; paṭiggaṇhāti vīmaṃsati na paccāharati, āpatti thullaccayassa; paṭiggaṇhāti na vīmaṃsati na paccāharati, āpatti dukkaṭassāti ime sañcarittena karaṇabhūtena tayo āpattikkhandhā honti.

Tayo puggalā na upasampādetabbāti addhānahīno aṅgahīno vatthuvipanno ca tesam nānākaraṇam vuttameva. Apicettha yo pattacīvarena aparipūro, paripūro ca na yācati, imepi aṅgahīnena saṅgahitā. Mātughātakādayo ca karaṇadukkaṭakā paṇḍakaubhatobyañjanakatiracchānagatasaṅkhātena vatthuvipanneneva saṅgahitāti veditabbā. Esa nayo kurundiyam vutto. **Tayo kammānaṃ saṅgahāti** ñattikappanā, vippakatapaccattam, atītakaraṇanti. Tattha “dādeyya kareyyā”tiādibhedā ñattikappanā; “deti karoti”tiādibhedam vippakatapaccattam; “dinnaṃ kata”ntiādibhedam atītakaraṇam nāmāti imehi tīhi kammāni saṅgayhanti. Aparehipi tīhi kammāni saṅgayhanti – vatthunā, ñattiyā, anussāvanāyāti. Vatthusampannañhi ñattisampannam anussāvanasampannaṅca kammaṃ nāma hoti, tena vuttam “tayo kammānaṃ saṅgahā”ti. **Nāsitaṅkā tayo** nāma mettiyam bhikkhuniṃ nāsetha, dūsako nāsetabbo, dasahaṅgehi samannāgato sāmaṇero nāsetabbo, kaṇṭakam samaṇuddesaṃ nāsethāti evam liṅgasamvāsadaṇḍakammaṇāsānāvāsena tayo nāsitaṅkā

veditabbā. **Tiṇṇannaṃ ekavācīkāti** “anujānāmi bhikkhave dve tayo ekānussāvane kātu”nti vacanato tiṇṇaṃ janānaṃ ekupajjhāyena nānācariyena ekānussāvanā vaṭṭati.

Adinnādāne tissoti pāde vā atirekapāde vā pārājikaṃ, atirekamāsake thullaccayaṃ, māsake vā ūnamāsake vā dukkaṭaṃ. **Catasso methunapaccayāti** akkhayite pārājikaṃ, yebhuyyena khayite thullaccayaṃ, vivaṭakate mukhe dukkaṭaṃ, jatumaṭṭhake pācittiyāṃ. **Chindantassa tissoti** vanappatiṃ chindantassa pārājikaṃ, bhūtagāme pācittiyāṃ, āngajāte thullaccayaṃ. **Pañca chaḍḍitapaccayāti** anodissa viṣaṃ chaḍḍeti, sace tena manusso marati, pārājikaṃ; yakkhapetesu thullaccayaṃ; tiracchānagate pācittiyāṃ; vissatṭhichaḍḍane saṅghādiseso; sekhiyesu harite uccārapassāvachāḍḍane dukkaṭaṃ – imā chaḍḍitapaccayā pañcāpattiyo honti.

Pācittiyena dukkaṭā katāti bhikkhunovādakavaggasmim dasasu sikkhāpadesu pācittiyena saddhim dukkaṭā katā evāti attho. **Caturettha navakā vuttāti** paṭhamasikkhāpadamhiyeva adhammakamme dve, dhammakamme dveti evaṃ cattāro navakā vuttāti attho. **Dvinnāṃ cīvarena cāti** bhikkhūnaṃ santike upasampannāya cīvaraṃ dentassa pācittiyāṃ, bhikkhūnānaṃ santike upasampannāya dentassa dukkaṭanti evaṃ dvinnāṃ bhikkhūnānaṃ cīvaraṃ dentassa cīvarena kāraṇabhūtena āpatti hotīti attho.

Aṭṭha paṭidesanīyāti pāliyaṃ āgatā eva. **Bhuñjantāmakadhaññaena pācittiyena dukkaṭā katāti** āmakadhaññaṃ viññāpetvā bhuñjantiyā pācittiyena saddhim dukkaṭā katāyeva.

Gacchantassa catassoti bhikkhuniyā vā mātugāmena vā saddhim saṃvidhāya gacchantassa dukkaṭaṃ, gāmūpacārokkamane pācittiyāṃ, yā bhikkhunī ekā gāmantaraṃ gacchati, tassā gāmūpacāraṃ okkamantiyā paṭhamapāde thullaccayaṃ, dutiyapāde saṅghādisesoti gacchantassa imā catasso āpattiyo honti. **Ṭhitassa cāpi tattakāti** ṭhitassapi catasso evāti attho. Kathaṃ? Bhikkhunī andhakāre vā paṭicchanne vā okāse mittasanthavavasena purisassa hatthapāse tiṭṭhati, pācittiyāṃ; hatthapāsāṃ vijahitvā tiṭṭhati, dukkaṭaṃ; aruṇuggamanakāle dutiyikāya hatthapāsāṃ vijahantī tiṭṭhati, thullaccayaṃ; vijahitvā tiṭṭhati, saṅghādisesoti nisinnassa catasso āpattiyo. **Nipannassāpi tattakāti** sacepi hi sā nisīdati vā nipajjati vā, etāyeva catasso āpattiyo āpajjati.

(3) Pācittiyavaṇṇanā

476. Pañca pācittiyānīti pañca bhesajjāni paṭiggahetvā nānābhājanesu vā ekabhājane vā amissetvā ṭhapitāni honti, sattāhātikkame so bhikkhu pañca pācittiyāni sabbāni nānāvattukāni ekakkhaṇe āpajjati, “imaṃ paṭhamāṃ āpanno, imaṃ pacchā”ti na vattabbo.

Nava pācittiyānīti yo bhikkhu nava paṇītabhojanāni viññāpetvā tehi saddhim ekato ekaṃ kabaḷaṃ omadditvā mukhe pakkhipitvā paragaḷaṃ atikkāmeti, ayaṃ nava pācittiyāni sabbāni nānāvattukāni ekakkhaṇe āpajjati “imaṃ paṭhamāṃ āpanno, imaṃ pacchā”ti na vattabbo. **Ekavācāya deseyyāti** “ahaṃ, bhante, pañca bhesajjāni paṭiggahetvā sattāhaṃ atikkāmetvā pañca āpattiyo āpanno, tā tumhamūle paṭidesemī”ti evaṃ ekavācāya deseyya, desitāva honti, dvīhi tīhi vācāhi kiccaṃ nāma natthi. Dutiyavissajjanepi “ahaṃ, bhante, nava paṇītabhojanāni viññāpetvā bhuñjitvā nava āpattiyo āpanno, tā tumhamūle paṭidesemī”ti vattabbaṃ.

Vatthum kittetvā deseyyāti “ahaṃ, bhante, pañca bhesajjāni paṭiggahetvā sattāhaṃ atikkāmesim, yathāvattukāṃ taṃ tumhamūle paṭidesemī”ti evaṃ vatthum kittetvā deseyya, desitāva honti āpattiyo, āpattiyā nāmaggaṇena kiccaṃ natthi. Dutiyavissajjanepi “ahaṃ, bhante, nava paṇītabhojanāni viññāpetvā bhutto, yathāvattukāṃ taṃ tumhamūle paṭidesemī”ti vattabbaṃ.

Yāvatatiyake tissoti ukkhittānuvattikāya pārājikaṃ bhedaṅkānuvattakānaṃ kokālikādīnaṃ saṅghādisesaṃ, pāpikāya ditṭhiyā appaṇinissagge caṇḍakālikāya ca bhikkhuniyā pācittiyanti imā

yāvatatiyakā tisso āpattiyo. **Cha vohārapaccayāti** payuttavācāpaccayā cha āpattiyo āpajjati attho. Kathaṃ? Ājīvahetu ājīvakāraṇā pāpiccho icchāpakato asantaṃ abhūtaṃ uttarimanussadhammaṃ ullapati, āpatti pārājikassa. Ājīvahetu ājīvakāraṇā sañcaritaṃ samāpajjati, āpatti saṅghādisesassa. Ājīvahetu ājīvakāraṇā yo te vihāre vasati so arahāti vadati, āpatti thullaccayassa. Ājīvahetu ājīvakāraṇā bhikkhu paṇītabhojanāni attano atthāya viññāpetvā bhuñjati, āpatti pācittiyassa. Ājīvahetu ājīvakāraṇā bhikkhunī paṇītabhojanāni attano atthāya viññāpetvā bhuñjati, āpatti pāṭidesanīyassa. Ājīvahetu ājīvakāraṇā sūpaṃ vā odanaṃ vā agilāno attano atthāya viññāpetvā bhuñjati, āpatti dukkaṭassāti.

Khādantassa tissoti manussamaṃse thullaccayaṃ, avasesesu akappiyamaṃsesu dukkaṭaṃ, bhikkhuniyā lasuṇe pācittiyam. **Pañca bhojanapaccayāti** avassutā avassutassa purisassa hatthato bhojanaṃ gahetvā tattheva manussamaṃsaṃ lasuṇaṃ attano atthāya viññāpetvā gahitapaṇītabhojanāni avasesaṇca akappiyamaṃsaṃ pakkhipitvā vomissakaṃ omadditvā ajjhoharamānā saṅghādisesaṃ, thullaccayaṃ, pācittiyam, pāṭidesanīyam, dukkaṭanti imā pañca āpattiyo bhojanapaccayā āpajjati.

Pañca ṭhānānīti “ukkhittānuvattikāya bhikkhuniyā yāvatatiyaṃ samanubhāsanāya appaṭinissajjantiyā ṇattiyā dukkaṭaṃ, dvīhi kammavācāhi thullaccayaṃ, kammavācāpariyosāne āpatti pārājikassa, saṅghabhedāya parakkamaṇādīsu saṅghādiseso, pāpikāya diṭṭhiyā appaṭinissagge pācittiya”nti evaṃ sabbā yāvatatiyakā pañca ṭhānāni gacchanti. **Pañcannañceva āpattīti** āpatti nāma pañcannaṃ sahadhammikānaṃ hoti, tattha dvinnaṃ nippariyāyena āpattiyeva, sikkhāmaṇasāmaṇerisāmaṇeraṇaṃ pana akappiyattā na vaṭṭati. Iminā pariyāyena tesam āpatti na desāpetabbā, daṇḍakammaṃ pana tesam kātabbam. **Pañcannaṃ adhikaraṇena cāti** adhikaraṇaṇca pañcannamevāti attho. Etesaṃyeva hi pañcannaṃ pattacīvarādīnaṃ atthāya vinicchayaṃvohāro adhikaraṇanti vuccati, gihīnaṃ pana aḍḍakammaṃ nāma hoti.

Pañcannaṃ vinicchayo hotīti pañcannaṃ sahadhammikānaṃyeva vinicchayo nāma hoti. **Pañcannaṃ vūpasamena cāti** etesaṃyeva pañcannaṃ adhikaraṇaṃ vinicchitaṃ vūpasantaṃ nāma hotīti attho. **Pañcannañceva anāpattīti** etesaṃyeva pañcannaṃ anāpatti nāma hotīti attho. **Tīhi ṭhānehi sobhatīti** saṅghādīhi tīhi kāraṇehi sobhati. Katavītikamo hi puggalo sappatikammaṃ āpattiṃ saṅghamaṃjhe gaṇamaṃjhe puggalasantike vā paṭikarivā abbhuṇhasīlo pākatiko hoti, tasmā tīhi ṭhānehi sobhatīti vuccati.

Dve kāyikā rattinti bhikkhunī rattandhakāre purisassa hatthapāse ṭhānanisajjasayanāni kappayamānā pācittiyam, hatthapāsaṃ vijahitvā ṭhānādīni kappayamānā dukkaṭanti dve kāyadvārasambhavā āpattiyo rattim āpajjati. **Dve kāyikā divāti** eteneva upāyena divā paṭicchanne okāse dve āpattiyo āpajjati. **Nijjhāyantassa ekā āpattīti** “na ca, bhikkhave, sārattena mātugāmassa aṅgajātaṃ upanijjhāyitabbam. Yo upanijjhāyeyya, āpatti dukkaṭassā”ti (pārā. 266) nijjhāyantassa ayamekā āpatti. **Ekā piṇḍapātapaccayāti** “na ca, bhikkhave, bhikkhādāyikāya mukhaṃ oloketabba”nti (cūlava. 366) ettha dukkaṭāpatti, antamaso yāguṃ vā byañjanaṃ vā dentassa sāmaṇerassāpi hi mukhaṃ ullokayato dukkaṭameva. Kurundiyam pana “**ekā piṇḍapātapaccayāti** bhikkhuniparipācitaṃ piṇḍapātaṃ bhuñjantassa pācittiya”nti vuttaṃ.

Aṭṭhānisamse sampassanti kosambakakkhandhake vuttānisamse. **Ukkhittakā tayo vuttāti** āpattiyā adassane appaṭikamme pāpikāya ca diṭṭhiyā appaṭinissaggeti. **Tecattālisa sammāvattanāti** tesāyeva ukkhittakānaṃ ettakesu vattesu vattanā.

Pañcaṭhāne musāvādoti pārājikasāṅghādisesathullaccayapācittiyadukkaṭasāṅkhāte pañcaṭṭhāne musāvādo gacchati. **Cuddasa paramanti vuccatīti** dasāhaparamādinayena heṭṭhā vuttaṃ. **Dvādasa pāṭidesanīyāti** bhikkhūnaṃ cattāri bhikkhunīnaṃ aṭṭha. **Catunnaṃ desanāya cāti** catunnaṃ accayadesanāyāti attho. Katamā pana sāti? Devadattena payojitānaṃ abhimārānaṃ accayadesanā, anuruddhattherassa upaṭṭhāyikāya accayadesanā, vaḍḍhassa licchavino accayadesanā, vāsabhagāmiyattherassa ukkhepanīyakammaṃ katvā āgatānaṃ bhikkhūnaṃ accayadesanāti ayaṃ

catunnaṃ accayadesanā nāma.

Aṭṭhaṅgiko musāvādoti “pubbevassa hoti musā bhaṇissa”nti ādiṃ katvā “vinidhāya sañña”nti pariyoṣānehi (pāci. 4-5; pari. 459) aṭṭhahi aṅgehi aṭṭhaṅgiko. Uposathaṅgānipi pāṇaṃ na hanetiādīnā nayena vuttāneva. **Aṭṭha dūteyyaṅgānīti** “idha, bhikkhave, bhikkhu sotā ca hoti sāvetā cā”tiādīnā (cūḷava. 347) nayena saṅghabhedake vuttāni. **Aṭṭha tittiyavattāni** mahākhandaḥke vuttāni.

Aṭṭhavācikā upasampadāti bhikkhunīnaṃ upasampadaṃ sandhāya vuttaṃ. **Aṭṭhannaṃ paccuṭṭhātabbanti** bhattage aṭṭhannaṃ bhikkhunīnaṃ itarāhi paccuṭṭhāya āsannaṃ dātabbaṃ. **Bhikkhunovādako aṭṭhahīti** aṭṭhahaṅgehi samannāgato bhikkhu bhikkhunovādako sammannitabbo.

Ekassa chejjanti gāthāya navasu janesu yo salākaṃ gāhetvā saṅghaṃ bhindati, tasseva chejjaṃ hoti, devadatto viya pārājikaṃ āpajjati. Bhedakānuvattakānaṃ catunnaṃ thullaccayaṃ kokālikādīnaṃ viya, dhammavādīnaṃ catunnaṃ anāpatti. Imā pana āpattiyo ca anāpattiyo ca sabbesaṃ ekavatthukā saṅghabhedavatthukā eva.

Nava āghātavatthūnīti gāthāya navahīti navahi bhikkhūhi saṅgho bhijjati. **Ñattiyā karaṇā navāti** ñattiyā kātabbāni kammāni navāti attho. Sesam uttānameva.

(4) Avandanīyapuggalādivaṇṇanā

477. Dasa puggalā nābhivādetabbāti senāsanakkhandhake vuttā dasa janā. **Añjali sāmīcena cāti** sāmīcikkamma saddhiṃ añjali ca tesam na kātabbo, neva pānīyāpucchanaṭālavaṇṭaggaṇādi khandhakavattaṃ tesam dassetabbam, na añjali paggaṇhitabboti attho. **Dasannaṃ dukkaṇṭanti** tesameva dasannaṃ evaṃ karontassa dukkaṇṭanti hoti. **Dasa cīvaradhāraṇāti** dasa divasāni atirekacīvarassa dhāraṇā anuññātāti attho.

Pañcannaṃ vassaṃvuṭṭhānaṃ, dātabbaṃ idha cīvaranti pañcannaṃ sahadhammikānaṃ sammukhāva dātabbaṃ. **Sattannaṃ santeti** disāpakkantaummattakakhittacittavedanāṭṭānaṃ tiṇṇaṇca ukkhittakānanti imesaṃ sattannaṃ sante patirūpe gāhake parammukhāpi dātabbaṃ. **Soḷasannaṃ na dātabbanti** sesānaṃ cīvarakkhandhake vuttānaṃ paṇḍakādīnaṃ soḷasannaṃ na dātabbaṃ.

Katisataṃ rattisataṃ, āpattiyo chādayitvānāti katisataṃ āpattiyo rattisataṃ chādayitvāna. **Dasasataṃ rattisataṃ, āpattiyo chādayitvānāti** dasasataṃ āpattiyo rattisataṃ chādayitvāna. Ayañhettha saṅkhepattho – yo divase sataṃ sataṃ saṅghādisēpattiyo āpajjitvā dasa dasa divase paṭicchādeti, tena rattisataṃ āpattisahassaṃ paṭicchāditam hoti, so sabbāva tā āpattiyo dasāhapaṭicchannāti parivāsaṃ yācivā dasa rattiyō vasitvāna mucceyya parivāsikoti.

Dvādasa kammadosā vuttāti apalokanakammaṃ adhammenavaggaṃ, adhammenasamaggaṃ, dhammenavaggaṃ, tathā ñattikammañattidutiyakammañatticatutthakammānipīti evaṃ ekekasmim kamme tayo tayo katvā dvādasa kammadosā vuttā.

Catasso kammaṃsāpattiyoti apalokanakammaṃ dhammenasamaggaṃ, tathā sesānipīti evaṃ catasso kammaṃsāpattiyoti vuttā.

Cha kammānīti adhammenavaggakammaṃ, adhammenasamaggakammaṃ, dhammapatirūpakenavaggakammaṃ, dhammapatirūpakenasamaggakammaṃ, dhammenavaggakammaṃ, dhammenasamaggakammanti evaṃ cha kammāni vuttāni. **Ekettha dhammikā katāti** ekaṃ dhammena samaggakammamevettha dhammikaṃ katanti attho. Dutiyagāthāvissajjanepi etadeva dhammikaṃ.

Yaṃ desitāti yāni desitāni vuttāni pakāsītāni. **Anantajinenā**tiādīsu pariyantaparicchedabhāvarahitattā anantaṃ vuccati nibbānaṃ, taṃ bhagavatā raññā sapattagaṇaṃ abhimadditvā rajjaṃ viya kilesagaṇaṃ abhimadditvā jitaṃ vijitaṃ adhigataṃ sampattaṃ, tasmā bhagavā “anantajino”ti vuccati. Sveva iṭṭhāniṭṭhesu nibbikāratāya tādi, vikkhambhanatadaṅgasamucchedapaṭipassaddhinissaraṇavivekasaṅkhātaṃ vivekapañcakaṃ addasāti vivekadassī; tena **anantajinena tādinā vivekadassinā** yāni āpattikkhandhāni desitāni vuttāni. **Ekettha sammati vinā samathehī**ti ayamettha padasambandho, yāni satthārā satta āpattikkhandhāni desitāni, tattha ekāpi āpatti vinā samathehi na sammati, atha kho cha samathā cattāri adhikaraṇānīti sabbepe dhammā sammukhāvinayena sammanti, samāyogaṃ gacchanti. Ettha pana eko sammukhāvinayova vinā samathehi sammati, samathabhāvaṃ gacchati. Na hi tassa aññena samathena vinā anipphatti nāma atthi. Tena vuttaṃ – “ekettha sammati vinā samathehī”ti. Iminā tāva adhippāyena aṭṭhakathāsu attho vutto. Mayaṃ pana “vinā”ti nipātassa paṭisedhanamattamatthaṃ gahetvā “ekettha sammati vinā samathehī”ti etesu sattasu āpattikkhandhesu eko pārājikāpattikkhandho vinā samathehi sammattīti etamatthaṃ roceyyāma. Vuttampi cetam “yā sā āpatti anavasesā, sā āpatti na katamena adhikaraṇena katamamhi ṭhāne na katamena samathena sammattī”ti.

Chaūnadiyaḍḍhasatāti “idha, upāli, bhikkhu adhammaṃ dhammoti dīpeti, tasmim adhammaḍḍhi bhede adhammaḍḍhi, tasmim adhammaḍḍhi bhede dhammaḍḍhi, tasmim adhammaḍḍhi bhede vematiko, tasmim dhammaḍḍhi bhede adhammaḍḍhi, tasmim dhammaḍḍhi bhede vematiko, tasmim vematiko bhede adhammaḍḍhi, tasmim vematiko bhede dhammaḍḍhi, tasmim vematiko bhede vematiko”ti evaṃ yāni aṭṭhārasannaṃ bhedakaravattūnaṃ vasena aṭṭhārasa aṭṭhakāni saṅghabhedakakkhandhake vuttāni, tesam vasena chaūnadiyaḍḍhasataṃ āpāyikā veditabbā.

Aṭṭhārasa anāpāyikāti “idha, upāli, bhikkhu adhammaṃ dhammoti dīpeti, tasmim dhammaḍḍhi bhede dhammaḍḍhi avinidhāya dīṭṭhim avinidhāya khantiṃ avinidhāya ruciṃ avinidhāya bhāvaṃ anussāveti, salākaṃ gāheti ‘ayaṃ dhammo, ayaṃ vinayo, idaṃ satthusāsaṇaṃ, imaṃ gaṇhatha, imaṃ rocethā’ti, ayampi kho, upāli, saṅghabhedako na āpāyiko na nerayiko na kappattho na atekiccho”ti evaṃ ekekasmim vatthusmim ekekaṃ katvā saṅghabhedakakkhandhakāvasāne vuttā aṭṭhārasa janā. Aṭṭhārasa aṭṭhakā chaūnadiyaḍḍhasatavissajjane vuttāyeva.

(5) Soḷasakammādivaṇṇanā

478. Kati kammānītiādīnaṃ sabbagāthānaṃ vissajjanaṃ uttānamevāti.

Aparadutiyaḍḍhāsāṅgaṇikavaṇṇanā niṭṭhitā.

Sedamocanagāthā

(1) Avippavāsapañhāvaṇṇanā

479. Sedamocanagāthāsu **asaṃvāsoti** uposathapavāraṇādinā saṃvāsena asaṃvāso. **Sambhogo ekacco taḥim na labbhatīti** akappiyasambhogo na labbhati, nahāpanabhojanādipaṭijaggaṇaṃ pana mātarāyeva kātuṃ labbhati. **Avippavāsena anāpattīti** sahaḡaraseyyāya anāpatti. **Pañhā mesā kusalehi cintitāti** esā pañhā kusalehi paṇḍitehi cintitā. Assā vissajjanaṃ dāraḡamātuyā bhikkhuniyā veditabbaṃ, tassā hi puttaṃ sandhāyetaṃ vuttanti.

Avissajjitagāthā garubhaṇḡaṃ sandhāya vuttā, attho panassā garubhaṇḡavinicchaye vuttoyeva.

Dasa puggale na vadāmīti senāsanakkhandhake vutte dasa puggale na vadāmi. **Ekādasa vivajjiyāti** ye mahākkhandhake ekādasa vivajjanīyapuggalā vuttā, tepī na vadāmi. Ayaṃ pañhā naggam

bhikkhuṃ sandhāya vuttā.

Kathaṃ nu sikkhāya asādhāraṇoti pañhā nahāpītapubbakaṃ bhikkhuṃ sandhāya vuttā. Ayañhi khurabhaṇḍaṃ pariharitūṃ na labhati, aññe labhanti; tasmā sikkhāya asādhāraṇo.

Taṃ puggalaṃ katamaṃ vadanti buddhāti ayaṃ pañhā nimmitabuddhaṃ sandhāya vuttā.

Adhonābhiṃ vivajjiyāti adhonābhiṃ vivajjetvā. Ayaṃ pañhā yaṃ taṃ asīsakaṃ kabandhaṃ, yassa ure akkhīni ceva mukhañca hoti, taṃ sandhāya vuttā.

Bhikkhu saññācīkāya kuṭinti ayaṃ pañhā tiṇacchādanaṃ kuṭiṃ sandhāya vuttā. Dutiyapañhā sabbamattikāmayāṃ kuṭiṃ sandhāya vuttā.

Āpajjeyya garukaṃ chejjavatthuntī ayaṃ pañhā vajjapaṭicchādikaṃ bhikkhuniṃ sandhāya vuttā. Dutiyapañhā paṇḍakādayo abhabbapuggale sandhāya vuttā. Ekādasapi hi te gihibhāveyeva pārājikaṃ pattā.

Vācāti vācāya anālapanto. Giraṃ no ca pare bhaṇeyyāti “iti ime sossantī”ti parapuggale sandhāya saddampī na nicchāreyya. Ayaṃ pañhā “santiṃ āpattiṃ nāvīkareyya, sampajānamusāvādassa hotī”ti imaṃ musāvādaṃ sandhāya vuttā. Tassa hi bhikkhuno adhammīkāya paṭiññāya tuṇhībhūtassa nisinnassa manodvāre āpatti nāma natthi. Yasmā pana āvikātabbaṃ na āvikaroti, tenassa vacīdvāre akiriyato ayaṃ āpatti samuṭṭhātīti veditabbā.

Saṅghādisesā caturoti ayaṃ pañhā aruṇugge gāmantarapariyāpannaṃ nadipāraṃ okkantabhikkhuniṃ sandhāya vuttā, sā hi sakagāmato paccūsasamaye nikkhamitvā aruṇuggamanakāle vuttappakāraṃ nadipāraṃ okkantamattāva rattivippavāsagāmantarānadipāragaṇamhōhīyanalakkhaṇena ekappahārenea caturo saṅghādisese āpajjati.

Siyā āpattiyo nānāti ayaṃ pañhā ekatoupasampannā dve bhikkhuniyo sandhāya vuttā. Tāsu hi bhikkhūnaṃ santike ekatoupasampannāya hatthato gaṇhantassa pācittiyāṃ, bhikkhūnīnaṃ santike ekatoupasampannāya hatthato gaṇhantassa dukkaṭaṃ.

Caturo janā saṃvidhāyāti ācariyo ca tayo ca antevāsikā chamāsakaṃ bhaṇḍaṃ avaharīmsu, ācariyassa sāhatthikā tayo māsakā, āṇattiyāpi tayova tasmā thullaccayaṃ āpajjati, itaresaṃ sāhatthiko ekeko, āṇattikā pañcāti tasmā pārājikaṃ āpajjīmsu. Ayamettha saṅkhepo. Vitthāro pana adinnādānapārājike saṃvidāvahāraṇṇanāyaṃ vutto.

(2) Pārājikādipañhāvaṇṇanā

480. Chiddaṃ tasmīṃ ghare natthīti ayaṃ pañhā dussakuṭīādīni santhatapeyyālañca sandhāya vuttā.

Telaṃ madhuṃ phāṇitanti gāthā līngaparivattaṃ sandhāya vuttā.

Nissaggiyenāti gāthā pariṇāmanaṃ sandhāya vuttā. Yo hi saṅghassa pariṇatalābhato ekaṃ cīvaraṃ attano, ekaṃ aññassāti dve cīvarāni “ekaṃ mayhaṃ, ekaṃ tassa dehi”ti ekapayaogena pariṇāmeti, so nissaggiyapācittiyañceva suddhikapācittiyañca ekato āpajjati.

Kammañca taṃ kuppeyya vaggapaccayāti ayaṃ pañhā dvādasayojanapamāṇesu bārānāsīdīsu nagaresu gāmasīmaṃ sandhāya vuttā.

Padavītihāramattenāti gāthā sañcarittam sandhāya vuttā, atthopi cassā sañcarittavaṇṇanāyameva vutto.

Sabbāni tāni nissaggiyānīti ayam pañhā aññātikāya bhikkhuniyā dhovāpanam sandhāya vuttā. Sace hi tiṇṇampi cīvarānam kākaūhadanam vā kaddamamakkhitaṃ vā kaṇṇam gahetvā bhikkhunī udakena dhovati, bhikkhussa kāyagātāneva nissaggiyāni honti.

Saraṇagamanampi na tassa atthīti saraṇagamanaupasampadāpi natthi. Ayam pana pañhā mahāpajāpatiyā upasampadam sandhāya vuttā.

Haneyya anariyam mandoti tañhi itthim vā purisaṃ vā anariyam haneyya. Ayam pañhā liṅgaparivattena itthibhūtam pītaṃ purisabhūtañca mātaraṃ sandhāya vuttā.

Na tenānantaram phuseti ayam pañhā migasiṅgatāpasasīhakumārādīnam viya tīracchānamātāpitaro sandhāya vuttā.

Acodayivāti gāthā dūtenupasampadam sandhāya vuttā. **Codayivāti** gāthā paṇḍakādīnam upasampadam sandhāya vuttā. Kurundiyaṃ pana “paṭhamagāthā aṭṭha asamukhākammāni, dutiyā anāpattikassa kammaṃ sandhāya vuttā” ti āgataṃ.

Chindantassa āpattīti vanappatiṃ chindantassa pārājikaṃ, tiṇalatādiṃ chindantassa pācittiyam, aṅgajātam chindantassa thullaccayam. **Chindantassa anāpattīti** kese ca nakhe ca chindantassa anāpatti. **Chādentassa āpattīti** attano āpattiṃ chādentassa aññesaṃ vā āpattiṃ. **Chādentassa anāpattīti** gehādīni chādentassa anāpatti.

Saccam bhaṇantoti gāthāya “sikharaṇīsī ubhatobyañjanāsī” ti saccam bhaṇanto garukaṃ āpajjati, sampajānamusāvāde pana musā bhāsato lahukāpatti hoti, abhūtārocane musā bhaṇanto garukaṃ āpajjati, bhūtārocane saccam bhāsato lahukāpatti hotīti.

(3) Pācittiyādipañhāvaṇṇanā

481. Adhiṭṭhanti gāthā nissaggiyacīvaraṃ anissajjitvā paribhuñjantaṃ sandhāya vuttā.

Atthaṅgate sūriyeti gāthā romanthakaṃ sandhāya vuttā.

Na rattacittoti gāthāya ayamatto – rattacitto methunadhammapārājikaṃ āpajjati. Theyyacitto adinnādānapārājikaṃ, paraṃ maraṇāya cetento manussaviggahapārājikaṃ, saṅghabhedako pana na rattacitto na ca pana theyyacitto na cāpi so paraṃ maraṇāya cetayi, salākaṃ panassa dentassa hoti chejjaṃ, pārājikaṃ hoti, salākaṃ paṭiggaṇhantassa bhedakānuvattakassa thullaccayam.

Gaccheyya adḍhayananti ayam pañhā suppatiṭṭhitanigrodhasadisam ekakulassa rukkhamūlam sandhāya vuttā.

Kāyikānīti ayam gāthā sambahulānam itthīnam kese vā aṅguliyo vā ekato gaṇhantaṃ sandhāya vuttā.

Vācasikānīti ayam gāthā “sabbā tumhe sikharaṇīyo” tiādīnā nayena duṭṭhullabhāṇiṃ sandhāya vuttā.

Tissitthiyo methunam tam na seveti tisso itthiyo vuttā, tāsupi yaṃ tam methunam nāma, tam na

sevati. **Tayo puriseti** tayo purisepi upagantvā methunaṃ na sevati. **Tayo anariyapaṇḍaketi** ubhatobyañjanasaṅkhāte tayo anariye tayo ca paṇḍaketi imepi cha jane upagantvā methunaṃ na sevati. **Na cācare methunaṃ byañjanasminti** anulomapārājikavasenapi methunaṃ nācarati. **Chejjaṃ siyā methunadhammapaccayāti** siyā methunadhammapaccayā pārājikanti. Ayaṃ pañhā aṭṭhavatthukaṃ sandhāya vuttā, tassā hi methunadhammassa pubbabhāgaṃ kāyasamsaggaṃ āpajjitum vāyamantiyā methunadhammapaccayā chejjaṃ hoti.

Mātaraṃ cīvaranti ayaṃ gāthā piṭṭhisamaye vassikasāṭikathāṃ satuppādakaraṇaṃ sandhāya vuttā. Vinicchayo panassā vassikasāṭikasikkhāpadavaṇṇanāyameva vutto.

Kuddho ārādhako hotīti gāthā titthiyavattaṃ sandhāya vuttā. Titthiyo hi vattaṃ pūrayamāno titthiyānaṃ vaṇṇe bhaññamāne kuddho ārādhako hoti, vatthuttayassa vaṇṇe bhaññamāne kuddho gārayho hotīti tathevassā vitthāro vutto. Dutiyagāthāpi tameva sandhāya vuttā.

Saṅghādisesantiādi gāthā yā bhikkhunī avassutāva avassutassa purisassa hatthato piṇḍapātaṃ gahetvā manussamaṃsalasunaṇaṇītabhojanasesaakappiyamaṃsehi saddhiṃ omadditvā ajjhoharati, taṃ sandhāya vuttā.

Eko upasampanno eko anupasampannoti gāthā ākāsagataṃ sandhāya vuttā. Sace hi dvīsu sāmaṇeresu eko iddhiyā kesaggamattampi pathaviṃ muñcivā nisinno hoti, so anupasampanno nāma hoti. Saṅghenāpi ākāse nisīditvā bhūmigatassa kammaṃ na kātappaṃ. Sace karoti, kuppāti.

Akappakatanti gāthā acchinnacīvarakaṃ bhikkhuṃ sandhāya vuttā. Tasmimyeva cassā sikkhāpade vitthārena vinicchayopi vutto.

Na deti na paṭiggaṇhātīti nāpi uyyojikā deti, na uyyojitā tassā hatthato gaṇhāti. **Paṭiggaho tena na vijjatīti** teneva kāraṇena uyyojikāya hatthato uyyojitāya paṭiggaho na vijjati. **Āpajjati garukanti** evaṃ santepi avassutassa hatthato piṇḍapāttaggaṇe uyyojentī saṅghādisesāpattim āpajjati. **Taṅca paribhogapaccayāti** taṅca pana āpattim āpajjamānā tassā uyyojitāya paribhogapaccayā āpajjati. Tassā hi bhojanapariyosāne uyyojikāya saṅghādiseso hotīti. Dutiyagāthā tassāyeva udakadantaponaggahaṇe uyyojanaṃ sandhāya vuttā.

Na bhikkhunī no ca phuseyya vajjanti sattarasakesu hi aññataraṃ āpattim āpajjitvā anādariyena chādayamānāpi bhikkhunī chādanapaccayā vajjaṃ na phusati, aññaṃ navaṃ āpattim nāpajjati, paṭicchannāya vā appaṭicchannāya vā āpattiyā pakkhamānattameva labhati. Ayaṃ pana bhikkhunīpi na hoti, sāvasesaṅca garukaṃ āpajjitvā chādetvā vajjaṃ na phusati. **Pañhā mesā kusalehi cintitāti** ayaṃ kira pañhā ukkhittakabhikkhuṃ sandhāya vuttā. Tena hi saddhiṃ vinayakammaṃ natthi, tasmā so saṅghādisesaṃ āpajjitvā chādentō vajjaṃ na phusatīti.

Sedamocanagāthāvaṇṇanā niṭṭhitā.

Pañcavaggo

Kammavaggavaṇṇanā

482. Kammavagge catunnaṃ kammānaṃ nānākaraṇaṃ samathakkhandhake vuttameva. Kiñcāpi vuttaṃ, atha kho ayaṃ kammavinicchayo nāma ādito paṭṭhāya vuccamāno pākaṭo hoti, tasmā ādito paṭṭhāyevettha vattappaṃ vadissāma. **Cattārīti** kammānaṃ gaṇanaparicchedavacanamaṃ. **Kammānīti** paricchinnakammanidassanaṃ. **Apalokanakammaṃ** nāma sīmaṭṭhakasaṅghaṃ sodhetvā chandārahānaṃ chandaṃ āharitvā samaggassa saṅghassa anumatiyā tikkhattuṃ sāvetvā kattappaṃ

kammaṃ. **Ñattikammaṃ** nāma vuttanayeneva samaggassa saṅghassa anumatiyā ekāya ñattiyā kattabbaṃ kammaṃ. **Ñattidutiyaḥkammaṃ** nāma vuttanayeneva samaggassa saṅghassa anumatiyā ekāya ñattiyā ekāya ca anussāvanāyāti evaṃ ñattidutiyaṃ anussāvanāya kattabbaṃ kammaṃ. **Ñatticatutthakammaṃ** nāma vuttanayeneva samaggassa saṅghassa anumatiyā ekāya ñattiyā tīhi ca anussāvanāhīti evaṃ ñatticatutthāhi tīhi anussāvanāhi kattabbaṃ kammaṃ.

Tattha apalokanakammaṃ apaloketvāva kātabbaṃ, ñattikammādivasena na kātabbaṃ. Ñattikammampi ekaṃ ñattiṃ ṭhapetvāva kātabbaṃ, apalokanakammādivasena na kātabbaṃ. Ñattidutiyaḥkammaṃ pana apaloketvā kātabbampi atthi, akātabbampi atthi.

Tattha sīmāsammuti, sīmāsamūhananaṃ, kathinadānaṃ, kathinuddhāro, kuṭivattihudesanā, vihāravattihudesanāti imāni cha kammāni garukāni apaloketvā kātuṃ na vaṭṭanti, ñattidutiyaḥkammavācaṃ sāvetvāva kātabbāni. Avasesā terasa sammutiyo senāsanaggāhakamatakacīvaradānādisammutiyo cāti etāni lahuḥkammāni apaloketvāpi kātuṃ vaṭṭanti, ñattikamma-ñatticatutthakammavasena pana na kātabbameva. Ñatticatutthakammavasena kayiramānaṃ dalhataraṃ hoti, tasmā kātabbanti ekacce vadanti. Evaṃ pana sati kammaṣaṅkaro hoti, tasmā na kātabbanti paṭikkhittameva. Sace pana akkharaparihīnaṃ vā padaparihīnaṃ vā duruttapadaṃ vā hoti, tassa sodhanatthaṃ punappunaṃ vattuṃ vaṭṭati. Idaṃ akuppakammaṃ dalhīkammaṃ hoti, kuppakammaṃ hutvā tiṭṭhati.

Ñatticatutthakammaṃ ñattiṅca tisso ca kammavācāyo sāvetvāva kātabbaṃ, apalokanakammādivasena na kātabbaṃ. **Pañcahākārehi vipajjantīti** pañcahi kāraṇehi vipajjanti.

483. Sammukhākaraṇīyaṃ kammaṃ asamukhā karoti, vatthuvipannaṃ adhammakammanti ettha atthi kammaṃ sammukhākaraṇīyaṃ; atthi asamukhākaraṇīyaṃ; tattha asamukhākaraṇīyaṃ nāma dūtenupasampadā, pattanikkujjanaṃ, pattukkujjanaṃ, ummattakassa bhikkhuno ummattakasammuti, sekkhānaṃ kulānaṃ sekkhasammuti, channassa bhikkhuno brahmadaṇḍo, devadattassa pakāsaṇīyakammaṃ, appasādanīyaṃ dassentassa bhikkhuno bhikkhunisaṅghena kātabbaṃ avandanīyakammanti aṭṭhavidhaṃ hoti, taṃ sabbam tattha tattha vuttanayeneva veditabbaṃ. Idaṃ aṭṭhavidhampi kammaṃ asamukhā kataṃ sukataṃ hoti akuppaṃ.

Sesāni sabbakammāni sammukhā eva kātabbāni – saṅghasammukhatā, dhammasammukhatā, vinayasammukhatā, puggalasammukhatāti imaṃ catubbidhaṃ sammukhāvinayaṃ upanetvāva kātabbāni. Evaṃ katāni hi sukatāni honti. Evaṃ akatāni panetāni imaṃ sammukhāvinayaṣaṅkhātaṃ vatthuṃ vinā katattā vatthuvipannāni nāma honti. Tena vuttaṃ – “sammukhākaraṇīyaṃ kammaṃ asamukhā karoti, vatthuvipannaṃ adhammakamma”nti.

Paṭipucchākaraṇīyādīsupi paṭipucchādikaraṇameva vatthu, taṃ vatthuṃ vinā katattā tesampi vatthuvipannatā veditabbā. Idaṃ panettha vacanattamattaṃ. **Paṭipucchā karaṇīyaṃ appaṭipucchā karotīti** pucchitvā codetvā sāretvā kātabbaṃ apucchitvā acodetvā asāretvā karoti. **Paṭiññāya karaṇīyaṃ appaṭiññāya karotīti** paṭiññaṃ āropetvā yathādinnāya paṭiññāya kātabbaṃ appaṭiññāya karontassa vippalapantassa balakkārena karoti. **Sativinayārahassāti** dabbamallaputtattherasadisassa khīṇāsavassa. **Amūlḥavinayārahassāti** gaggabhikkhusadisassa ummattakassa. **Tassapāpiyasikammārahassāti** upavāḷabhikkhusadisassa ussannapāpassa. Esa nayo sabbattha.

Anuposathe uposathaṃ karotīti anuposathadivase uposathaṃ karoti. Uposathadivaso nāma ṭhapetvā kattikamāsaṃ avasesesu ekādasasu māsesu bhinnassa saṅghassa sāmaggidivaso ca yathāvuttacātuddasapannarasā ca. Etaṃ tippakāraṃpi uposathadivasaṃ ṭhapetvā aññasmiṃ divase uposathaṃ karonto anuposathe uposathaṃ karoti nāma. Yatra hi pattacīvarādīnaṃ atthāya appamattakena kāraṇena vivadantā uposathaṃ vā pavāraṇaṃ vā ṭhapenti, tattha tasmim adhikaraṇe vinicchite “samaggā jātāmhā”ti antarā sāmaggiuposathaṃ kātuṃ na labhanti, karontehi anuposathe

uposatho kato nāma hoti.

Apavāraṇāya pavāretīti apavāraṇādivase pavāreti; pavāraṇādivaso nāma ekasmiṃ kattikamāse bhinnassa saṅghassa sāmaggidivaso ca paccukkaḍḍhitvā ṭhapitadivaso ca dve ca puṇṇamāsiyo. Evaṃ catubbidhampi pavāraṇādivasaṃ ṭhapetvā aññasmiṃ divase pavārento apavāraṇāya pavāreti nāma. Idhāpi appamattakassa vivādassa vūpasame sāmaggipavāraṇaṃ kātuṃ na labhanti, karontehi apavāraṇāya pavāraṇā katā hoti. Apica ūnavīsativassaṃ vā antimavatthuṃ ajjhāpannapubbaṃ vā ekādasasu vā abhabbapuggalesu aññataraṃ upasampādentassapi vatthuvipannaṃ adhammakammaṃ hoti. Evaṃ vatthuto kammāni vipajjanti.

484. Ñattito vipattiyaṃ pana **vatthuṃ na parāmasatī**ti yassa upasampadādikammaṃ karoti, taṃ na parāmasatī, tassa nāmaṃ na gaṇhāti. “Suṇātu me bhante saṅgho, ayaṃ dhammarakkhito āyasmato buddharakkhitassa upasampadāpekkho”ti vattabbe “suṇātu me bhante saṅgho, āyasmato buddharakkhitassa upasampadāpekkho”ti vadati; evaṃ vatthuṃ na parāmasatī.

Saṅghaṃ na parāmasatīti saṅghassa nāmaṃ na gaṇhāti. “Suṇātu me bhante saṅgho, ayaṃ dhammarakkhito”ti vattabbe “suṇātu me bhante, ayaṃ dhammarakkhito”ti vadati; evaṃ saṅghaṃ na parāmasatī.

Puggalaṃ na parāmasatīti yo upasampadāpekkhassa upajjhāyo, taṃ na parāmasatī, tassa nāmaṃ na gaṇhāti. “Suṇātu me bhante saṅgho, ayaṃ dhammarakkhito āyasmato buddharakkhitassa upasampadāpekkho”ti vattabbe “suṇātu me, bhante saṅgho, ayaṃ dhammarakkhito upasampadāpekkho”ti vadati; evaṃ puggalaṃ na parāmasatī.

Ñattiṃ na parāmasatīti sabbena sabbaṃ ñattiṃ na parāmasatī. Ñattidutiyakamme ñattiṃ aṭṭhapetvā dvikkhattuṃ kammavācāya eva anussāvanakammaṃ karoti. Ñatticatutthakammepi ñattiṃ aṭṭhapetvā catukkhattuṃ kammavācāya eva anussāvanakammaṃ karoti; evaṃ ñattiṃ na parāmasatī.

Pacchā vā ñattiṃ ṭhapetīti paṭhamaṃ kammavācāya anussāvanakammaṃ katvā “esā ñattī”ti vatvā “khamatī saṅghassa tasmā tuṅhī evametam dhārayāmi”ti vadati; evaṃ pacchā ñattiṃ ṭhapeti. Iti imehi pañcahākārehi ñattito kammāni vipajjanti.

485. Anussāvanato vipattiyaṃ pana vatthuādīni vuttanayeneva veditabbāni. Evaṃ pana nesaṃ aparāmasanaṃ hoti – “suṇātu me bhante saṅgho”ti paṭhamānussāvane “dutiyaṃpi etamatthaṃ vadāmi, tatiyaṃpi etamatthaṃ vadāmi, suṇātu me bhante saṅgho”ti dutiyatatiyānussāvanāsu vā “ayaṃ dhammarakkhito āyasmato buddharakkhitassa upasampadāpekkho”ti vattabbe “suṇātu me bhante saṅgho, āyasmato buddharakkhitassa”ti vadanto vatthuṃ na parāmasatī nāma. “Suṇātu me bhante saṅgho, ayaṃ dhammarakkhito”ti vattabbe “suṇātu me bhante, ayaṃ dhammarakkhito”ti vadanto saṅghaṃ na parāmasatī nāma. “Suṇātu me bhante saṅgho, ayaṃ dhammarakkhito āyasmato buddharakkhitassa”ti vattabbe “suṇātu me bhante saṅgho, ayaṃ dhammarakkhito upasampadāpekkho”ti vadanto puggalaṃ na parāmasatī nāma.

Sāvanaṃ hāpetīti sabbena sabbaṃ kammavācāya anussāvanaṃ na karoti, ñattidutiyakamme dvikkhattuṃ ñattimeva ṭhapeti, ñatticatutthakamme catukkhattuṃ ñattimeva ṭhapeti; evaṃ anussāvanaṃ hāpeti. Yopi ñattidutiyakamme ekaṃ ñattiṃ ṭhapetvā ekaṃ kammavācaṃ anussāvento akkharaṃ vā chaḍḍeti, padaṃ vā duruttaṃ karoti, ayampi anussāvanaṃ hāpetiyeva. Ñatticatutthakamme pana ekaṃ ñattiṃ ṭhapetvā sakimeva vā dvikkhattuṃ vā kammavācāya anussāvanaṃ karontopi akkharaṃ vā padaṃ vā chaḍḍentopi duruttaṃ karontopi anussāvanaṃ hāpetiyevāti veditabbo.

Duruttaṃ karotīti ettha pana ayaṃ vinicchayo – yo hi aññasmiṃ akkhare vattabbe aññaṃ vadati, ayaṃ duruttaṃ karoti nāma. Tasmā kammavācaṃ karontena bhikkhunā yvāyaṃ –

“Sithilaṃ dhanitañca dīgharassaṃ, garukaṃ lahukañca niggahitaṃ;
Sambandhaṃ vavatthitaṃ vimuttaṃ, dasadhā byañjanabuddhiyā pabhedo”ti.

Vutto, ayaṃ suṭṭhu upalakkhetabbo. Ettha hi “**sithilaṃ**” nāma pañcasu vaggesu paṭhamatatiyaṃ. “**Dhanitaṃ**” nāma tesveva dutiyacatutthaṃ. “**Dīgha**”nti dīghena kālena vattabbaṃ ākārādi. “**Rassa**”nti tato upaḍḍhakālena vattabbaṃ akārādi. “**Garuka**”nti dīghameva. Yaṃ vā āyasmato buddharakkhitattherassa yassa nakkhamatīti evaṃ saṃyogaparaṃ katvā vuccati. “**Lahuka**”nti rassameva. Yaṃ vā āyasmato buddharakkhitattherassa yassa na khamatīti evaṃ asaṃyogaparaṃ katvā vuccati. “**Niggahita**”nti yaṃ karaṇāni niggahetvā avissajjetvā avivaṭena mukhena sānūnāsikaṃ katvā vattabbaṃ. “**Sambandha**”nti yaṃ parapadena sambandhitvā “tuṇhissā”ti vā “tuṇhassā”ti vā vuccati. “**Vavatthita**”nti yaṃ parapadena asambandhaṃ katvā vicchinditvā “tuṇhī assā”ti vā “tuṇha assā”ti vā vuccati. “**Vimutta**”nti yaṃ karaṇāni aniggahetvā vissajjetvā vivaṭena mukhena anūnāsikaṃ akatvā vuccati.

Tattha “suṇātu me”ti vattabbe ta-kāraṃ tha-kāraṃ katvā “suṇātu me”ti vacanaṃ sithilassa dhanitakaraṇaṃ nāma. Tathā “pattakallaṃ, esā ñatti”ti vattabbe “patthakallaṃ, esā ñatti”tiādivacanañca. “Bhante saṅho”ti vattabbe bha-kāra gha-kāraṃ ba-kāra ga-kāre katvā “bante saṅho”ti vacanaṃ dhanitassa sithilakaraṇaṃ nāma. “Suṇātu me”ti vivaṭena mukhena vattabbe pana “suṇātu me”ti vā “esā ñatti”ti vattabbe “esam ñatti”ti vā avivaṭena mukhena anūnāsikaṃ katvā vacanaṃ vimuttassa niggahitavacanaṃ nāma. “Pattakalla”nti avivaṭena mukhena anūnāsikaṃ katvā vattabbe “pattakallā”ti vivaṭena mukhena anūnāsikaṃ akatvā vacanaṃ niggahitassa vimuttavacanaṃ nāma.

Iti sithile kattabbe dhanitaṃ, dhanite kattabbe sithilaṃ, vimutte kattabbe niggahitaṃ, niggahite kattabbe vimuttanti imāni cattāri byañjanāni antokammavācāya kammaṃ dūsentī. Evaṃ vadanto hi aññasmiṃ akkhare vattabbe aññaṃ vadati, duruttaṃ karotīti vuccati. Itaresu pana dīgharassādīsu chasu byañjanesu dīghaṭṭhāne dīghameva, rassaṭṭhāne ca rassamevāti evaṃ yathāṭṭhāne taṃ tadeva akkharaṃ bhāsantena anukkamaḡataṃ paveniṃ avināsentena kammavācā kātabbā. Sace pana evaṃ akatvā dīghe vattabbe rassaṃ, rasse vā vattabbe dīghaṃ vadati; tathā garuke vattabbe lahukaṃ, lahuke vā vattabbe garukaṃ vadati; sambandhe vā pana vattabbe vavatthitaṃ, vavatthite vā vattabbe sambandhaṃ vadati; evaṃ vuttepi kammavācā na kuppati. Imāni hi cha byañjanāni kammaṃ na kopenti.

Yaṃ pana suttantikattherā “da-kāro ta-kāramāpajjati, ta-kāro da-kāramāpajjati, ca-kāro ja-kāramāpajjati, ja-kāro ca-kāramāpajjati, ya-kāro ka-kāramāpajjati, ka-kāro ya-kāramāpajjati; tasmā da-kārādīsu vattabbesu ta-kārādivacanaṃ na virujjhati”ti vadantī, taṃ kammavācaṃ patvā na vaṭṭati. Tasmā vinayadharena neva da-kāro ta-kāro kātabbo...pe... na ka-kāro ya-kāro. Yathāpāliyaṃ niruttiṃ sodhetvā dasavidhāya byañjananiruttiyā vuttadose pariharantena kammavācā kātabbā. Itarathā hi sāvanaṃ hāpeti nāma.

Akāle vā sāvetīti sāvanāya akāle anokāse ñattiṃ aṭṭhapetvā paṭhamameva anussāvanakammaṃ katvā pacchā ñattiṃ ṭhapeti. Iti imehi pañcahākārehi anussāvanato kammāni vipajjanti.

486. Sīmato vipattiyaṃ pana **atikhuddakasīmā** nāma yā ekavīsati bhikkhū na gaṇhāti. Kurundiyaṃ pana “yattha ekavīsati bhikkhū nisīdituṃ na sakkontī”ti vuttaṃ. Tasmā yā evarūpā sīmā, ayaṃ sammatāpi asammataṃ, gāmakhettasadisāva hoti, tattha kataṃ kammaṃ kuppati. Esa nayo sesasīmāsūpi. Ettha pana **atimahaṭī** nāma yā kesaggamattenāpi tiyojanaṃ atikkāmetvā sammatā hoti. **Khaṇḍanimittā** nāma aghaṭṭitanimittā vuccati. Puratthimāya disāya nimittaṃ kittetvā anukkameneva dakkhiṇāya pacchimāya uttarāya disāya kittetvā puna puratthimāya disāya pubbakittitaṃ nimittaṃ paṭikittetvāva ṭhapetuṃ vaṭṭati; evaṃ akhaṇḍanimittā hoti. Sace pana anukkamena āharitvā uttarāya disāya nimittaṃ kittetvā tattheva ṭhapeti, khaṇḍanimittā hoti. Aparāpi **khaṇḍanimittā** nāma yā animittupagaṃ tacasāraruḡkhaṃ vā khāṇukaṃ vā paṃsupuṇḡjavālikāpuṇḡjanaṃ vā aññataraṃ antarā

ekaṃ nimittaṃ katvā sammatā hoti. **Chāyānimittā** nāma yā pabbatacchāyādīnaṃ yaṃkiñci chāyaṃ nimittaṃ katvā sammatā hoti. **Animittā** nāma yā sabbena sabbaṃ nimittāni akittetvā sammatā hoti.

Bahisīme ṭhito sīmaṃ sammannati nāma nimittāni kittetvā nimittānaṃ bahi ṭhito sammannati. **Nadiyā samudde jātassare sīmaṃ sammannatīti** etesu nadiādīsu yaṃ sammannati, sā evaṃ sammatāpi “sabbā, bhikkhave, nadī asīmā, sabbo samuddo asīmo, sabbo jātassaro asīmo”ti (mahāva. 147) vacanato asammatāva hoti. **Sīmāya sīmaṃ sambhindatīti** attano sīmāya paresaṃ sīmaṃ sambhindati. **Ajjhottharatīti** attano sīmāya paresaṃ sīmaṃ ajjhottharati. Tattha yathā sambhedo ca ajjhottharaṇaṅca hoti, taṃ sabbaṃ uposathakkhandhake vuttameva. Iti imā ekādasapi sīmā asīmā gāmakhettsadisā eva, tāsu nisīditvā kataṃ kammaṃ kuppati. Tena vuttaṃ “imehi ekādasahi ākārehi sīmato kammāni vipajjantī”ti.

487-488. Parisato kammavipattiyaṃ pana kiñci anuttānaṃ nāma natthi. Yampi tattha kammappattachandārahalakkhaṇaṃ vattabbaṃ siyā, tampi parato “cattāro bhikkhū pakatattā kammappattā”tiādīnā nayena vuttameva. Tattha **pakatattā kammappattāti** catuvaggakaraṇe kamme cattāro pakatattā anukkhittā anissarītā parisuddhasīlā cattāro bhikkhū kammappattā kammassa arahā anucchavikā sāmīno. Na tehi vinā taṃ kammaṃ kayirati, na tesāṃ chando vā pārīsuddhi vā eti. Avasesā pana sacepi sahasamattā honti, sace samānasamvāsakā, sabbe chandārahāva honti. Chandapārīsuddhiṃ datvā āgacchantu vā mā vā, kammaṃ pana tiṭṭhati. Yassa pana saṅgho parivāsādikammaṃ karoti, so neva kammappatto, nāpi chandāraho. Apica yasmā taṃ puggalaṃ vatthūṃ katvā saṅgho kammaṃ karoti, tasmā “kammāraho”ti vuccati. Sesakammesupi eseva nayo.

489. Puna **cattāri kammānīti**ādiko nayo paṇḍakādīnaṃ avatthubhāvadassanattaṃ vutto. Sesamettha uttānameva.

Apalokanakammakathā

495-496. Idāni tesāṃ kammānaṃ pabhedadassanattaṃ “**apalokanakammaṃ kati ṭhānāni gacchatī**”tiādīmāha. Tattha “**apalokanakammaṃ pañca ṭhānāni gacchati – osāraṇaṃ, nissāraṇaṃ, bhaṇḍukammaṃ, brahmaḍaṇḍaṃ, kammalakkhaṇaṅṅeva pañcama**”nti ettha “osāraṇaṃ nissāraṇa”nti padasiliṭṭhatāyetaṃ vuttaṃ. Paṭhamaṃ pana nissāraṇā hoti, pacchā osāraṇā. Tattha yā kaṅṭakasāmaṇerassa daṇḍakammaṇāsanā, sā “nissāraṇā”ti veditabbā. Tasmā etarahi sacepi sāmaṇero buddhassa vā dhammassa vā saṅghassa vā avaṇṇaṃ bhaṇati, “akappiyaṃ kappiya”nti dīpeti, micchādiṭṭhiko hoti antaggāhikāya diṭṭhiyā samannāgato, so yāvatiyaṃ nivāretvā taṃ laddhiṃ nissajjāpetabbo. No ce vissajjeti, saṅghaṃ sannipātetvā “vissajjehī”ti vattabbo. No ce vissajjeti, byattena bhikkhunā apalokanakammaṃ katvā nissāretabbo. Evaṅca pana kammaṃ kātabbaṃ –

“Saṅghaṃ, bhante, pucchāmi – ‘ayaṃ itthannāmo sāmaṇero buddhassa dhammassa saṅghassa avaṇṇavādī micchādiṭṭhiko, yaṃ aññe sāmaṇerā labhanti, dirattatirattaṃ bhikkhūhi saddhiṃ sahaseyyaṃ, tassa alābhāya nissāraṇā ruccati saṅghassā’ti. Dutiyampi... tatiyampi, bhante, saṅghaṃ pucchāmi – ‘ayaṃ itthannāmo sāmaṇero buddhassa...pe... ruccati saṅghassā’ti cara pire vinassā’ti.

So aparena samayena “ahaṃ, bhante, bālatāya aññānatāya alakkhikatāya evaṃ akāsiṃ, svāhaṃ saṅghaṃ khamāpemi”ti khamāpento yāvatiyaṃ yācāpetvā apalokanakammeneva osāretabbo. Evaṃ pana osāretabbo, saṅghamajjhe byattena bhikkhunā saṅghassa anumatiyā sāvetabbaṃ –

“Saṅghaṃ, bhante, pucchāmi – ‘ayaṃ itthannāmo sāmaṇero buddhassa dhammassa saṅghassa avaṇṇavādī micchādiṭṭhiko, yaṃ aññe sāmaṇerā labhanti, bhikkhūhi saddhiṃ dirattatirattaṃ sahaseyyaṃ, tassa alābhāya nissārīto, svāyaṃ idāni sorato nivātavutti

lajjidhammaṃ okkanto hirottappe patiṭṭhito katadaṇḍakamma accayaṃ deseti, imassa sāmaṇerassa yathā pure kāyasambhogasāmaggidānaṃ ruccati saṅghassā’’ti.

Evaṃ tikkhattuṃ vattabbaṃ. Evaṃ apalokanakammaṃ osāraṇaṇca nissāraṇaṇca gacchati.

Bhaṇḍukammaṃ mahākhandhakavaṇṇanāyaṃ vuttameva. **Brahmadaṇḍo** pañcasatikakkhandhake vuttoyeva. Na kevalaṃ panesa channasseva paññatto, yo aññopi bhikkhu mukharo hoti, bhikkhū duruttavacanehi ghaṭṭento khumsento vambhento viharati, tassapi dātabbo. Evaṇca pana dātabbo, saṅghamajjhe byattena bhikkhunā saṅghassa anumatiyā sāvetabbaṃ –

“Bhante, itthannāmo bhikkhu mukharo, bhikkhū duruttavacanehi ghaṭṭento viharati. So bhikkhu yaṃ iccheyya, taṃ vadeyya. Bhikkhūhi itthannāmo bhikkhu neva vattabbo, na ovaditabbo, na anusāsitaḥ. Saṅghaṃ, bhante, pucchāmi – ‘itthannāmassa bhikkhuno brahmadaṇḍassa dānaṃ, ruccati saṅghassā’’ti. Dutiyampi pucchāmi, tatiyampi pucchāmi – ‘itthannāmassa, bhante, bhikkhuno brahmadaṇḍassa dānaṃ, ruccati saṅghassā’’ti.

Tassa aparena samayena sammā vattitvā khamāpentassa brahmadaṇḍo paṭippassambhetabbo. Evaṇca pana paṭippassambhetabbo, byattena bhikkhunā saṅghamajjhe sāvetabbaṃ –

“Bhante, bhikkhusaṅgho asukassa bhikkhuno brahmadaṇḍaṃ adāsi, so bhikkhu sorato nivātavutti lajjidhammaṃ okkanto hirottappe patiṭṭhito, paṭisaṅkhā āyatim saṃvare tiṭṭhati, saṅghaṃ, bhante, pucchāmi, tassa bhikkhuno brahmadaṇḍassa paṭippassaddhi, ruccati saṅghassā’’ti.

Evaṃ yāvatatiyaṃ vatvā apalokanakammeneva brahmadaṇḍo paṭippassambhetabboti.

Kammalakkhaṇaṇṇeva pañcamanti yaṃ taṃ bhagavatā bhikkhunikkhandhake “tena kho pana samayena chabbaggiyā bhikkhū bhikkhuniyo kaddamodakena osiñcanti, ‘appeva nāma amhesu sārājjeyyu’nti, kāyaṃ vivarivā bhikkhunīnaṃ dassenti, ūruṃ vivarivā bhikkhunīnaṃ dassenti, aṅgajātaṃ vivarivā bhikkhunīnaṃ dassenti, bhikkhuniyo obhāsenti, bhikkhunīhi saddhiṃ sampayojenti, ‘appeva nāma amhesu sārājjeyyu’nti. Imesu vatthūsu tesam bhikkhūnaṃ dukkaṭaṃ paññapetvā ‘anujānāmi bhikkhave tassa bhikkhuno daṇḍakammaṃ kātu’nti. Atha kho bhikkhunīnaṃ etadahosi – ‘kiṃ nu kho daṇḍakammaṃ kātabba’nti. Bhagavato etamatthaṃ ārocesuṃ – ‘avandiyō so bhikkhave bhikkhu bhikkhunisaṅghena kātabbo’’ti evaṃ avandiyakammaṃ anuññātaṃ, taṃ kammalakkhaṇaṇṇeva pañcamam imassa apalokanakammaṃsa ṭhānaṃ hoti. Tassa hi kammaṇṇeva lakkhaṇaṃ, na osāraṇādīni; tasmā “kammalakkhaṇa’’nti vuccati. Tassa karaṇaṃ tattheva vuttaṃ. Apica naṃ paṭippassaddhiyā saddhiṃ vitthārato dassetuṃ idhāpi vadāma, bhikkhunupassaye sannipatitassa bhikkhunisaṅghassa anumatiyā byattāya bhikkhuniyā sāvetabbaṃ –

“Ayye asuko nāma ayyo bhikkhunīnaṃ apāsādikaṃ dasseti, etassa ayyassa avandiyakaraṇaṃ ruccatīti bhikkhunisaṅghaṃ pucchāmi, dutiyampi... tatiyampi bhikkhunisaṅghaṃ pucchāmi’’ti.

Evaṃ tikkhattuṃ sāvetvā apalokanakammena avandiyakammaṃ kātabbaṃ.

Tato paṭṭhāya so bhikkhu bhikkhunīhi na vanditabbo. Sace avandiyamāno hirottappaṃ paccupaṭṭhapetvā sammā vattati, tena bhikkhuniyo khamāpetabbā. Khamāpentena bhikkhunupassayaṃ agantvā vihāreyeva saṅghaṃ vā gaṇaṃ vā ekaṃ bhikkhuṃ vā upasaṅkamitvā ukkuṭikaṃ nisīditvā añjaliṃ paggahetvā “ahaṃ bhante paṭisaṅkhā āyatim saṃvare tiṭṭhāmi, na puna apāsādikaṃ dassessāmi, bhikkhunisaṅgho mayhaṃ khamatū’’ti khamāpetabbaṃ. Tena saṅghena vā gaṇena vā ekaṃ bhikkhuṃ pesetvā ekabhikkhunā vā sayameva gantvā bhikkhuniyo vattabbā – “ayaṃ bhikkhu paṭisaṅkhā āyatim saṃvare ṭhito, iminā accayaṃ desetvā bhikkhunisaṅgho khamāpito, bhikkhunisaṅgho imaṃ vandiyaṃ

karotū’’ti. So vandiyo kātabbo. Evañca pana kātabbo, bhikkhunupassaye sannipatitassa bhikkhunisaṅghassa anumatiyā byattāya bhikkhuniyā sāvetabbaṃ –

“Ayaṃ ayye asuko nāma ayyo bhikkhunīnaṃ apāsādikaṃ dassetīti bhikkhunisaṅghena avandiyo kato, so lajjidhammaṃ okkamitvā paṭisaṅkhā āyatim samvare t̥hito accayaṃ desetvā bhikkhunisaṅghaṃ khamāpesi, tassa ayyassa vandiya karaṇaṃ ruccatīti bhikkhunisaṅghaṃ pucchāmī’’ti –

Tikkhattuṃ vattabbaṃ evaṃ apalokanakammeneva vandiyo kātabbo.

Ayaṃ panettha pāḷimuttakopi kammalakkhaṇavinicchayo. Idañhi kammalakkhaṇaṃ nāma bhikkhunisaṅghamūlakaṃ paññattaṃ, bhikkhusaṅghassa paṇetaṃ labbhatiyeva. Yañhi bhikkhusaṅgho salākaggayāgaggabhataṅgauposathaggesu apalokanakammaṃ karoti, etampi kammalakkhaṇameva. Acchinnacīvaraḷiṇṇacīvaranaṭṭhacīvarānañhi saṅghaṃ sannipātetvā byattena bhikkhunā yāvatiyaṃ sāvetvā apalokanakammaṃ katvā cīvaraṃ dātuṃ vaṭṭati. Appamattakavissajjakena pana cīvaraṃ karontassa senāsanakkhandhakavaṇṇanāyaṃ vuttappabhedāni sūciādāni anapaloketvāpi dātabbāni. Tesam dāne soyeva issaro, tato atirekaṃ dentena apaloketvā dātabbaṃ. Tato hi atirekadāne saṅgho sāmī. Gilānabhesajjampi tattha vuttappakāraṃ sayameva dātabbaṃ. Atirekaṃ icchantassa apaloketvā dātabbaṃ. Yopi ca dubbalo vā chinniriyaṃpatho vā pacchinnabhikkhācārapatho vā mahāgilāno, tassa mahāvāsesu tatrūppādato devasikaṃ nāḷi vā upaḍḍhanāḷi vā ekadivasamyeva vā pañca vā dasa vā taṇḍulanāḷiyo dentena apalokanakammaṃ katvāva dātabbā. Pesalassa bhikkhuno tatrūppādato iṇṇapalibodhampi bahussutassa saṅghabhāranitthāraḷakassa bhikkhuno anuṭṭhāpanīyasenaṇānampi saṅghakiccaṃ karontānaṃ kappiyakāraḷādīnaṃ bhattavetanampi apalokanakammena dātuṃ vaṭṭati.

Catupaccayavasena dinnatatrūppādato saṅghikaṃ āvāsaṃ jagḷāpetuṃ vaṭṭati. “Ayaṃ bhikkhu issaravatāya vicāretī’’ti kathāpacchindanattaṃ pana salākaggādīsu vā antarasannipāte vā saṅghaṃ pucchitvāva jagḷāpetabbo. Cīvaraḷiṇṇapātathāya odissadinnatatrūppādatoḷi apaloketvā āvāso jagḷāpetabbo. Anapaloketvāpi vaṭṭati. “Sūro vatāyaṃ bhikkhu cīvaraḷiṇṇapātathāya dinnato āvāsaṃ jagḷāpetī’’ti evaṃ uppannakathāpacchedanattaṃ pana apalokanakammameva katvā jagḷāpetabbo.

Cetiye chattaṃ vā vedikaṃ vā bodhigharaṃ vā āsanagharaṃ vā akataṃ vā karontena ḷiṇṇaṃ vā paṭisaṅkharontena sudhākammaṃ vā karontena manusse samādetvā kātuṃ vaṭṭati. Sace kāraḷo natthi, cetiyassa upanikkhepato kāretabbaṃ. Upanikkhepepi asati apalokanakammaṃ katvā tatrūppādato kāretabbaṃ, saṅghikenapi. Saṅghikena hi apaloketvā cetiyakiccaṃ kātuṃ vaṭṭati. Cetiyaṃ santakena apaloketvāpi saṅghikakiccaṃ kātuṃ na vaṭṭati. Tāvakālikaṃ pana gahetvā pākatiḷaṃ kātuṃ vaṭṭati.

Cetiye sudhākammādāni karontehi pana bhikkhācārato vā saṅghato vā yāpanamattaṃ alabhantehi cetiyasantakato yāpanamattaṃ gahetvā paribhuṇṇantehi vattaṃ kātuṃ vaṭṭati, “vattaṃ karomā’’ti macchamaṃsādīhi saṅghabhattaṃ kātuṃ na vaṭṭati. Ye vihāre ropitā phalarukkhā saṅghena pariggahitā honti, jagḷānakammaṃ labhanti, yesaṃ phalāni ghaṇṭim paharivā bhājetvā paribhuṇṇanti, tesu apalokanakammaṃ na kātabbaṃ. Ye pana apariggahitā, tesu apalokanakammaṃ kātabbaṃ. Taṃ pana salākaggayāgaggabhataṅgaantarasaṇṇipātesuḷi kātuṃ vaṭṭati, uposathagge pana vaṭṭatiyeva. Tattha hi anāgatānampi chandapārisuddhi āhariyati, tasmā taṃ suvisodhitaṃ hoti.

Evañca pana kātabbaṃ, byattena bhikkhunā bhikkhusaṅghassa anumatiyā sāvetabbaṃ –

“Bhante, yaṃ imasmiṃ vihāre antosīmāya saṅghasantakaṃ mūlatacapattaṇṇakurapupphaphalakhādānīyādi atthi, taṃ sabbam āgatāgatānaṃ bhikkhūnaṃ yathāsukhaṃ paribhuṇṇituṃ ruccatīti saṅghaṃ pucchāmī’’ti tikkhattuṃ pucchitabbaṃ.

Catūhi pañcahi bhikkhūhi kataṃ sukataṃmeva. Yasmiṃ vihāre dve tayo janā vasanti, tehi nisīditvā

katampi saṅghena katasadisameva. Yasmiṃ pana vihāre eko bhikkhu hoti, tena bhikkhunā uposathadivase pubbakaraṇapubbakiccaṃ katvā nisinnena katampi katikavattaṃ saṅghena katasadisameva hoti.

Karontena pana phalavārena kātumpi cattāro māse cha māse ekasaṃvaccharanti evaṃ paricchinditvāpi aparicchinditvāpi kātuṃ vaṭṭati. Paricchinne yathāparicchedaṃ paribhuñjitvā puna kātappaṃ. Aparicchinne yāva rukkhā dharanti tāva vaṭṭatiyeva. Yepi tesāṃ rukkhānaṃ bījehi aññe rukkhā ropitā honti, tesampi sā eva katikā.

Sace pana aññasmiṃ vihāre ropitā honti, tesāṃ yattha ropitā, tasmimyeva vihāre saṅgho sāmī. Yepi aññato bījāni āharitvā purimavihāre pacchā ropitā, tesu aññā katikā kātappā. Katikāya katāya puggalikaṭṭhāne tiṭṭhanti, yathāsukhaṃ phalādīni paribhuñjituṃ vaṭṭati. Sace panettha taṃ taṃ okāsaṃ parikkhipitvā pariveṇāni katvā jagganti, tesāṃ bhikkhūnaṃ puggalikaṭṭhāne tiṭṭhanti. Aññe paribhuñjituṃ na labhanti, tehi pana saṅghassa dasabhāgaṃ datvā paribhuñjitabbāni. Yopi majjhevihāre rukkhāṃ sākāhi parivāretvā rakkhati, tassāpi eseva nayo.

Porānavihāraṃ gatassa sambhāvanīyabhikkhuno “thero āgato”ti phalāphalaṃ āharanti, sace tattha mūle sabbapariyattidharo bahussutabhikkhu vihāsi, “addhā ettha dīghā katikā katā bhavissatī”ti nikkukkuccena paribhuñjitappaṃ. Vihāre phalāphalaṃ piṇḍapātikānaṃ vaṭṭati, dhutaṅgaṃ na kopeti. Sāmaṇerā attano ācariyupajjhāyānaṃ bahūni phalāni denti, aññe bhikkhū alabhantā khiyyanti, khiyyanamattameva cetāṃ hoti.

Sace pana dubbhikkhaṃ hoti, ekaṃ panasarukkhaṃ nissāya saṭṭhipi janā jīvanti, tādise kāle sabbesaṃ saṅghakaraṇatthāya bhājetvā khādippaṃ, ayaṃ sāmīci. Yāva pana katikavattaṃ na paṭippassambhati, tāva tehi khāyitaṃ sukhāyitameva. Kadā pana katikavattaṃ paṭippassambhati? Yadā samaggo saṅgho sannipatitvā “ito paṭṭhāya bhājetvā khādantū”ti sāveti. Ekabhikkhuke pana vihāre ekena sāvitepi purimakatikā paṭippassambhatiyeva. Sace paṭippassaddhāya katikāya sāmaṇerā neva rukkhatō pātentī, na bhūmito gahetvā bhikkhūnaṃ denti, patitaphalāni pādehi paharantā vicaranti, tesāṃ dasabhāgato paṭṭhāya yāva upaḍḍhaphalabhāgena phātikammaṃ kātappaṃ. Addhā phātikammalobhena āharitvā dassanti. Puna subhikkhe jāte kappiyakārakesu āgantvā sākāparivārādīni katvā rukkhe rakkhantesu sāmaṇerānaṃ phātikammaṃ na dātappaṃ, bhājetvā paribhuñjitappaṃ.

“Vihāre phalāphalaṃ atthī”ti sāmantaḡamehi manussā gilānānaṃ vā gabbhinīnaṃ vā atthāya āgantvā “ekaṃ nāḷikerāṃ detha, ambaṃ detha, labujaṃ dethā”ti yācanti, dātappaṃ na dātabbanti? Dātappaṃ. Adīyamāne hi te domanassikā honti, dentena pana saṅghaṃ sannipātetvā yāvatiyaṃ sāvetvā apalokanakammaṃ katvā dātappaṃ, katikavattaṃ vā katvā ṭhapetappaṃ, evaṃca pana kātappaṃ, byattena bhikkhunā saṅghassa anumatiyā sāvetappaṃ –

“Sāmantaḡamehi manussā āgantvā gilānādīnaṃ atthāya phalāphalaṃ yācanti, dve nāḷikerāni, dve tālaphalāni, dve panasāni, pañca ambāni, pañca kadaliphalāni gaṇhantānaṃ anivāraṇaṃ, asukarukkhatō ca asukarukkhatō ca phalaṃ gaṇhantānaṃ anivāraṇaṃ rucati bhikkhusaṅghassa”ti tikkhattuṃ vattappaṃ.

Tato paṭṭhāya gilānādīnaṃ nāmaṃ gahetvā yācantā “gaṇhathā”ti na vattabbā, vattaṃ pana ācikkhitappaṃ – “nāḷikerādīni iminā nāma paricchedena gaṇhantānaṃ asukarukkhatō ca asukarukkhatō ca phalaṃ gaṇhantānaṃ anivāraṇaṃ kata”nti. Anuvicaritvā pana “ayaṃ madhuraphalo ambo, ito gaṇhathā”tipi na vattabbā. Phalabhājanakāle pana āgatānaṃ sammatena upaḍḍhabhāgo dātabbo, asammatena apaloketvā dātappaṃ.

Khīṇapariḡbayo vā maggagamiyasatthavāho vā aññō vā issaro āgantvā yācati, apaloketvā dātappaṃ. Balakkārena gahetvā khādanto na vāretabbo. Kuddho hi so rukkhepi chindeyya, aññampi

anattamaṃ kareyya. Puggalikapariveṇaṃ āgantvā gilānassa gāmena yācanto “amhehi chāyādīnaṃ atthāya ropitaṃ, sace atthi, tumhe jānāthā”ti vattabbo. Yadi pana phalabharitāva rukkhā honti, kaṇṭake bandhitvā phalavārena khādanti, apaccāsīsentena hutvā dātabbaṃ. Balakkārena gaṇhanto na vāretabbo, pubbe vuttamevettha kāraṇaṃ.

Saṅghassa phalārāmo hoti, paṭijagganaṃ na labhati, sace taṃ koci vattasīsenā jaggati, saṅghasseva hoti. Athāpi kassaci paṭibalassa bhikkhuno “imaṃ sappurisa jaggitvā dehi”ti saṅgho bhāraṃ karoti, so ce vattasīsenā jaggati, evampi saṅghasseva hoti. Phātikammaṃ paccāsīsentassa pana tatiyabhāgena vā upaḍḍhabhāgena vā phātikammaṃ kātabbaṃ. “Bhāriyaṃ kamma”nti vatvā ettakena anicchanto pana sabbamaṃ taveva santakaṃ katvā “mūlabhāgaṃ dasabhāgamattaṃ datvā jaggāhī”tipi vattabbo. Garubhaṇḍattā pana mūlacchejjavasena na dātabbaṃ. So mūlabhāgaṃ datvā khādanto akatāvāsaṃ vā katvā katāvāsaṃ vā jaggitvā nissitakānaṃ āraṃaṃ niyyādeti, tehipi mūlabhāgo dātabbova. Yādā pana bhikkhū sayamaṃ jaggituṃ pahonti, atha tesamaṃ jaggituṃca na dātabbaṃ, jaggitakāle ca na vāretabbā, jagganakāleyeva vāretabbā. “Bahumaṃ tumhehi khāyitaṃ, idāni mā jaggittha, bhikkhusaṅghoyeva jaggissati”ti vattabbo.

Sace pana neva vattasīsenā jagganto atthi, na phātikammaṃ, na saṅgho jaggituṃ pahoti, eko anāpucchitvāva jaggitvā phātikammaṃ vaḍḍhetvā paccāsīsati, apalokanakammaṃ phātikammaṃ vaḍḍhetvā dātabbaṃ. Iti imaṃ sabbampi kammalakkhaṇameva hoti. Apalokanakammaṃ imāni pañca ṭhānāni gacchati.

Ñattikammaṭṭhānabhede pana “suṇātu me bhante saṅgho, itthannāmo itthannāmassa āyasmato upasampadāpekkho, anusitṭho so mayā. Yadi saṅghassa pattakallaṃ, itthannāmo āgaccheyyāti, āgacchāhīti vattabbo”ti evamaṃ upasampadāpekkhassa osāraṇā osāraṇā nāma.

“Suṇantu me āyasmantā, ayaṃ itthannāmo bhikkhu dhammakathiko imassa neva suttaṃ āgacchati, no suttavibhaṅgo, so atthaṃ asallakkhetvā byañjanacchāyāya atthaṃ paṭibāhati. Yādāyasmantānaṃ pattakallaṃ, itthannāmaṃ bhikkhumaṃ vuṭṭhāpetvā avasesā imaṃ adhikaraṇaṃ vūpasameyyāma”ti evamaṃ ubbāhikāvinicchaye dhammakathikassa bhikkhuno nissāraṇā nissāraṇā nāma.

“Suṇātu me bhante saṅgho, ajjuposatho pannaraso. Yadi saṅghassa pattakallaṃ, saṅgho uposathaṃ kareyyā”ti evamaṃ uposathakammavasena ṭhapitā ñatti uposatho nāma.

“Suṇātu me bhante saṅgho, ajja pavāraṇā pannarasī. Yadi saṅghassa pattakallaṃ, saṅgho pavāreyyā”ti evamaṃ pavāraṇākammavasena ṭhapitā ñatti pavāraṇā nāma.

“Suṇātu me bhante saṅgho, itthannāmo itthannāmassa āyasmato upasampadāpekkho. Yadi saṅghassa pattakallaṃ, ahaṃ itthannāmaṃ anusāseyya”nti. “Yadi saṅghassa pattakallaṃ, itthannāmo itthannāmaṃ anusāseyyā”ti. “Yadi saṅghassa pattakallaṃ, ahaṃ itthannāmaṃ antarāyike dhamme puccheyya”nti. “Yadi saṅghassa pattakallaṃ, itthannāmo itthannāmaṃ antarāyike dhamme puccheyyā”ti. “Yadi saṅghassa pattakallaṃ, ahaṃ itthannāmaṃ vinayaṃ puccheyya”nti. “Yadi saṅghassa pattakallaṃ, itthannāmo itthannāmaṃ vinayaṃ puccheyyā”ti. “Yadi saṅghassa pattakallaṃ, ahaṃ itthannāmena vinayaṃ puṭṭho vissajjeyya”nti. “Yadi saṅghassa pattakallaṃ, itthannāmo itthannāmena vinayaṃ puṭṭho vissajjeyyā”ti evamaṃ attānaṃ vā paraṃ vā sammannitumaṃ ṭhapitā ñatti sammuti nāma.

“Suṇātu me bhante saṅgho, idaṃ cīvaraṃ itthannāmassa bhikkhuno nissaggiyaṃ saṅghassa nissatṭhaṃ. Yadi saṅghassa pattakallaṃ, saṅgho imaṃ cīvaraṃ itthannāmassa bhikkhuno dadeyyā”ti. “Yādāyasmantānaṃ pattakallaṃ, āyasmantā imaṃ cīvaraṃ itthannāmassa bhikkhuno dadeyyu”nti evamaṃ nissatṭhacīvarapattādīnaṃ dānaṃ dānaṃ nāma.

“Suṇātu me bhante saṅgho, ayaṃ itthannāmo bhikkhu āpattiṃ sarati, vivarati, uttāniṃ karoti, deseti. Yadi saṅghassa pattakallaṃ, ahaṃ itthannāmassa bhikkhuno āpattiṃ paṭiggaṇheyanti. Yadāyasmantānaṃ pattakallaṃ, ahaṃ itthannāmassa bhikkhuno āpattiṃ paṭiggaṇheyā”nti. Tena vattabbo “passasī”ti. “Āma passāmī”ti. Āyatiṃ saṃvareyyāsīti evaṃ āpattiṃ paṭiggaho paṭiggaho nāma.

“Suṇantu me, āyasmantā āvāsikā. Yadāyasmantānaṃ pattakallaṃ, idāni uposathaṃ kareyyāma, pātimokkhaṃ uddiseyyāma, āgame kāle pavāreyyāma”ti. Te ce, bhikkhave, bhikkhū bhaṇḍanakārakā kalahakārakā vivādakārakā bhassakārakā saṅghe adhikaraṇakārakā taṃ kālaṃ anuvaseyyuṃ, āvāsikena bhikkhunā byattena paṭibalena āvāsikā bhikkhū ñāpetabbā – “suṇantu me, āyasmantā āvāsikā. Yadāyasmantānaṃ pattakallaṃ, idāni uposathaṃ kareyyāma, pātimokkhaṃ uddiseyyāma, āgame juṅhe pavāreyyāma”ti evaṃ katā pavāraṇāpaccukkaḍḍhanā paccukkaḍḍhanā nāma.

Sabbeheva ekajjhaṃ sannipatitabbaṃ, sannipatitvā byattena bhikkhunā paṭibalena saṅgho ñāpetabbo – “suṇātu me, bhante, saṅgho amhākaṃ bhaṇḍanajātānaṃ kalahajātānaṃ vivādāpannānaṃ viharataṃ bahuṃ assāmaṇakaṃ ajjhāciṇṇaṃ bhāsitarikkantaṃ. Sace mayaṃ imāhi āpattihi aññamaññaṃ kāressāma, siyāpi taṃ adhikaraṇaṃ kakkhaḷattāya vāḷattāya bhedāya saṃvatteyya. Yadi saṅghassa pattakallaṃ, saṅgho imaṃ adhikaraṇaṃ tiṇavattārakena vūpasameyya ṭhapetvā thullavajjaṃ, ṭhapetvā ghipaṭisayutta”nti evaṃ tiṇavattārakasamathena katvā sabbapaṭhamā sabbasaṅgāhikañatti kammalakkhaṇaṃ nāma.

Tathā tato parā ekekasmim pakkhe ekekaṃ katvā dve ñattiyo iti yathāvuttappabhedam osāraṇaṃ nissāraṇaṃ...pe... kammalakkhaṇaññeva navamanti ñattikammaṃ imāni nava ṭhānāni gacchati.

Ñattidutiyakammaṭṭhānabhede pana vaḍḍhassa licchavino pattanikkujjanavasena khandhake vuttā nissāraṇā. Tasseva pattukujjanavasena vuttā osāraṇā ca veditabbā.

Sīmāsammuti ticīvarena avippavāsasammuti, santhatasammuti, bhattuddesaka-senāsanaggāhāpaka-bhaṇḍāgārika-cīvarapaṭiggāhaka-cīvarabhājaka-yāgubhājaka-phalabhājaka-khajjabhājaka-appamattakavissajjaka-sāṭiyaggāhāpaka-pattaggāhāpaka-ārāmikapesakasāmaṇerapesakasammuti etiāsaṃ sammutiṇaṃ vasena sammuti veditabbā. Kathinacīvaradānamatakacīvaradānavasena dānaṃ veditabbaṃ.

Kathinuddhāravasena uddhāro veditabbo. Kuṭivattuvihāravatthudesanāvasena desanā veditabbā. Yā pana tiṇavattārakasamathe sabbasaṅgāhikañattiṇca ekekasmim pakkhe ekekaṃ ñattiñcāti tisso ñattiyo ṭhapetvā puna ekasmim pakkhe ekā, ekasmim pakkhe ekāti dve ñattidutiyakammavācā vuttā, tāsaṃ vasena kammalakkhaṇaṃ veditabbaṃ. Iti ñattidutiyakammaṃ imāni satta ṭhānāni gacchati.

Ñatticatutthakammaṭṭhānabhede pana tajjanīyakammādīnaṃ sattannaṃ kammānaṃ vasena nissāraṇā, tesamyeva ca kammānaṃ paṭippassambhanavasena osāraṇā veditabbā. Bhikkhunovādakasammutivasena sammuti veditabbā. Parivāsadānamānattadānavasena dānaṃ veditabbaṃ. Mūlāyapaṭikassanakammavasena niggaho veditabbo. “Ukkhittānuvattikā aṭṭha, yāvattiyakā ariṭṭho caṇḍakālī ca ime te yāvattiyakā”ti imāsaṃ ekādasannaṃ samanubhāsanānaṃ vasena samanubhāsanā veditabbā. Upasampadākammaabbhānakammavasena pana kammalakkhaṇaṃ veditabbaṃ. Iti ñatticatutthakammaṃ imāni satta ṭhānāni gacchati.

497. Iti kammāni ca kammavipattiṇca vipattivirahitānaṃ kammānaṃ ṭhānapabhedagamaṇaṇca dassetvā idāni tesam kammānaṃ kārakassa saṅghassa paricchedam dassento puna “**catuvaggakaraṇe kamme**”tiādīmāha. Tassattho parisato kammavipattivaṇṇanāyaṃ vuttanayeneva veditabboti.

Kammavaggavaṇṇanā niṭṭhitā.

Atthavasavaggādivaṇṇanā

498. Idāni yāni tāni tesam kammānaṃ vatthubhūtāni sikkhāpadāni, tesam paññattiyam ānisaṃsaṃ dassetuṃ “**dve atthavase paṭicca**”tiādi āraddhaṃ. Tattha **diṭṭhadhammikānaṃ verānaṃ saṃvarāyāti** pāṇātipātādīnaṃ pañcannaṃ diṭṭhadhammikaverānaṃ saṃvaratthāya pidahanatthāya. **Samparāyikānaṃ verānaṃ paṭighātāyāti** vipākadukkhasaṅkhātānaṃ samparāyikaverānaṃ paṭighātathāya, samucchedanatthāya anuppajjanatthāya. **Diṭṭhadhammikānaṃ vajjānaṃ saṃvarāyāti** tesameva pañcannaṃ verānaṃ saṃvaratthāya. **Samparāyikānaṃ vajjānanti** tesameva vipākadukkhānaṃ. Vipākadukkhāneva hi idha vajjanīyabhāvato vajjānāti vuttāni. **Diṭṭhadhammikānaṃ bhayānanti** garahā upavādo tajjanīyādīni kammāni uposathapavāraṇānaṃ ṭhapanam akittipakāsānīyakammanti etāni diṭṭhadhammikabhayāni nāma, etesaṃ saṃvaratthāya. **Samparāyikabhayāni** pana vipākadukkhāniyeva, tesam paṭighātathāya. **Diṭṭhadhammikānaṃ akusalānanti** pañcaveradasaakusalakammappathappabhedānaṃ akusalānaṃ saṃvaratthāya. Vipākadukkhāneva pana akkhamatṭhena **samparāyikaakusalānanti** vuccanti, tesam paṭighātathāya. **Gihīnaṃ anukampāyāti** agārikānaṃ saddhārakkhaṇavasena anukampanatthāya. **Pāpicchānaṃ pakkhupacchedāyāti** pāpicchapuggalānaṃ gaṇabandhabhedanatthāya gaṇabhojanasikkhāpadaṃ paññattaṃ. Sesam sabbattha uttānameva. Yañhettha vattabbaṃ siyā, taṃ sabbam paṭhamapārājikavaṇṇanāyameva vuttanti.

Sikkhāpadesu atthavasena vaṇṇanā niṭṭhitā.

499. Pātimokkhādīsu **pātimokkhuddesoti** bhikkhūnaṃ pañcavidho bhikkhūnaṃ catubbidho. Parivāsadānādīsu **osāraṇīyam paññattanti** aṭṭhārasasu vā tecattālīsāya vā vattesu vattamānassa osāraṇīyam paññattaṃ. Yena kammena osārīyati, taṃ kammaṃ paññattanti attho. **Nissāraṇīyam paññattanti** bhaṇḍanakārakādayo yena kammena nissārīyanti, taṃ kammaṃ paññattanti attho.

500. Apaññattetiādīsu **apaññatte paññattanti** sattāpattikkhandhā kakusandhañca sammāsambuddhaṃ koṇāgamañca kassapañca sammāsambuddhaṃ ṭhapetvā antarā kenaci apaññatte sikkhāpade paññattaṃ nāma. Makkaṭivattuādivinītakathā sikkhāpade paññatte anupaññattaṃ nāma. Sesam sabbattha uttānamevāti.

Ānisaṃsavaggavaṇṇanā niṭṭhitā.

501. Idāni sabbasikkhāpadānaṃ ekekena ākārena navadhā saṅgahaṃ dassetuṃ “**nava saṅgahā**”tiādimāha. Tattha **vattusaṅgahoti** vatthunā saṅgaho. Evaṃ sesesupi padattho veditabbo. Ayaṃ panettha atthayojanā – yasmā hi ekasikkhāpadampi avatthusmiṃ paññattaṃ natthi, tasmā sabbāni vatthunā saṅgahitānīti evaṃ tāva vattusaṅgaho veditabbo.

Yasmā pana dve āpattikkhandhā silavipattiyā saṅgahitā, pañcāpattikkhandhā ācāravipattiyā, cha sikkhāpadāni ājīvavipattiyā saṅgahitāni, tasmā sabbānīpi vipattiyā saṅgahitānīti evaṃ vipattisaṅgaho veditabbo.

Yasmā pana sattahāpattīhi muttaṃ ekasikkhāpadampi natthi, tasmā sabbāni āpattiyā saṅgahitānīti evaṃ āpattisaṅgaho veditabbo.

Sabbāni ca sattasu nāgaresu paññattānīti nidānena saṅgahitānīti evaṃ nidānasaṅgaho veditabbo.

Yasmā pana ekasikkhāpadampi ajjhācārikapuggale asati paññattaṃ natthi, tasmā sabbāni puggalena saṅgahitānīti evaṃ puggalasaṅgaho veditabbo.

Sabbāni pana pañcahi ceva sattahi ca āpattikkhandhehi saṅgahitāni, sabbāni na vinā chahi samuṭṭhānehi samuṭṭhantīti samuṭṭhānena saṅgahitāni. Sabbāni ca catūsu adhikaraṇesu āpattādhikaraṇena saṅgahitāni. Sabbāni sattahi samathehi samathaṃ gacchantīti samathehi saṅgahitāni. Evamettha khandhasamuṭṭhānaadhikaraṇasamathasaṅgahāpi veditabbā. Sesam pubbe vuttanayamevāti.

Samantapāsādikāya vinayasamvaṇṇanāya

Navasaṅgahitavaggavaṇṇanā niṭṭhitā.

Niṭṭhitā ca parivārassa anuttānatthapadavaṇṇanāti.

Nigamanakathā

Ettāvatā ca –

Ubhato vibhaṅgakhandhaka-parivāravibhattidesanaṃ nātho;
Vinayaṭṭakam vinento, veneyyaṃ yaṃ jino āha.

Samadhikasattavīsati-sahassamattena tassa ganthena;
Samvaṇṇanā samattā, **samantapāsādikā** nāma.

Tatridaṃ samantapāsādikāya samantapāsādikattasmiṃ –

Ācariyaparamparato, nidānavatthupphadedāpanato;
Parasamayavivajjanato, sakasamayavisuddhito ceva.

Byañjanaparisodhanato, padatthato pāḷiyojanakkamato;
Sikkhāpadanicchayato, vibhaṅganayabhedadassanato.

Sampassataṃ na dissati, kiñci apāsādikaṃ yato ettha;
Viññūnamayaṃ tasmā, samantapāsādikātveva.

Samvaṇṇanā pavattā, vinayassa vineyyadamanakusalena;
Vuttassa lokanāthena, lokamanukampamānenāti.

Mahāaṭṭhakathañceva, mahāpaccarimevaca;
Kurundiñcāti tissopi, sīhaḷaṭṭhakathā imā.

Buddhamittoti nāmena, vissutassa yasassino;
Vinayaññussa dhīrassa, sutvā therassa santike.

Mahāmeghavanuyyāne, bhūmibhāge patiṭṭhito;
Mahāvihāro yo satthu, mahābodhivibhūsito.

Yaṃ tassa dakkhiṇe bhāge, padhānagharamuttamaṃ;
Sucicārittasīlena, bhikkhusaṅghena sevitam.

Uḷarakulasambhūto, saṅghupaṭṭhāyako sadā;
Anākulāya saddhāya, pasanno ratanattaye.

Mahānigamasāmīti, vissuto tattha kārayi;
Cārupākārasañcitraṃ, yaṃ pāsādaṃ manoramam.

Sītaccāyatarūpetam, sampannasalilāsayaṃ;
Vasatā tatra pāsāde, mahānigamasāmino.

Sucisīlasamācāraṃ, theram **buddhasiriv**hayaṃ;
Yā uddisitvā āraddhā, iddhā vinayaṃvaṇṇanā.

Pālayantassa sakalam, laṅkādīpaṃ nirabbudaṃ;
Rañño sirinivāsassa, **siripālaya**ssino.

Samavīsatime kheme, jayaṃvacchare ayaṃ;
Āraddhā ekavīsamhi, sampatte pariniṭṭhitā.

Upaddavā kule loke, nirupaddavato ayaṃ;
Ekaṃvacchareneva, yathā niṭṭham upāgatā.

Evaṃ sabbassa lokassa, niṭṭham dhammūpasamhitā;
Sīgham gacchantu ārambhā, sabbepi nirupaddavā.

Ciraṭṭhitattham dhammassa, karontena mayā imaṃ;
Saddhammabahumānena, yañca puññaṃ samācitraṃ.

Sabbassa ānubhāvena, tassa sabbepi paṇino;
Bhavantu dhammarājassa, saddhammarasasevino.

Ciraṃ tiṭṭhatu saddhammo, kāle vassaṃ ciraṃ pajam;
Tappetu devo dhammena, rājā rakkhatu medininti.

Paramavisuddhasaddhābuddhivīriyapaṭimaṇḍitena
sīlācārajjavamaddavādiḡṇasamudayasamuditena sakasamayasamayantaragahanajjhogāhaṇasamatthena
paññāveyyattiyasamannāgatena tipīṭakapariyattippabhede sātṭhakathe satthusāsane
appaṭihataññāppabhāvena mahāveyyākaraṇena
karaṇasampattijanitasukhaviniggatamadhurodāravacanalāvaṇṇayuttana yuttamuttavādinā vādivarena
mahākavinā pabhinnapaasambhidāparivāre chaḷabhiññāḍipabhedaguṇapaṭimaṇḍite
uttarimanussadhamme suppatīṭṭhitabuddhīnaṃ theravaṃsappadīpānaṃ therānaṃ mahāvihāravāsīnaṃ
vaṃsālāṅkārahūtena vipulavisuddhabuddhinā **buddhaghosoti** garūhi gahitanāmadheyyena therena katā
ayaṃ **samantapāsādikā** nāma vinayaṃvaṇṇanā –

Tāva tiṭṭhatu lokasmiṃ, lokanittaraṇesinaṃ;
Dassentī kulaputtānaṃ, nayaṃ sīlavissuddhiyā.

Yāva buddhoti nāmampi, suddhacittassa tādino;
Lokamhi lokajeṭṭhassa, pavattati mahesinoti.

Samantapāsādikā nāma

Vinaya-aṭṭhakathā niṭṭhitā.